



87/1008

ESP



Digitized by the Internet Archive
in 2014





DVICALIS REGIE
 LARARIUM
 Sive
 SER.^{ME} REIPV. VENETA
 PRINCIPV OMNIV
 ICONES
 Vsque



AD SERENISSIMV
 IOANNEM PISAVRV
 Qui Nunc Renu Felicititer Potitue
 ELOGIA
 ED. LEONIS MATINAE
 Neapolitani
 Monachi Casinatis











SERENISSIMO PRINCIPI
D O M I N I C O
C O N T A R E N O .

Præcellis VENETI SENATVS Patribus.
IMPERIVM SINE FINE.



Opuli Romani maiestas, & amplitudo, quæ ad vos, Serenissime P. Præcellsi Patres commigrauit, in id vnum collimabat, vt Ciues rerum dominos ad Maiorum præclara gesta æmulanda prouocaret; hinc Imperij diuturnitatem, felicitatemq; pendere arbitrata. Huc tendebant Atauorum Imagines longa serie in atrijs dispositæ, Equestres, Togateq; statuæ in Curia, in Foro, in Rostris, in Capitolio, marmoreæ moles, & Arcus in semitis.

Cum autem eadē sententia vestris infederit animis, rem minimè ingrata vobis me facturum existimaui, si Venetis Conscriptis Patribus, imò toti humano generi rerū tum domi,

tum foris præclarè gerendarum ideas proponerem ; id verò me non aliter assecuturum duxi , quam sapientissimorum , fortissimorumque Ducum vestrorum effigies , virtutis scilicet simulachra , & clarissima facinora in medium afferendo, quæ velut in altissima specula exposita orbis contempletur . Verum quia rerum magnitudo ingentibus Auctorum voluminibus comprehensa, Lectoris oculos, mentemque fatigant , per Elogia, pressò dicendi genere , & veluti epitome illa scribere constitui ; gloriæ vestræ, vt arbitror, nonnihil collaturus, quod externus homo, ex Campano Cœlo , qui odij, amorisque causas procul habeo, res vestras simplici stylo exarauerim; quod fiet, vt ijsdem artibus quibus comparastis, vestrum perennet Imperium, & quam sibi blandiens Roma (ex pecudum extis, & Numinum contumacia , cum cæteris cedentibus, Terminus solus, & Iuuetæ restitere) Principatus æternitatē pollicebatur, Vobis à bonorum largitore Deo licet ominari; & iure quidē, cum hætenus Respublica vestra temporis omnia discerpentis exuias sui Leonis vngue lacerauerit,

uerit, & tercentum propè suprà mille annos
agens, non senectute confici, sed reuirescere
videatur. Hoc suadent vestra non ex Sybil-
linis, sed ex Christi folijs petita Religio; non
Imperij magnitudo, quæ propria mole ruat,
& labefactata opprimatur, sed robusta, & vi-
ribus cum moderatione dominatio, quæ ho-
stes terreat, amicos conciliet.

Quanti autem vestra æstimanda sit non
angustis limitibus circumscripta Respublica,
vt præteream atrocía, ingentiaque cum fortis-
simis hostibus ferè vbique terrarum patrata
certamina, docet immane hoc cruentum ex
omnibus vnum, & plusquã bellum, quod fer-
uēt, & cum potentissimo, maximoque per-
duelle iam quindecim annos ingentibus ani-
mis geritis, & propulsatis. Immanissimus Tur-
ca in hunc cui præsidetis, florentissimum Eu-
ropæ angulum totas Asiæ, Africæque vires
allidit, formidataque magnis Regibus tam
longa ætate nequicquã effundit potentiam;
adeò vt verè, & ablegata assentatione sit fatē-
dum, vno vos cum hoste contendere, & vni-
uerso cum orbe decertare. Ex rubro mari, vt
ilud san-

sanguine concolorem; ex nigro, vt pullatā vestram reddat Rēpublicam, tota belli mole ruens classes immittit innumeras; uerum aut fuscę, aut laceratę, aut demersę Ægeū cruentarunt, naufragijsque operuerunt; uelut cum duo fulmina Ponti, Laurentius Marcellus, & Lazarus Mocenicus in illas tam fēda strage ad Propontidis fauces tonuerunt; cum attonitis barbaris, vibrātia uexilla uestra, suis arcibus fixa spectantibus, ipsam Imperij sedē tam cominūs adeò uester terror afflaret. Ergo uicistis Orbē, qui de Tyrāno Orbis uictore triumphastis. Quam pudendis cladi- bus in Illyrico affeceritis documento est, igne, ferroque deuastata regio, direptę Arces, & ipsum omnium uiribus inuictum Clyssę munimentū, uolucris tantum, uel Cēlo descendentibus adeundū, præclarissimo Duce Leonardo Fuscolo, uestris copijs domitum, & subactum. Itaque uobis solis, cum tot, tantisque nationibus Ottomano subiectis præliantibus, Deum; Deum equidem uestris in castris militantem spectator Orbis admiratur; quis autem tam acerbi, diuturniq;
belli,

belli futurus sit exitus, ex semper optata, omniumque votis quæsitâ pace, quæ ab Hispaniæ, Galliæque Regum maximis, plaudente Orbe agitatur, licet ominari.

Ceterum mihi, omnibusq; qui christiano nomini fauent, D. O. M. vota sunt nuncupanda, vt Catholicæ Fidei columnis incolumibus, in Christi hostium capita pijsissimi belli furor effundatur.

Et hanc oraculorum Cortinam, iustitiæ Sacrarium, Europæ decus, Orbis delitium, Pontificû asylum, Catholicæ Religionis propugnaculum, Italiæ murum, in quem Barbarorum capita alliduntur, Romanæ libertatis exemplar inconcussum, nullisque aut temporis, aut hostium armis petitem, Cœlitum agmina tueantur.

Ad te nunc conuertor Ser. P. DOMINICE CONTARENE, qui alterius Domini atâui tui, fortissimi Principis nomen, & virtutum decora hereditario iure tenes; te Patriæ felicitatis assertorem, auctoremque Deus constituit, cum ex Atestino secessu, in quem diadema fugiens te abdideras, propria
b dexte-

dextera mirum in modū eduxerit, & ad Patrię fastigiū sublimauerit, inopinatò in te absentē omnium Patrum vota conuertens, sex Maioribus tuis, maximis Principibus te septimum Ducē adiiciens, vt impoſterum Contarenam gentem Principum ſeminarium iure appellare poſſimus. Tuo igitur ſolidiſſimo capiti, Reipub. moles numquā ruitura nititur, ex quo vbertatem in populos, in hoſtes bellum, in ciues pacem tamdiū expectatam effundes. Annuant Superi votis meis.


Interim Sereniſſime P. Præcelſi PP. auſus meos qualeſcunque, ingentes tamē, ſi voſ ipſos operis metam ſpectetis, ſtudiij, obſequijque plenos ampliſſimo veſtrę clementię ſinu fouete, & regioſ animoſ in illis excipiendis præbete, vberrimoſ laborum meorum fructuſ relaturuſ, ſi pro veſtra gloria, & amplitudine non indignè eternitati adlaborauero.

Venetijſ ex D. Georgij maioris Cœnobio
Kalendis Ianuarijſ clo lcc LX.

^{ma}
CELSISS. SERENITATI VESTRÆ.

Obſequentiſſimuſ
D. L. Matina.

LECTOR HVMANISSIME



Rbem Venetam miraculorum splen-
nam, siue naturæ, siue artis por-
tenta spectentur, nemo adit, quin
Medusæ fabulis fidem faciat, cum attonito si-
milis in lapidē rigere videatur. Vitreum maris
pauimentum per vrbis vias stratum, natantia
splendidissima templa, magnificentissime
ædes, immania fora, præcelsæ moles, Patrum
consilia, Reipub. ordo, omnia in sui admira-
tionem impellunt. Hæc cum mecum sæpius
animo volutassem, licet maximi Scriptores
Reipub. historias monumentis consignauerint,
id vnum tamen ad Imperij maiestatem, Rei-
pub. decus, Conscriptorū Patrum amplitudi-
nem desiderari videbatur, eorum nimirum qui
in altissimo Reipub. fastigio collocati Patriæ
se Principes præbuere, nomina, effigies, resq;
gestas inter Fastos referre, ijsq; tanquam Rei-
pub. Numinibus in Ducali Regia venerandū
excitare Lararium, in quo ipsorum icones, vel
mutæ declamantes ciuium mentes ad glo-
riam inflammarent, à flagitijs deterrerent.

Tan-

Tantę moli insudare licet Dædalus non sim,
consiliũ mihi fuit: præclaros ausus contuli cum
Illustrissimo, Reuerendissimoq; Ioãne Francis-
co Mauroceno, Venetiarum Patriarcha, cuius
præclarissima gens Pannóniæ Reges, alijsque
nationibus Principes, Reipub. Duces, Romanę
Ecclesiæ purpuratos, exercitibus, classibusque
Imperatores dedit; cuius in infula, velut in
asylo sanctissimo Antistite dignæ virtutes om-
nes decertant, commendauit ipse meam tan-
to labori se credentem audaciam.

Hinc rem aperui religiosissimo, suęque
Patrię Venetę amātissimo Viro Aloyfio Squa-
drono, Cassinatis Reipub. III. Dictatori, qui in
D. Iustinæ Patauinæ maximo Asceterio præpo-
situram gerebat, prout nunc Abbatis dignita-
te præfulget; hic currenti mihi calcar addi-
dit, opem, operamque præbuit suam, otia fe-
cit, vt commodè tantæ structurę adlabora-
rem. Tandem institutum opus absolui, Elo-
gia nimirum vniuscuiusq; Principis subijci-
da simulachro; deerant imagines, quæ licet
in Curia longo ordine positi Comitij præ-
sint, eas tamen totum per Orbem ad glo-

riæ

riæ spectāculum circumferre decreueram.

Equidem fateor, ingēs opus, laborisque plenum aggressus sum, cupro nimirum, nobili cælo, Iacobi Picini Veneti, è Germanis protypis mutuatas effigies celandas curare, maximè cum mihi religioso viro sumptus profusio obstatet. Tandem plerique P. Conscripti Principum heredes, qui suis in ædibus atavorum manibus ad se transmissas imagines retinebant, suis sumptibus incisas mihi tradidere; tamen adhuc maior iconum numerus, præcipuè autem priorum Ducum, quorum familias tempus deleuit, desiderabatur, adeò ut territus penè à cœpto opere desisterem.

At animos delectos, curasq; meas leuarunt duo Cornelie gentis clarissima lumina, Excellentissimus D. Nicolaus D. Marci Procurator. qui à marmorearum ædium quas incolit, amplitudine magnæ Domus vocabulo appellatur, & Regiam stirpem Regia corporis, animiq; maiestate implet, maxima gaza, omnisq; litteraturæ non curta supellectile diues, nec nō Excellentiss. D. Io: Baptista, Piscopie agnomine auctus, à magno Frederico Cornelio genus
c ducens,

ducens, qui in grauissimo Patrię, Reipublicęq;
discrimine, cum Ianuensis belli fulmine quate-
retur, famescentem Urbem annona, Imperiũ
auro recreauit, & Regijs ædibus ad D. Lu-
cæ Cypri Regem, Petrum Lusignanum ma-
gnificentissimè excepit, à quo cum Rex se-
xaginta millia auri nummum mutuò accepis-
set, amoris, ac gratitudinis argumento, Cyprij
Regni Stemmata illius gentile insigne exorna-
uit, ac Piscopię maximo oppido ditauit; ad-
quem Regē cum Valentina Vicecomes nup-
ta pergeret, iisdē in ædibus eam Petrus Cor-
nelius regiē est hospitatus. Hic itaque Excell.
D. Io: Baptista, Procuratoris Diui Marci palu-
damento grauis, qui pudicę, ac Senatorię gra-
uitatis plena eloquentia pollet, maximaque in
rebus agendis efficaciam ardua aggreditur faci-
nora, feliciterque explet, cum Excellentissimo
D. Nicolao non ignobili largitione plures Ico-
nes iussere incidendas.

His accessit Francisci Badoarij, Venetorum
maximi, eruditissimique Patritij liberalitas,
cui chiragra, quam habet infestissimam, ad
glorię sumptus manum non contraxit; qui
septem

septem familiæ suæ Principes, pectoris ampli-
tudine claudere videtur; plurimū etiā profuit,
cum Lararij fundamenta iacerē, amplissimus
Senator Nicolaus Venerius, qui atavos Du-
ces animi sui magnitudine æquans, proprio
ære nonnullas est imagines auspicatus.

Fruere igitur Lector tot Heroū maiestatis
pleno tum intuitu, tū gestis amplissimis, quæ
tantum à me libata, si quid fusius desideres,
habes auctorum syluam, quorum plurimos
in Archontologia Cosmica inuenies; nonnul-
los verò Elogijs è regione adscripsi, vt essent
veluti faces toti operi prælucentes; tum omni-
bus locis idem feci, quia omnia ex iisdem fon-
tibus hausta sunt.

Maiestatem generis vniuscuiusque Princi-
pis, eorumque gentis originem narrare consul-
tò præterij, videbar enim mihi inani labore so-
li facem addere, cum eorum nonnulli supra
mille annos in Reipub. apice floruerint, alij
multa secula nobilitatis enumerent.

Cum autem multæ sint familiæ, quæ ve-
teri Stemmate, & agnomine posito, aliud
mutuatæ sint, veluti Participatia, quæ Badoa-
riam,

riam, Candiana quæ Sanutam; Galbaia;
quæ Quirinam assumpsit; nonnullas ta-
men ex istis in margine addidi, at non
temerè, verùm ex Auctoribus, codicibus-
que typis traditis, vel manuscriptis decerp-
tas.

Veritas mihi scribenti cordi fuit, dissiden-
tium Auctorum opiniones, idē facinus multis
diuerso tempore attributum abieci, certumq;
in locum conieci. Rerum non furculos, aut
stolones, sed robora quæsiui; opus latino ser-
mone exaravi, vt non tantum Italiæ, verum
toti Orbi Principum Lararium aperirem.
Si quid boni nactus fueris Urbane Lector,
Deo grates redde, labes ingenij, styli, pru-
dentia in me vnum conijce.

Typographi errata tua humanitate, &
eruditione castiga; litterarum, numerorumque
transpositionibus ignosce; in omnibus ferè pre-
lis repunt errata, in hoc licet maxima dili-
gentia sit adhibita, plura inuenies, quibus an-
sam dedit, præcipuè in primis folijs, repeti-
ta mea Patauio Venetias circumcursatio;
castigatiora ni fallor postrema prodibunt.
Absolutis

Absolutis Principum Elogijs ; nonnulla
adieci ad Venetam vel Urbem , vel Remp.
spectantia, vt suis Ducibus ancillentur, & po-
sticam Lararij partem veluti tessellato ope-
re exornent . Adhuc in viuis agente Serenif-
simo Ioanne Pisauo , opus planè absolutum
erat, verum illo Fatis cedente, summo Urbis
mœrore , & Serenifs. Dominico Contareno
communi eiusdem lætitia illi suffecto, coronis
imposita est . Quod nolui vt nescires, ne frons
operis animum curiosum sollicitet. Vale.



Vt Elogia sup̄ascripta A.R.P.D. Leonis Ma-
tinæ, Monachi Cassinensis, inscripta Duca-
lis Regiæ Lararium, imprimi possint Patauij,
facultatem concedimus. Datum ex Ædibus
S. Inquisitionis Paduæ, apud Conuentum S.
Antonij Patauini Confess. die 14. Maij 1659.

Fr. Io: de Angelis, Inquisitor Gen. Paduæ, &c.

Noi Reformatori dello Studio di Padoua.

Hauendo osseruato per fede del P. Inquisitore
non vi esser negl' Elogi del P. Leon Matina
Monaco Cassinense, cosa contro la Santa Fe-
de; e parimēte per fede del Segretario nostro,
niente contro Prencipi, ò buoni costumi,
concedemo licenza che possino essere stam-
pati; douendo osseruarli gl'ordini, & esserne
presentate due copie per le Librarie pubbliche
di Padoua, e di questa Città.

Dat. dal Magistrato nostro li 14. Maggio 1659:

(
(Andrea Contareni Cau. Proc. Reformat.
(Nicolò Sagiedo Cau: Procur: Reform:

Alemante Angelo Donini Segr.

Facultās Religionis.

ELogia perlegi P. D. Leonis Matinæ, nostræ
Congregationis Monachi Neapolitani,
quibus Titulus, Ducalis Regiæ Lararium, siue
Serenissimæ Reipublicæ Venetæ Principum
omnium Icones ; quæ verè regio stylo exa-
rata, eximiam, ac principem præ se ferunt eru-
ditionem ; quinetiam auitam Veneti Leonis
maiestatem, ingenita Monastici cuculli pieta-
te irradiatam, depromunt ; sicque Leo Leo-
nem generat. Quia verò nihil Catholicæ Fidei,
ac bonis moribus aduersum continent, quòd
Typis mandentur censeo.

In Monasterio Sancti Georgij Maioris Ve-
netiarum. Die 11. Maij 1659.

D. Gratianus à Randasio, Abbas S. Flauie.

Elogia prædicta vt suprà approbata, vulgari
posse permittimus.

Dat. in Monast. S. Georgij 12. Maij 1659.

D. Io. Baptista à Tiferno, Defin. & Scriba Ca-
pituli generalis, &c.

Summa Priuilegij Sereniss. Reip. Venetæ.


I O A N N E S P I S A V R O

Dei Gratia Dux Venetiarum, &c.

VNiuerfis, & singulis Rectoribus, & Representantibus nostris quibuscunque, &c.
Anderà parte che per autorità di questo Consiglio, sia al P. D. Leone concesso Priuileggio, che esso solo, ò chi hauerà causa da lui, possino per anni dieci prossimi stampare, ò altroue stampato vendere, ò far vendere, così in questa Città, come in ogni altro luogo dello Stato nostro il Libro sudetto, sotto pena à contrafattori di perdere le opere che fossero ritrouate, e di Ducati trecento, applicati vn terzo all'accusator', vn terzo al Magistrato, ò Reggimento che farà l'essecutione, e l'altro terzo all'Arsenal nostro, in conformità dell'ordinario. Quare auctoritate prædicti Consilij, mandamus vobis vt ita exequi debeatis.

Datum in Nostro Ducali die 31. Maij
Indict. Decima secunda, MDCLIX.

Alemante Angelo Donini
Segretario.





O D E

Illustris. DD. Marchionis Sfortiæ de Brippio.

Alludit ad nomen , & Gentilitium

Stemma Auctoris

TRanscripta terris sidera splendide
 Crinita flammis mirer ; an orbibus
 Inferta Sphærarum hospitantur
 Sidereo iuga verna mundo ?
 Viden' beato vt vertice fulguret
 Illustre sidus ? Quis iuga candidus
MATINA splendor , & superbæ
 Ambitio radiosa flammæ
 Accendit ? Istud nobile Gnoſſidos
 Hospes coronæ Sidus , an Arctica
 Pharos per immites procellas
 Sidonio famulata Ponto ?
 Quid ? Aphrodites flamma superbæ ;
 An ille floccus Phasiaci gregis
 Reuulsus auro bracteatis
 Velleribus , nitidoque tergo ?
 Vni **MATINO** per iuga patria
 Seruit **LEONI** sidus amabile ,
 Et illecebrosas per auras
 Siderei famulantur ignes ;

Stellata flammis arua micantibus
Patent. Iube, qua conglomeret diem
Gentile sidus, qua tenebras
Purpureo populetur igne,
Cedet niuali firmate splendor
Ledaëus ales, regia fulminum
Cedet fatelles, & iubatus
Frondiferæ Nemees alumnus;
Et vnde sedes attigit igneas
Terror Cleones. Quis furor intulit
In astra sylvarum tyrannum
Sanguineum, nemorumque Regem?
Quas ille clades per Nemees dedit
Spelæa? Quis per funera contumax
Furor cruentum, & efferatum
Per medias tulit ira cædes?
Hoc emptæ censu sidera barbaro
Merces furori? Quam tibi discolor
LEO MATINE, degenerq;
Nobilitas, geniusque morum;
Quam fronte ludit terror amabilis,
Timorque pulcher; quam rotat illices
Flammæ voluptas, & iubatæ
Luxuries pretiosa pompæ.

Quid

Quid mirer oris delicias tui;
Suadæ medullam, mellis euntia
Fluenta linguæ, deq; FORTI
Nectareos memorem saporēs,
Vatum mamillam? Hac scilicet indole
LEO MATINVS non per amantia
Spelæa sylvarum asperasti
Sanguineos, per & arma mores.
Tibi beati verticis otia
Ad vota lufit Veris amœnitas,
Et Virginum suaue mores
Finxit ad illicium Dearum
Gentilis Hyblæ rara superbia;
Cui purpuratus cedat Himettidos
Luxus rofarum, disparesque
Nectareos lacrymetur imbres;
Quo Flora cultu prata comantia
Flammis rofarum infcribit, & aureo
Pallore pingit liliorum
Exuuias, niuibusque crines,
Hic Afra vatum, hic nobile Pieris
Apis laborat nectar, & asperi
Tactu Leones manfuefcunt
Illicio famulantis auræ.

Quam

Quam sæpe ad huius verticis otia
Leo superbi nobilis Adriæ
Regnator, armati cruentum
Exuit ingenium Leonis;
Vt è cruenta cæde ferocior
Per decorem sanguine Bosphorum
Inuisa iussit contumaces
Frena pati, dominumq; Thracas;
Seu bellicosæ finibus Africæ
Turrita classis Pergama, & arbitras
Ponti triumphati triremes
Intulerit, Nomadumq; Regum
Ad transtra, sæuam & vincla superbiam
Victor citarit; nec furor asperat
Frontem, aut saginat efferata
Cæde ferox, & acerbat iras.
Has Orbis (an me ludit amabilis
Infania) has olim, auguror, auguror,
Glebas adoret, fulguretq;
Nobilium Cynosura vatum
Gentile sidus; te simul igneis
Inscribat astris emeritum decus,
Ignesq; Sphærarum MATINI
Sidera multiplicent LEONIS.

PAV-

PAVLVTII ANAFESTI

Primi Venetiarum Ducis

Elogium I.

Anno 697. inaugurati.



Quàm arduum fuit
Venetę Maiestati dare Caput !
Huic constituendo

A

Du-

*Respublica per
Tribunos mo-
derata bisce-
sum, & tri-
ginta Annos.*

Ducentos propè & triginta Annos

Desudatum est

Hactenus Tribunitiæ florere Virgè :

Verùm ad nouæ Dignitatis radios

Aruere.

PAVLVTIVS ANAFESTVS

Fastis Principum Primus adscribitur.

*Primus Dux
Heracleæ crea-
tur.*

Heraclea Patriæ Patrem dedit

Ad Reipublicæ Speculam euectus

Speculum se Principibus fecit.

Iustitiæ manus prò Ciuibus

Æqua lance,

Suas contra Hostes

Metuendis lanceis armauit.

Ne per flumina patria adnarent bella,

Arcium, militumque aggere

Vallauit.

Certas Naues Insulis imperauit,

Vt aduersus incertas irruptiones

Vigilarent.

*Equiliū rebel-
lans domuit.*

Equilinos desertores

Auctoritate terruit,

Armis ad Imperia reduxit.

Quò

Quò validius in perduelles detonaret,

Belli fulmina

Luitprandum, & Aripertum Reges
suis Castris fædere adiecit.

*Cum Regibus
Longobardis
amicitias
init.*

Quàm Pium

Veneti Principatus exordium!

Coelites etiam

Commilitones voluit.

DEIPARÆ VIRGINI

Immane Templum

Torcelli excitavit;

Hanc inconcussam Imperij Arcem dixit.

Heliodorum Altinatem,

Compluresque Diuos

Ad Reipublicæ excubias

Coelo euocavit.

*Sanctorum Re-
liquias Tem-
plis inferi.*

Vigesimo Anno, & sexto Mense

Post suscepta gubernacula,

Ducali Paludamento,

Mortalibusque exuvijs depositis,

Laticlauiæ Cœli, Toga donatus est.

MAR-

⁴
MARCELLI TEGALLIANI

Elogium II.

Anno 717.



MARCELLVS TEGALLIANVS

Ad Pacem natus

Sagum induit inuitus

Quàm speciosa ipsius bellorum Auspicia
Prima

Prima pro Templis, Arisque;
Pontificio concitatus lituo
Arma capeffit.

Inter Aquileie, Gradique Pastores
Subitum detonuerat bellum;
Mox per vtriusque Urbis Ciues,
Veluti per hostilia Castra,
Præliorum contagio
Exardebat.

MARCELLVS vt extingueret,
A Gregorio Secundo Pontifice
Imploratur:

Cuius votis tubæ aura velificatus
Gradenfem Ecclesiam, & Patriarcham
Asseruit.

Ingenium acre, & Pacatum
Bello, Paceque miscuit,
Nil non ausurus

Magno Principe Dignum.
Ad Reipublicæ Clauum
Nouem cum sedisset Annos,
Mortis clauo transfixus est.

*Pro Gradenſe
Patriarcha in
Aquilienſem,
Pontifice hortā-
te præliatur, vt
illos componat.*

6
VRSIIPATII

Elogium III.

Anno 726.



Miraberis Erymanthæa antra

Ad Veneta translata vada;

Equibus

Ad Ciuium Pacem domi,

Ad

Ad hostium bella foris
 Discerpenda
 VERSVS IPATIVS
 Erupit.

Cruentos vngues primùm
 In Longobardos exacuit:
 Hos infestis agminibus,
 Exarchæ præcibus,
 Pontificis monitis,
 Rauenna cæsos fugauit:
 Ildebrando Regis nepote Capto,
 De Rege triumphauit:
 Paredum Vicentiæ Ducem
 Victoriæ hostiam mactauit.
 Triumphus Cæsari celsit,
 Rauennæ Exarcham restituit.
 VRBES DOMARE, ET DONARE,
 VENETVM EST,
 Tum in Aquileienses
 Grado infestos
 Belli rabiem effudit.
 Fatigato apud exteros furore
 Superbia in suos grassatur.

*Sabellicus dec. 1.
 lib. 1. Baronius
 Tom. 9. Ann.
 726. num. 27.
 Sigon. de Regno
 Italico. lib. 3.
 Tarcagn. 2. par.
 lib. 8.*

Hoc fidere
Inter Iesolanos , & Eraclienses
Ciuis bellis mota tempestas.
Diù , velut in arena
Gladiatorij muneris spectator ,
Illorum cruore satiatus:
Tandem confossus
Suum cum Principatu sanguinem
Per vulnera egeffit
Hæc prima Ciuium furori
Victima cæsa
Principatus Anno vndecimo .

⁹
DV⁹CALIS DIGNITAS ABROGATA

Anno 737.

Post Vrsi interneccionem

Principis sedes,

Quasi ominosa esset Heracleæ,

Matamaucum traducta est:

At Ducis nomen, & fasces aboliti.

Placuit, Magistros Militum

Annua præesse Præfectura.



C

Pri-

Primus omnium studio
DOMINICVS LEONIVS

Salutatur;

Vt Venetis Castris regia, & bellatrix fera,
Quæ ad huc florentissima perdurat,
Excubaret.

Hunc excepit

FELIX CORNICVLA:

Hinc

THEODATVS IPATIVS

VERSI proles,

Quem extorrem Penatibus reuocatum
Biennali, Imperio decorarunt.

Huic suffectus

IVLIANVS CIPARIVS;

Inde

ZIANVS FABRITIVS

Reipublicæ scopulus,

Et cruentus turbo:

Qui, nec Anno expleto,

Exauctoratus, exoculatus est.

Hic inter Iesolanos,

Et Heraclienses

Tam

Tam acerbi praelij facem accendit,

Vt vix Partium sanguine

Funeribusque sit obruta.

Ciuis Reliquiæ furoris

Mātamauci militum magistros

Perosæ,

Iterum ad Ducale fastigium

Euexerunt

THEODATVM IPATIVM!

DV CALIS MAIESTA
RESTITVTA

Anno 7142.

THEODATI IPATII
Elogium IV.



Regnandi furor
In quanta scelera impellit!

Tela

Tela, Infidiæ, Toxica
 Sunt gradus,
 Quibus improbi
 Ad folia repunt.

THEODATVM IPATIVM,

Optimum Principem,
 Ex VRSO natum,
 Perditus vir GALLA
 Feram Imperio lacerandam
 Malo Genio datam euulgavit;
 Vt Ducem perderet,
 Sibi solium compararet.

Imperio Fortuna suffragata est.
 THEODATVS cum Aistulfo Rege
 Eracleæ fines circumscripserat
 Anaxo flumine,

Quo pugnae fulmina mergerentur.

Verum inde in eum
 Proditionis faces exarsere.

Regnum sibi moliri,
 Brundulique Arce muniri
 Coniuratorum voce percrebuit.

His GALLA duce,

D Inno-

Innocuus Princeps circumuentus
 Throno deturbatur ,
 Et oculis orbatur ,
 Qui se Patriæ lucem
 Tredecim præbuerat Annos :

GALLÆ

Elogium V.

Anno 755.



Non diu ius datum sceleri.
 Malè voratum, pessimè digestum
 Imperium
 Sinè mora reuomuit

GAL-

GALLA,

Cuius feralè nomen proijcio:
 Exequiales THEODATI faces
 In GALLAM furiarum manus
 Armarunt.

Hic lubrico in Aulæ Culmine
 Vix Annum consistens,
 Scelerum farcina grauis,
 Præceps ruit.

Flagitijs clarum,
 Tenebris Mulctauere Ciues,
 Illius lumina extinguentes.

Dignus nocte,
 Qui
 Principis folio occasum,
 Libertatis soli deliquium
 Quæsiuit.

DOMINICI MONEGARIII¹⁷

Elogium VI.

Anno 756.



Ne Potentiæ solitudo
Rempublicam in desertum,
Principem in feram,
Commutaret,

VAM

E

DO.

DOMINICO MONEGARIO

Duo Tribuni,
Regnandi Amentia furenti
Iniecta fræna.
Hoc contumax Brutum
Collegarum non est coercitum loro.
Et ardens Imperandi Cupido
Tempore non consenuit,
Sed efferbuit,
Post quinque Annos
Apertè nixus
Rempublicam Priuatam facere,
Igitur Regnum querens
Oculos amisit.
Ne mireris luminibus orbatum,
Qui in Principatus iubar
Nimis audacter aciem
Intendit.

19

MAVRITII GALBAI. SIVE QVIRINI

Elogium VII.

Anno 764.

*Quirina Gens
eadem cum Sul-
pitia & Galbaia,
à Casare Galba,
vocabulum sumis
ex monumentis
historicis, & m. s.
Familia Quiring.*



Thronum quantumvis Augustum,
Duobus Augustum
Proditum est.

Ta-

Tamen
MAVRITII GALBAI

Probitas

Improbum Aulis Monstrum

Inuexit,

Principatus Consortes

Liberos admisit;

Et liberum Imperium

Penè in seruitutem misit.

Coniurati Gradi Aciem,

Quam filij scelera concitauerant,

Solus sui ingenij acie

Gradum retrodare coegisset.

At nato ligatus

Illius Peripetia inuolutus est.

Qui dum Ioannem Gradi Præsulem

Seditionis auctorem arbitratur,

Pium Sacerdotem impijs aris Victimam

Destinat.

Hunc cum MAVRITIVS

Nati natus

E turris culmine deturbat,

Cum illo proprium Imperium

Ad

*Gradi Vibis in
Principem con-
spirat.*

*Principis filius,
et nepos Gradi
Patitarcha per-
dunt.*

Ad faxā allidit.

A Sulpitia gente, & Gallæ Nepotibus
Vnde GALBAI nomen sumptum

Supplitijs sæuiri

Quis miretur?

Ferrei Parricide

Vitreā Potentiā reddidere,

Quam facilè Carolus Galliæ,

Et Pipinus Italiæ Reges

Confregere.

Nam Principatu eiectos

Profugos egerunt.

Huius Gerionis Imperium

Mirum, viginti quinque Annos

Perdurasse.

*Sulpitia gens ex
Galba Casare
Galbaia dicta,
qua & Quirinè
vocabulum sū-
psit, ex Roma
eraducta Vene-
tias.*

OBELERII ANTENOREI,

Elogium VIII.

Anno 804



Quàm insolens
 Nunc amantis, nunc amentis
 Fortunæ lusus!
 Hos deprimat, ut eleuet,

Illos

Illos euehit, vt allidat.

OBELERIVS ANTENOREVS

Nuper extorris, & hostis

Matamauci repente

Patrię Pater est salutatus.

Hic Beatum, & Valentinum

Fratres.

Solij socios adsciuit;

Vt Beatam, Valentemque

Rempubicam prædicaret.

At infelicem reddidit,

Cum ex vna Tricipitem fecit.

Monstrosa vnio

Dissoluendo Imperio conflata est.

Ab his Caroli, Pipinique agmina

Ad Patrię sunt vocata excidia.

Intra Urbis viscera

Parricidale ferrum

Districturn est.

Hactenus vada

Ciuico Gallicoque sanguine turgent.

Tunc illa crudelitatis trophæa;

Eraclea obruta,

Ma-

Matahaucum, & Albiola

Deditæ,

Populata Clodia;

Et nisi numina obstitissent,

Ipsa foret deleta Ciuitas.

Acerrimę pugnę locum

Orphanum appellant Rium;

Quasi Patre, liberisque

Se viduatam tunc Patria

Senferit.

OBELERIVS

Tantarum fax cladium

Ad Pipini Castra transiuit.

Mox rebus cum Rege compositis,

Eodem efflagitante,

Vrbs OBELERIVM,

Quasi Venenum biberet,

Toruo oculo excepit.

Verum vt malorum parenti

Iustè parentaret.

Feralibus epulis;

Eius artubus dilaceratis,

Ambesoque corde,

Ciuium

III Ciuium manibus litauit.

Trium Germanorum Potentia
Lustrum non exegit.



Gallorum agmina
An Fata impelluntur
Tunc, quod est iustum
Rimatum coactum

sup II

G ANGE

ANGELI PARTICIPATII

Elogium IX.

Anno 809.



Gallorum agminibus;
 An Fatis impellentibus,
 Patres, Ciuesque ex Insulis
 Riualtum concessere?

Equi-

Equidem dictante numine

Hanc Imperij sedem constituunt.

Hucusque homines;

Nunc Angelum

In

ANGELO PARTICIPATIO

Ducem dicunt.

Auspicatissimus Princeps,

Ne laribus extorris

Ageret Imperium,

Marmoream illi ponit Regiam.

Diuisam Urbem multo ponte

Coniungit;

Vt Ciuium quoque animi coirent.

Liberos Principatus contubernio

Principe dignis instruit artibus.

ANGELO Duce

Facilius Diuos, quàm homines

Inuenires.

Urbem Templum,

Templa Vrbes fecit,

Quæ DD. Laurentio, Zacchariæ,

Seuero, & Hilario erexit;

Vt

Vt Venetias Cœlum
 Ab ANGELO diceret animatum.
 Et hoc Dei Arcem omnibus salutarem.
 Christi laciniam languēti femine panchrestū,
 Crucis lignum
 Quo naufragus Orbis emerfit,
 Diui Zacchariæ ossa
 In illius nomini dicatam Ædem
 Inuexit.
 Pietatem armorum, arma Pietatis
 Fulgore illustrauit:
 Aquileiam, & Forum Iulij
 Nauali prælio obtriuit,
 Quos aquis in Mari
 Flammis in solo puniuit.
 In ipsorum oras faces vibrauit,
 Vt videretur eorum Potentiam
 Rogo conflagrandam iniecisse.
 Infra Triumphum Clementia fuit,
 Patriarcham Aquileiensem,
 Cæterosque captiuos, liberos,
 Hoc Sacramento adstrictos,
 Dimisit;

*Hic Indus Bac-
canaliorum
die hucusque
celebratur so-
lus Tauri oc-
cissione.*

Decem Verres, Taurumque,
Populo spectante,
Venetæque Victorię mactandos,
Singulis Annis,
Domitę temeritatis Monumenta
Mitterent.

Bellis feliciter patratis
A Patria ad Cœli atria transiit
Tria Iustra, tresque Annos Princeps.

IVSTINIANI PARTICIPATII

Elogium X.

Anno 828.



IVSTINIANVM PARTICIPATIVM

Venetum appella Numam.

Ab illo Ancylia,

Ad quæ allisa bella frangerentur,

Palla-

Palladium, cuius Ægis
Imperij fines tueretur,
D. scilicet Marcum Euangelistam
Cœlo lapsum accepimus.

Huic Venetæ felicitati
Alexandria Venetias adremiganti
Quasi Erynnes inuiderent,
In tantæ Gazeuctricem Nauem
Ventis, procellisque conspirarunt:

*Navis, quæ D.
Marcum vehe-
bat, oborta tem-
pestate pene nau-
fragatur.*

At MARCVS
Vt maris Imperium
Exitunc Venetis præfagiret;
Componi fluctus,
Infernasque Acies
Ad suos redire iussit cruciatus.

*Subito succedit
serenitas.*

Sacratis exuuijs
Angusta yrna conclusis,
Tam Augustum Templum
Suo sumptu IVSTINIANVS
Excitauit,
Vt Diuo MARCO etiam terris
Aliud Cœlum erexisse
Videretur.

Rem-

Rempubicam magis est feruare,
Quàm facere:

Plus ergo patrauit,
Patriæ qui feruatorem dedit,
Quàm qui fundamenta iecere.

Venetis exercitibus
D. Marco dato Imperatore,
Bellicosus Princeps illius ductu

In hostes soluit:

Saracenos Europæ Insulis

Sparfam Peltem

Michaeli Cæsari commilitoni

Fauens

Multis prælijs subinouit:

Religione exorsus Imperium

Religione clausit:

D. Marci magnificentiùs

Construendo Delubro legato ære,

Ab illo DD. que Zaccharia, & Hilario,

Quos Hæredes scripserat,

Olimpo illatus est,

Republica biennio sanctissimè gesta.

IOAN:

IOANNIS PARTICIPATII

Elogium XI.

Anno 829.



Vel duo Corpora

Vnica spirare Anima;

Vel geminatum IVSTINIANVM

In

I

IOAN-

34
IOANNE PARTICIPATIO

Diceres ;
Qui Virtutem , Pietatemque fraternam
Tam fixe retinebat .

Hic D. MARCI FANVM
Ab illo nondum completum
Splendidissimè absoluit ;
Attalica pompa flaminum phaleris
(Quibus si Numina induerentur ,
Hoc cultu incederent) exornauit .
Non falios , at mystas
Diuinis victimis litandis ,
Quique Orbium Intelligentias
Deo concinentes imitarentur ,
Instituit .

A Templo , quasi ibi
Numine consulto ,
Ad bella egreditur ;
Ne inauspicato in hostes mouisse
Videretur .

De Narentanis , qui ictum fædus
Latrociniorum ignominia fœdauerant ,
Supplicium sumit .

Foris

Foris ferreus;

Domi Plumbeus;

Ad Carosij coniurationem eliquatus,

Aulam tanti discriminis causam

Fugit.

Hanc Carosius inuadit;

At propria scelera non euadit.

Quorum manibus

E violati Imperij fastigio deijcitur:

Oculis plectitur, ne Solem videat,

Qui alteri solium inuiderat.

IOANNES

Ad Thronum è Gallia reuocatur.

At Aulæ, quam leuis aura!

Dum simultates cum Mastalitia

Gente non simulat,

Illius Dignitas huius Potentiæ

Immolatur.

Crinitum Cometem rati Principis caput,

Ne illo pestilenti sidere

Afflentur,

Abrafa cæsarie deturpant.

E sublimi Patrię gradu eiectum

So-

Solum veriterē,

Gradumque petere iubent :

Ibi Cucullo Canobitico

Chlamidis vice indutus,

In se ipsum imperium exercens,

Sui Triumphator

Diem obit

IOANNES

Al Thronum & Olla renouat.

At Aula, quam laus ante

Dum fructus cum Vestibus

Genae non sumat.

Illis Dignas huius Potentis

Immoletur.

Quintum Comitem tam Principis caput

Ne illo pestilentis libet

Assidue

Alibi certe deponatur.

E huius Potentis huius Potentis

PE-

PETRI GRADONICI

37

Elogium XII.

Anno 837.



Ingenti cladium turbine
Venetæ Virtutis vexata fax

Clariùs radiauit

PETRO GRADONICO DVCE.

K

Hic

Hic, quasi ruenti Fortunæ
 Par non esset,
 IOANNEM filium
 Imperij suppetias aduocauit.
 Aceruatim hostes veniebant
 Mauri, Saraceni, Narentani;
 Ab his Venetæ profligatæ Classes,
 Maritimæ oræ vastatæ.
 In Ventos diceres, non in Venetos
 Hæc seuientis Fortunæ fulmina
 Intorta.

Mox Benaco triumphato,
 Illius in vndis, vndè bellum exarserat,
 Belli faces extinctæ.

Michael Bizantinus Cæsar
 In Africę monstra
 Maritimo adiutus apparatu;
 Vt Veneta Maiestas
 Augustiùs fulgeret,
 Imperij Protospatarium
 PETRVM designauit.

Hic cum Cælo quoque fœdus icit,
 D. Paulo Apostolo,

Qui

*In Mauros Afri-
 ca Classe irritæ
 Venetus pro Cæ-
 sare,*

*Sabell. dec. 1. lib.
 3. Iglis cap. p.
 lib. 4. cap. 32.
 Tarcagn. 2. p.
 lib. 10.*

Qui euaginato telo ultorem se martem
Præbet;

Vt in Reipublicæ hostes
Secum militaret,

Augustum posuit Templum;

Vt Orbis Caput

Orbis Animæ, quæ consilijs pollet,

Venetijs, scilicet, vniret.

Maxima pompa

Maximum Pontificem

Benedictum

Excepit.

Hic Agneti Maurocenæ

Vestalium D. Zacchariæ

Antistitæ,

D.D. Pancratij, & Sabinæ

Ossa dono dedit.

Voluit vt ad Veneti Imperij custodiam

Sacri Cineres feliciùs,

Quàm profanæ Vestæ flamma,

Vigilarent.

Cruentum bellis sæculum

Cruda Principis cæde superbijt.

Hic

Hic vigintiquinque Annos
Maximi Principis gestis, & gestamine
Est insignitus.

41
VRSI PARTICIPATII

Elogium XIII.

Anno 864.



Opportunè
Saucij Imperij Vltor
VRSVS PARTICIPATIVS
Ex Aulæ Cauca erupit.

L

Bella

Bella à Pace auspicatus,
 Cum Carolo Grosso Cæsare
 Fœdus init .

Vt ex Oriente sanguineum hostibus
 Hesperum adducat,
 Basilio Orientis Cæsari iungitur
 Ipsius Protospatarius renunciatus .
 Tum Saraceni belli torrentem
 Ferreo pectore sustinuit ;
 Nec sustinuit modò,
 Verum Cretæ aggressus
 Hostes furori suo hostias cecidit :
 Ab Insula , quam ferro subegerant ;
 Ferro pulsos , Ilirico abactos ,
 Ad Gradum est persequutus ;
 Cuius obsidionem soluere ,
 Prædasque seruili fuga relinquere
 Coegit .

Fugientes Tarentum assequitur ;
 Fedàque strage dilacerat .
 Narentanos quotidianos hostes
 Quotidianis cladibus affecit .
 Perduellium satiatus funeribus ,

Victo-

Igliera p. n lib.

4. cap. 29

Dogliou 1 b. 1.

Sabel. dec. 1. lib.

3. Tarc. 2. p. lib

11.

Victorijs auctus, Imperio composito,
Urbi Dossiduri Insula adiecta,
Ultima Fata expertus est,
Septem supra decem Annos
Imperio potitus.

44
IONNIS PARTICIPATIVII II.

Elogium XIV.

Anno 881.



Ex VRSO Leonem genitum dixisses;
Ni contumaces Spiritus
Languores decoxissent.
IOANNES PARTICIPATIVS
VR.

VRSI genitoris triumphos dum æmulatur,
 Patrięque Vittam Comachli Imperio
 Protrahit,

Badoarij fratris vitam
 Properato funere contrahit.
 Hic dum Pontificem Ioannem
 Orator adit,
 Rauennæ Marini Comititis
 Ferro cedit:

At sine mora
 Princeps illius manibus
 Comachli excidio,
 Rauennatisque Agri incendio
 Parentat.

In cædis auctores ita sequitur.
 Tum vt Numinibus litet,
 D.D. Cornelio, & Cipriano
 Matamauci Ædem sacrat.
 Tandem compellente valetudine
 Solium valere dixit;

Veneti Coeli
 Fratres destinat Atlantes
 Vix Annos sex in Regia moratus!

M PE-

PETRI CANDIANI

Elogium XV.

Anno 887.



PETRV M CANDIANVM

Vix Throni Candidatum

Vrbs vidit,

Cum repente pullatam Curiam.

Aspe-

Aspexit;

In Principis gloriam

Propria virtute conspirante.

Sanctitate Cœlites æquauit.

Bellandi arte infra nullum fuit.

Narentanos, qui piratica rabie

Adriaticum sinum corruperant,

Classe aggressus iam profligauerat;

Cum ad hostium castra

Transfuga Fortuna

Nascentem freto tumulauit

Victoriam:

Et quæ Trophæis parabantur

Naues,

In Principis feretrum conuertit.

Totam belli in se ruentem molem

Venetus excepit Horatius.

Oppressi sanguine

Augustiùs quàm Conchiliorum succo

Trabea purpurauit.

Mustulentus September

Feralem Ciuibus exprefsit

Vindemiam

Breuem

Breuem quinque mensium Magistratum
Longo facinore illustrauit.

CANDIANO extincto,
IOANNES PARTICIPATIVS
Populi aura denuo ad Aulam
Elatus est.

At fascibus iterum se post sex menses
Abdicat.

PETRI TRIBVNI

Elogium XVI.

Anno 888.



Vndique ruentibus hostibus
 Dum ferreus depluit imber,
 Se murum Æneum.

PETRVS TRIBVNVS

N

Op-

Opposuit.

Vrbis latus,

Quod perduellium armis patebat
Ab Arce ad D. M. Giubenice Templum
Mænium propugnaculo
Loricat.

Planè vt videretur
Cœli, Terræque armamentaria
Ad Reipublicæ tutelam
Coniunxisse.

Libertatem Patrię,
Ne Venetis vnquam migraret ex vndis
Mersa vadis, Ferrea catena religauit.

Diceres

Hostes foris vincendos,
Iam domi vinciendos,
Catenis tradidisse.

In Hunnos, qui Italiam
Ferro, ignique vastauerant,
Aufos, in ipsa Vrbis Viscera irrumperе,
Ferrum, ignemque vibrauit..

Berengarium Cęsarem infractum
Veneto telo frangi posse monstrauit.

Be

.II I I Bellis fæliciter gestis
E Castris ad Astra migravit,
Decem & octo Annos
Ducali cornu hostes petens.

VRSI BADOARI II.

Elogium XVII.

Anno 912.



Non feram in spelæa Vrbes commutantem;
 Aut Ciuico cruore madentem arbitreris;
 Sed Vrsino è Polo siderum villis radiantem;
 Ad Terras accersitum,

VR.

VR SVM BADOARIVM II.

Cœlestemque illius fortitudinem,

Admirare,

Qua vilissimi Illirici

Mancipium factum filium

Sustinuit.

Ab illius seruitute

Se sibi ipse didicit subiugare.

Cudendi æris

A maioribus iura tradita

Rodulphi Cæsaris

Auctoritate

Roborata voluit.

Fasces,

Quos cæteri venantur, venerantur,
Ipse tanquam lignea Impedimenta

Ex humeris

Reiecit.

Ducalibus Phaleris

Cænobiticum prætulit Cucullum;

Vt Cæli felicitatem in Terris

Delibaret,

Hanc in D. Felicis Asceterio quæsiuit.

O

Ibi

Ibi Angelorum mores æmulatus ;
Ab ijsdem ad superos raptus est Orbes.
Cum Reipublicæ fastigium
Vndecim Annos Corpore ,
Mente Cœli culmen infedisset.

PETRI CANDIANI II.

Elogium XVIII.

Anno 932.



Fatis vltro pandentibus viam
 Imperij fines protulit
 PETRVS CANDIANVS.
 Hic Sagittarium in Virgine
 Vidit

Vidit,
 Cum puellæ, quæ ad Connubia
 Auro, gemmisque diuites
 In Arce conuenerant,
 Subita Istrorum irruptione
 Rapte sunt.

Olim ærea in Arce
 Aurum traxit Danae;
 Tunc, mutata vice,
 Danaes trahebantur ab
 Auro.

Nec Æneæ Turres
 Feminis, auroque tuendo
 Satis apta munimenta.
 At qui Helenas sustulerant,
 Suo exitio inuenerunt Achillem.

Euestigio Princeps
 Illos assequutus
 Cum sanguine malè partam
 Victoriā

Euomere coegit.
 Hinc Iustinopolim
 Iustitiæ temerata

Latro-

Latronumque sedem espugnat.
 Pacem petentibus hæc stipendia
 Iussit.

Qui Veneres asportauerant,
 Bacchum centum Dolijs captivum
 Venetias quotannis inferrent.
 Ab Istris ad Comaclenses,
 Quasi agitantibus ventis,
 Belli flamma traducta:
 Urbem victam, ceu Draconum cubile,
 Igni placuit expiare.
 Comacli funus
 Principis funalia accendit,
 Qui septem Annos sceptro
 Terruit hostes.

P E T R I B A D O A R I I

Elogium XIX.

Anno 939.



Infelicitas exacta
 Iucundum in felicitate monimentum,
 Validum in Aduersis
 Munimentum fecit

PE:

PETRO BADOARIO:

Qui ex Illiricæ Captiuitatis Iugo
 Excelsa Imperij Iuga
 Repentè conscendit.

Ferreos pedum, Aureo capitis circulo
 Commutauit.

Seruitutem expertus
 Libero Populo didicit dominari.

Se subactò,
 Facile alijs Iura dedit.
 Patriam, quam bellis,
 Victorijsque non valuit,
 Pacis otio

Et Berengarij Cæsaris priuilegijs
 Extendit.

Angusto biennio
 Imperium gessit;
 At Reipublicæ non penitendum.

PETRI CANDIANI III.

Elogium XX.

Anno 942.



Narentanos, piratarum lernam;
 Sæpius domitos, numquam fractos;
 Vt Aquatile monstrum
 Tandem conficeret

PE-

P E T R V S C A N D I A N V S I I I .

Frequenti prælio obtritos
Penitus deleuit.

Pacis, quam petebant, prætium,

Tanquam repetundarum reos,

Collectas toto mari

Iussit soluere prædas.

Foris de hoste triumphans

Domi graue vulnus accepit.

Filius Throni confors

In medio foro

Parricidale in illum ferrum armauit.

Populi immane facinus vlciscentis

Diris deuotus

Victima cecidisset Natus,

Ni Pater ad nominis sui Petram

Gladiorum aciem allisam

Stupentem reddidisset;

Tamen Ciues, Patres, Pontifices

Tantum scelus cum Patratore

Vt luem ab Vrbe proscriberent,

Voluere extorrem;

Seq; non reuocatueros Iuramento adstrinxere.

Q

Qui

Qui Domi in Patrem fuerat
 Perduellis,
 Foris in Patriam
 Perduellionis extitit reus.
 Cuius Decus latronis dedecore fædauit
 Reipublicæ Nauibus interceptis.
 Filij flagitia in tela degenerant,
 Et Genitorem extinguunt.
 Parricidam voco, qui quoquomodo
 Patrem occidit.
 Princeps felicius occubuiſſet,
 Si non alios liberos,
 Quàm liberam Patriam habuiſſet,
 Ad cuius ſpeculam
 Vndecim Annos excubuit.

PETRI CANDIANI IV.

Elogium XXI.

Anno 959.



Quàm saepe Antidota
Venenis peiora Fata parant.
Eliminatam Pestem
Postliminio intra viscera

Suo

Sub exitio admiserunt Ciues
 PETRVM CANDIANVM IV.

Periurij pœnas dederunt ,

Cum Patriæ Vterum

A Vipera cernerent lacerari.

Primum PETRI scelus

Bacchatur in Gynecœo.

Violato Thoro

In Thronum Adulteria induxit ;

Legitimam Coniugem , cum Prole

Eiecit.

Medea mitior , quia non occidit.

A Domo in Forum,

A Foro in externos sua flagitia

Transtulit.

Opitergium ferro , ignique distringit.

Ex huius cineribus

In illum vltrices accensæ faces.

Reipublicę Lernam, incendio abolendam

Furens Pòpulus statuit.

Ex templò Principis Ædibùs

Illati ignes ;

Serpentem vt voret ,

Per

Per muros flamma serpit;
 Alta moles atro splendore
 Coruscat,
 Et grassante fauilla,
 Regiæ fumat cadauer.
 Diui Marci Templum
 Furiales ingressæ faces
 Principis funera accendunt.
 Ille Aris, ad quas confugerat,
 Et focus se proripiens
 In Plebis ferrum
 Mactanda victima incidit:
 Infontem Infantem,
 Nimis tenerum scutum,
 Ferreo pectori stringit;
 At cum Genitoris culpis
 Inculpatus Puer
 In frustra discerpitur.
 Fortè ne mali Corui
 Malum Ouum erumperet.
 Tandem ad lanienas abiecti.
 Huc tredecim Annorum
 Infelix Imperium euasit.

P E T R I V R S E O L I I.

Elogium XXII.

Anno 976.



Ferales ignes
 Non furentis Plebis,
 At Fatorum manus accendere.
 Siue vt Vrbs infecta

Tyrann-

Tyranno lustraretur;
 Siue vt ad Rogalem lucem
 Sanctissimum Ducem

Quærerent

PETRV M VRSEOLVM.

Hic Aulæ fastigijs
 Ruinam agnatam timens
 Solium ascendit inuitus.
 A Publico Bono Imperium
 Auspicatur.
 Numinibus vt litet,
 Ambustum D. Marci Templum
 Principisque Ædes magnificentius
 Suo sumptu excitat.
 Regum exempla Orbem componunt.
 Reipublicæ facies
 Cum Principe est mutata.
 Religio, Iustitia, Clementia
 Extorres rediere.

Impietas solum vertit.

Pietati arma coniuncta.

Foris Barium à Saracenis obsessum
 Penè ad humanos cibos compulsum

Anno-

*Sabel. dec. 1. lib.
 4. Doglio. lib. 2.
 Tarcag. 2. p.
 lib. 11.*

Annona recreauit,
 Debellataque Barbarorum Classe
 Asseruit ;
 Victoriâ Græco Imperio largitus.
 Domi Valetudinario posito
 Non Epidauri succis,
 Sed Cœli, Terræque panchrestis
 Artuum, Animorumque
 Languoribus medebatur.
 Principem, Patrem, an Seruum
 In Urbis Scena prò Ciuibus
 Nobiliùs egerit, ignores.
 Ferreos Aduersarios molli pectore fregit.
 Fasces, quos semper fastidierat,
 Cum Annum sustinuisset,
 Abiecit.
 Quàm humaniter inhumanus ;
 Quàm innoxie Parricida !
 Abrahamo fortior
 Se Mystam gerens .
 Vnico ictu Aulam, Vxorem, Filium
 Se ipsum Christo Victimam
 Iugulauit.

Nocte

I Nocte tantas hostias mactauit,

Vt se Amoris, cui nocte litatur,

Sacrificium ostenderet.

Concubijs Vmbris connubia liquit,

Quia lumini credidit, se tenebris credidit.

Ne caliget, dum caligo incubat,

Abit è Patria.

Reipublicę diem

Media nocte dices discessisse;

Et Stellarum secum famulitium

Adduxisse,

D. Romualdum, Guarinum Abbates,

Marinum Heremitam.

Vrbis aquas deferit, vt Aquitaniam appellat.

Cænobium, an Cœli Nobile atrium

Ibi intrat.

Vetus Imperator Sacre militiæ Tirociniū init.

Post bella triumphans

Cœli Capitolium infedit.



VITALIS CANDIANI

Elogium XXIII.

Anno 977.



Ex obruto, & adhuc fumanti

Genitoris Rogo

VITALIS CANDIANVS

Venetum Imperium

Irra-

Irradiatura flamma recaluit.
 Hæc Othonis Cæsaris umbras
 Noctem Patriæ ob cæsum Patrem
 Minitantes abegit.
 Sinè fumo in Aula emicuit.
 Ex Corporis valetudine
 Animi sanitatem contraxit.
 Satis habuit
 Vnica solis orbita
 Gloriæ metam attigisse.
 Hinc Curia curis nunquam curandis
 In Solio relictis;
 Hilares dies
 In D. Hilarij Ædibus quæsiuit.
 Ibi quid inter Cœlum Cœnumque distet
 Edoctus;
 Per humilia Claustra
 Ad sublimia Astra
 Sibi aditum patefecit.



TRIBVNI MEMMII

Elogium XXIII.

Anno 979.



Adhuc Monachus in Solio!
 Ne mireris Lector,
 Religio Dei Timori nupta
 In Veneto Throno

Pu-

Pudico è Thoro hæc puerperia effudit :

Quorum Vnus.

TRIBVNVS MEMMIVS

Dum Principem ageret,

Benedictinæ Militiæ se Tribunum gessit.

Insulam, quam D. Georgius Miles infederat,

IOANNI MAVROCENO

Cænobiticę Legionis Primipilo legauit;

Vt in Reipublicę hostes

Hostijs litaret, lingua pugnaret.

Aquis circumfusas

Monachorum voluit acies,

Vt in illis cupiditatum fulmina exstinguerent.

A continenti distractos,

Vt à Terra se penitus diuisos scirent.

Cum Solum illi sorderet,

Coeli Triumphos agitabat.

Hinc viarum exploratorem

Mauritium filium præmisit.

Ipsæ Cæsaris Othonis iras,

Ciuum rixas detestatus,

Posito Diademate

Cænobitica Galea armatur.

T

Cum

*Cassinenſis ſoda-
litij Canobium.*

Cum filius in D. Michaelis
Ipſe in D. Georgij militaret caſtris
Defecit .

Annos quatuordecim
Republica geſta .



P E T R I V R S E O L I I I.

Elogium XXV.

Anno 991.



Quàm blandum fortuna risit

P E T R O V R S E O L O I

Sub rerum gestarum,

Triumphorumque mole,

Penè

Penè hæc ingens Petra laborât ;
 Sub suo Cælo penè nutat
 Hic Atlas.
 Alij bellatores ad Urbium
 Excidia ,
 Hic ad cunabula natus
 Eruderibus Gradum eruit :
 Ingentes ibi excitat moles.
 Maximo Templo
 Diuorum extinctas exuuias
 Viuas excubias ponit.
 Venetijs , Ducis lares , larariumque
 Complet .
 Ab Vrbe Orbem prospexit .
 Italiæ , Ægypti , Syriæ
 Sibi conciliauit amores .
 Orientem , Occidentemque
 Amicitiaæ ponte
 Suæ Patriæ coniunxit .
 Hinc Basilius , & Alexius
 Cæsares ,
 Quà patebat Imperium ,
 Venetas Merces immunes voluere .
 Ami-

Amicos officijs, hostes prælijs
Debellaui.

Narentanos toto mari
Velut indagine clausos lacerauit,
Et iræ suæ æstu ad littora proiecit.

*Adriatici Maris
dominium, de quo
cum Venetis con-
tendebant, cedūe
Narentani.*

Qui ne Pelagi tempestatibus
Etiam in solo iactarentur

Pacis Serenitatem
Aureo Imbre redemerunt.

Hinc triumphanti Classe
Histrorum, Liburnorumque
Littora lustrauit.

*Nicolaus Do-
gion: hist. Venet.
lib. 2.*

Vrbes, Prouinciæque
Quodam Fortunæ torrente
Ad Venetum rapiebantur
Imperium.

*Sabel. dec. 1. lib.
4. c. 5.*

Parentium, Pola, Iadra
Taurunum, Tragugium, Spalatum
Et Epidaurum

*Tarvag. 2. p. lib.
11.*

Se sponte simul tradidere.
De Corcyra Melæna, quia renuebat
Sumptum supplicium.

Phari Insula

Validissimum Piratarum munimentum
 Diutina præda scatens
 Ausa Imperium detrectare euerfa.
 Domum insolita fælicitate reuersum
 Otho Cæsar crebris colloquijs
 Quasi Virtutis, & Fortunę Simulachrum
 Veneratus est.

*Primus auream
 induit clamidem*

*Marcellus in hu-
 ius Principis ge-
 stis.*

Hic dedit, vt in aureo paludamento
 Venetus Princeps radiaret.
 Numinibus quoque VRSEOLVS Urbem
 Impleuit.

D. Barbarę, vt barbaros arceret,
 Patriæ bellis Bellonam
 Tormentorumque Præsidem se præstaret,
 Illius Reliquias
 Bizantio Venetias à filio Ioanne
 Vehendas, curauit.

Cum de Solo triumphos egisset ferro,
 Ante discessũ Terra Cælos auro expugnauit,
 Pauperum sibi centuriatis Cohortibus.
 Decimo octauo bellorum Anno
 Patriæ trophæa supernis arcibus
 Locaturus discessit.

OTHO.

OTHONIS VRSEOLI

Elogium XXVI.

Anno 1009.



OTHO VRSEOLVS

Vrbis delitium,

Naturæ labor

Maiorum compendium

San-

Sanctitatem Aui, Patris felicitatem
 Sua magnitudine superauit
 Non dum quartum compleuerat
 Lustrum

Cum Urbis inauguratus Imperio
 Orbis Imperio se parem præbuit.

Per oris maiestatem
 Inclusum pectore numen
 Erumpebat.

Morum elegantia
 Vel in gelidos Sarmatas
 Amoris faces accendit.

Geta Gentis Rex,
 Vt suam erga Othonem testaretur
 Flammam

Sororis suæ Nuptiales Tedas
 In illius thalamo ardere voluit.

Domi Numam, in Castris Cæsare affirmares,
 Adrianos ausos in Rempublicam

Tollere animos

Bello fractos, Spolijs spoliatos

Supplices, amicos dixit

Marcimurum Illyricum Iadræ infestum

Ca-

Castris exutum coercuit.
 Histros, Dalmatasque,
 Qui in Patris verba iurauerant,
 Cum in fide nutarent,
 Classe territos Sacramēto adstrictos stabiliuit
 Sed hem quàm citò
 Patrię fælicitati Fata inuidere!
 Dominicus Flabanicus
 Triumphos, fortunamque Venetam
 Vnica tragula traiecit
 Principem Optimum vi oppressum
 Barba abrasum
 Syllana crudelitate proscriptum
 Ad Pelasga littora abiecit.
 Ibi Vitæ fabula peracta
 Orbis è Theatro
 Vrbe lachrymis plaudente exiuit;
 Quindecim Annorum Serenitate
 Imperio perbeato.



PETRI CENTRANICI

Elogium XXVII.

Anno 1026.



Non minus quam
Otho Princeps,
Patriæ fælicitas
Hostis est iudicata.

Quæ

Quæ dire illius discessum
Insequutæ?

Vrbe in partes discerpta
Hostes vndique irruebant.

Tantæ Numinis Iræ,
Othonis iniurias vlciscentis,

PETRVS CENTRANICVS

Par non fuit.

Vix frementium Ciuium

Sedauerat tempestates;

Cum Pepus Aquileiæ Patriarcha

Suo, Corradique Cæsaris

Bino agmine Gradum corripuit,

Venetamque Arcem insedit.

CENTRANICI, siue infortunium,

Siue ignauia

Othonis desiderium irritauit.

Hinc quarto à Magistratu Anno

Ducali Trabea exutum,

Solitarij Cucullo indutum

Eijciunt.

Legatos Constantinopolim mittunt

Vt perdita Patriæ Bona

Cum

DOMINICI FLABANICI.

Elogium XXVIII.

Anno 1032.



DOMINICVS FLABANICVS

Dum Patriam fugit
Patria illi cum Imperio occurrit.

Ciuium Studjis, absenti

Y

Princi-

Principatus collatæ secures;
 Quas vt Rempubicam securam
 Redderet.
 In Tyrannidis (quam expauescebat)
 Colla strinxit.
 Vrseolam gentem,
 Quæ Dominium sibi meditari
 Videbatur,
 A Magistratibus, Patriaque eliminat,
 Veritus ne ex Vrseola in magnam Vrsam
 Euaderet,
 Libertatem Reipublicæ discerpturam.
 Tum Senatus Consulto decretum
 Principis Confortes, hæredesque
 Auerruncandos.
 Toto Ducatus decennio
 Nil aliud ab illo gestum,
 Tanquam hoc solo facinore
 Patrato,
 Multa sæcula æquasset
 Qui libertatem Patriæ
 Asseruerat.

DOMINICI CONTARENI

Elogium XXVI.

Anno 1009.



Iam Illiricę Vrbes quasi quodam Fato
 A Veneta fide descuerant,
 Et apertè rebellabant;
 Cum

DO-

DOMINICVS CONTARENVS

Solium ascendit.

Vt simul omnes opprimat
Vna Iadra Hydra rebellionum obtrita,
De ceteris triumphat.

Ferocem hostem Robertum Guiscardum,
Apulæ instar muscæ sæpius acceptis cladibus,
Sæpius ad cadauera bellis redeuntem,
Suorum exercituum fanie fatiauit.

Pontifice Maximo iubente,
Pepum pugnacem Aquileiæ Præfulem
Paci adoleuit;

Cū vnico prælio renascentia bella trucidauit.

Cum Henrico Tertio Cæsare
Percussit fœdus, vt hostes percuteret.

Foris domitis perduellibus,
Duas Domi sacras Ædes
Ad Patriæ tutelam,

Velut geminas arces excitauit;

Alteram D. Nicolao in Littore,

Vt ibi Bellorum tempestates frangerentur
D. Benedicti cohorte peruallatam

Ponit

Alteram

Alteram in Urbis meditullio,
 Coelestium Legionum Duci
 Diuo Michaeli, vt secum militet
 Extollit.

Qui viginti sex Annos
 In Patriæ specula excubias
 Egerat,
 Mortuus adhuc in littore,
 Summo ad D. Nicolai monumento
 Positus excubat.



DOMINICI SILVII

Elogium XXX.

Anno 1070.



*Electus Princeps
in Aede D. Nicolai
ad Littus Ca-
siniens. Canobis
clara.*

*Ex hoc Principe
amplissima Gens
Belegna originē
ducit,
Ex veteribus Vr-
bis monumentis.*

Quid nisi Pium expectares Principem,
In Sacro D. Nicolai Delubro
Solio inauguratum,
DOMINICVM SILVIVM?
Im-

Imperium nactus in Templo,
 Quasi vicem rependeret
 Templorum nitori,
 Magnificentissimè desudauit.
 Diui Iacobi Riualtini primum Urbis Fanum
 Ætate fatiscens, primeuæ restituit Iuuentæ.
 D. Marci lateritiam Ædem
 Marmorum fulgore micantem,
 Tessellatarum Imaginum
 Stupore animatam,
 Orbis portentis exequauit.
 Ab Aris Arma contra hostes capefsit,
 Nicephoro Cæsari,
 Cuius Sorori nupserat, Commilito,
 Normannos maritimo bello laceratos
 Dirrachio eiecit,
 Secunda pugna, non secundo Numine,
 Eodem freto commissa Acie,
 Veneta Classis fæda strage trucidatur.
 Hem quantum Fortunæ, & victoriæ fidas!
 Muliebri volubilitati vtraque addit alas,
 Meritorie nunc his nunc illis
 Prostant in Castris.

Sabell. dec. 1. lib. 4
Deghion. lib. 2.
Tarcag. 2. p. lib.
11.

Post

Post quatuor lustra, & tres Annos Imperij
Defunctus,

A Diuo Marco,

Cuius Templo allaborauerat,
Cœlesti, terrenoque Templo
Excipitur.

*Ad D. Marci se.
petitur.*



VITALIS PHALETRI

Elogium XXXI.

Anno 1084.



VITALEM PHALETRVM

Sibi Vitalem Patria sensisset,
 Ni Fata, perduellium pharetram
 In illius feretrum conuertissent.

Aa

Ta.

Fatis tamen factis obluētans;
 Ne quā in Rempublicam bella
 Irrumperent,
 Orientis ostia affinitate
 Occidentis, Cēsarum amicitia clausit.
 Dalmaticum Imperium,
 Quod belli Iure, Piratis perditis,
 Sibi acquisierat Venetus,
 Cēsariano Alexij Iure
 Firmauit.

Quasi Veneta fortuna, sacri fontis
 Lustralibus ex Aquis emerfisset,
 Hanc cum Ducis filia sibi natam
 Henricus Cēsar adoptat.

Hinc in Rempublicam Priuilegiorum decora
 Congessit.

D. Marcum, qui nuper mortalium obtutibus
 Se spectandum præbuerat, adorauit.

VITALIS morti alas addidit, pro Alexio
 Infelici Classe

In Robertum Guiscardum pugnans;
 Qua cæsa & ipse cecidit

Cum stetisset in Imperio Annos XIII.

VI.

*Cæsar Principis
 Naram ex sacro
 fonte suscipit.*

VITALIS MICHAELII

Elogium XXXII.

Anno 1096.



Ad cruentum Crucis Vexillum
 Urbanus Pontifex
 Orbem ciebat,
 Cum

VITALIS MICHAELIVS

Ducis gestamine est insignitus.

Verè

A Numine dixeris disposita tempora;

Vt Vitale signum,

Quo Cœlestiū Copiarum Princeps Michael

In Dei rebelles pugnat

MICHAELIO PRINCIPE

Cum Christi perduellibus conferretur.

Tunc Veneta Pietas

In Armis emicuit;

Cum sacris è Regionibus

Impios arcendos,

A Pijs Principibus

Conclamatum est.

Ducentæ Naues

Maximo apparatu graues

In Syriam missæ,

Vt glebas Christi Cruore madentes

Suo sudore Venetus miles

Irrigaret;

Et generosa sanguinis opobalsama

Fundens

Sy-

Syriaco solo opobalsama
Non inuideret.

Tantę expeditioni
Henricus Contarenus Episcopus,
Et Michael Principis filius
Imperatores dati.

Quantum operum, & Victoriarum
His ducibus molitum est!
Pisana Classis, quia apud Rhodum
Lacefsierat, lacerata.

Ionium Mare triumphatum
Remugijt.

Excisa Myra, mira Patrans Nicolaus
Vt nobilius hospitaretur
Traductus Venetias.

Pamphili, Cilicique freti
Oræ vastatæ.

Ascalon, Tiberias, Caifa

Quia Auerse, euerse.

Sic ad Orientem.

Ad Occidentem quoque.

Victoriarum ordo nauigauit.

Cum Calamano Pannonum Rege

Fœdere icto;
 (Vt Septentrionis quoque
 Cum Principe, plaga militaret)
 Græco, Illyricoque Mari
 Cæsi Normanni.
 Brundusium debellatum,
 Littora deuastata.
 Hostium manubię domum vectę.
 Matildi, Principi fæminæ
 Auxiliario Agmine parta
 Ferraria.
 Diuo Benedicto Commilitoni
 In Padouetuli Abbate,
 D.Cypriani Templum, census,
 Et latifundia largitur.
 Quatuor Imperij Annos
 Tot triumphis Princeps cumulauit.
 Demum victrices Syriæ Palmæ
 In feralem Venetijs degenerauere
 Cupressum.
 Sub qua ad Diui Zachariæ
 Cubat.

)?(

OR-

ORDELAPHI PHALETRI

Elogium XXXIII.

Anno 1102.



In

ORDELAPHVM PHALETRVM

Cum Michaelij fortuna

Dignitas est translata.

Bellicoso Iuueni

Ar-

Armīs strepens contigit Ætas.

Post nuptiales tedas

Cum Matilde Regia fœmina,

Quasi Martem genuisset,

Orientalis belli sequutus est faces.

Centum Nauibus

Baldouini castris robur adiecit.

Regijs, Venetisque coeuntibus

Viribus, Iuribus

Rapta Ptolemais, direpta Sydon,

Et non incruenta victoria

Expugnata Berythus,

His adiecta Faunia apud Nili ostia.

Tam strenuis Commilitonibus

A Baldouino fixa trophæa,

Nimirum vt toto Hierosolymitano Regno

Regio Iure vterentur.

Syriæ fortuna translata in Italiam;

Hinc Pannonēs, Taruisini, Rauennates

Bellum conflant.

At vnico prælio ad Bebbas profligantur,

Tum gemino incendio

Ciuitas conflagrauit.

Dice-

Sabell dec. 1. li. 5

De glon. lib. 2.

Tarceg. 2. p. lib.

12.

Diceret, lætis ignibus
 Epynicia celebrari.
 At fatalis Cometes
 Illis exarsit in flammis.
 Liburnorum defectio,
 Principisque funera sunt sequuta.
 In Calamani Pannonum Regis
 Iterum rebellans Iadra iurauerat.
 At domita, cum reliquo redit Illyrio.
 Hinc Croatiae superatis iugis,
 In subiectam Regionem
 Veneta Arma tonuerunt.
 Ex penetratis claustris
 Victoria prodiuit.
 Vectigalis Prouincia facta est.
 Pannonico incendio vix obruto
 Alterius belli flamma prodiuit.
 Hanc ut mari extinguat,
 Cum Classe Princeps irruit.
 In Acie dum primus fortissimè dimicat,
 Illius vitæ telam, vibrata tela proscindunt.
 Bis nono in Aula emenso Anno
 Ad D. Marci Tumulatur.

DO-

DOMINICI MICHAELII

Elogium XXIII.

Anno 1117.



En alterum ex Veneto Throno
 In Syros fulmen euibratum
DOMINICVS MICHAELIVS.
 Hic non cunctando,

At

At festinando
 Ad Orientem
 Christianam occidentem
 Restituit Rem.
 Septingentæ ligneæ Vrbes
 Mari innatantes ,
 Pluresque & ferreæ Prouinciæ
 Urbem vnâ Ioppem quatiebant;
 Cum velut è Cœlo
 Cum Argonautarum Naue
 DOMINICVS soluiſſet,
 Inhoſticam Claſſem derepentè
 Deſæuijt.

*Calisto Pontifice
 hortante, ducentis
 Nautibus Princeps in hoſtes mo-
 uet.*

Hæc cladis documenta,
 Naufragijs opertum mare,
 Prætoria capta Triremis,
 Obſidio ſoluta ,
 Opimis ſpolijs Venetus diues.
 E triumphato Mari,
 Ad Tyri concuſſa mœnia conuolat.
 Ibi à Regalibus ſecunda
 Veneta
 Rutilant Vexilla ,

Et

*Sabell. de. 1. lib. 6
Igliſca p. p. lib. 5
cap. 18.
Tarcagn. 2. p.
lib. 12.*

Et quaſi militari alea
Fortuna cum DOMINICO

Vrbem decoxiſſet ,

Illius oppugnationem Veneto deſtinat .

Hic per cadauerum tumulos

Ad muros repit , hoſtes rapit ,

Moënia diripit .

Tanti laboris munus ,

Tyri Aſcaloniſq; ſectum datum Imperium :

Hinc Victorijs onerata Claſſe

Princeps Domum repetit ;

Cui , vt in via quoque triumphet ,

Capillos præbet Occaſio .

Emmanuel Cæſar

Belli facem vibrauerat in Rempublicam ,

Illam DOMINICVS Rhodi excidio ,

Sciros populatione extinguit .

Numinibus quoque Græciam ſpoliat .

D. Theodori ſacras rapit exuuias ;

Quaſi Inſularum curreret Fatum ,

Samos , Mitylenen , Andros ,

Flammis comburrit :

Hinc Methonem milite , & commeatu

Com-

Communit.

Transfugam domat Iadram,

In fide firmat Illyricum.

Patrijs laribus aliud quoque Numen adiicit,

Diuum Donatum ;

Cuius Ossibus Urbem donat.

Charitatis suæ erga Patriam Monimentum

In Charitatis Æde excitat.

Tum ipse cadit ,

Vndecim Annos sceptro,

Gladioque felix

Ad D. Georgij Maioris Templum

Regio nitet Mausoleo.

*Canonicorum
Lateranensium
Templum Chari-
tatis Titulo eri-
git.*



P E T R I P O L A N I

Elogium XXXV.

Anno 1130.



Disce quàm omnibus sæculis
 A maximis Principibus
 Venetum sit Solium veneratum.
 CONRADVS, ET EMMANVEL
 Cæ-

Cæsares,

Orbis Capita

Dum inuicem colliduntur,

P E T R I P O L A N I

Ducalem Vittam, ad Imperij Vitam

Fraçto vertice religandam

Implorant;

In illum Pacis, Armorumque

Conijcientes arbitria.

En quæ Cæsarianæ Laurus

Non excutiunt fulgura,

Veneta æstuaria extinguunt.

Hic mare otatur,

Vt hinc Vrbes otia petant.

PETRVS Orbe in Cæsaribus composito,

In Castris se ferocem Iuuenem,

In Senatu maturum exhibet Senem.

Eodemque tempore

In hostes se Petram vibrat pro Patria,

Et ex suo Polo, annos depluit beatos.

Supplici Fano, ne Rauennæ,

Pisauriq; ferro profanaretur, statuit opẽ ferre.

Assertam ab hostibus Urbem,

Veneto Imperio vectigalem fecit.
 Pisanis agminibus insurgentibus
 Dum bellum federet,
 Pontificis auctoritate,
 Principis virtute finitum est.
 Hinc Patauini, qui haecenus ferro certaerant,
 In Venetos aquas pugnant.
 Furentes Medoaci fluctus
 Ut Urbem populentur effundunt.
 At quantum aquae, tantum sanguinis profuderunt;
 Tandem supplicibus data Pax,
 Emmanuele Caesare
 Aduersus Rogerium Siciliae Regem
 Auxilia petente, placuit bello prosequi
 Graeciae Tyrannum, Imperij parricidam.
 E Pelasgo pelago fugatur Rex.
 Quas in Epirum, Peloponnesum,
 Euboeam, Boeotiamque ipse faces accenderat,
 Suae Siciliae ardere,
 Ut ferarum lustra lustrarentur, aspexit.
 Princeps tribus lustris, tribusque Annis
 Fascium positus,
 Morbo in castris contracto, Domi perit.
 DO.

DOMINICI MAVROCENI

Elogium XXXVI.

Anno 1148.



DOMINICVS MAVROCENVS

Quasi Syriaci belli,

Cui opera, consilioque interfuit

Trophea Orbis spectaculo proponeret;

Bb 3

In


In D. Marci Foro,
 Turrim Cœlo minantem excitauit.
 Diceres per Alpium Aggerem,
 Iterum Gigantes Olympum adoriri,
 Ni Veneta Pietas,
 Deum propius veneratura,
 Sublimi se mole erexisset.
 Erubuit Ægyptus,
 Pharum, Pyramidesque suas
 In vnam Venetiarum Turrim traductas.
 Ab hac mole ad Fana construenda,
 Pius Princeps conuertitur.
 Alterum Dei Parenti,
 Alterum Matthæo Apostolo
 Sacrat.
 A Templis, quibus litauerat,
 Bella auspicatur.
 Anconitanos Piratas
 Maria infamantes,
 Vt Maris famem explerent,
 Aquis elixandos mergit.
 Illorum Ducem, ne Æquor, Terramue
 Pestilenti spiritu afflaret,

In

In Aere patibulo sublimem,
Expirare iussit.

Illyrici latrones Polæ obsessi
Annuo vectigali Pacem
Redemerunt.

Parentium quoque
Vt tributis pareret imperavit.
Bellis fatigatus Princeps,
Cum Siciliae Rege Guglielmo,
Et Anconitanis foedus init.
Clausis Iani foribus,
Cœlestes illi patuerunt,
A suscepto Sceptro
Anno octauo.



VITALIS MICHAELII II.

Elogium XXIII.

Anno 1117.



Vix Reipublicæ gubernacula
Susceperat

VITALIS MICHAELIVS II.
Cum è Pacis vtero, belli tempestas effusa est.
Penè

Penè cum Pisanis amicitiae foedere
 Icto,

Ænobarbus Cæsar

Quia Alexandrum III. Pontificem
 Tuebantur,

Venetis se perduellem dixit.

Hoc classico excitati

Veronenses, Patauini, Ferrarienses
 Simul in Rempublicam feruntur.

Cum hostium numero

Victoriarum numerus, excreuit.

Quæ Adrianæ Regionis incendio
 Claruerunt.

Mox altera funestior

Præliorum fax,

Pelasgus Cæsar exurgit.

Subito turbine

Spalatum, Epidaurum,

Tragugium corripit.

Plus cladium ab eius fide,

Quàm ab Armorum perfidia illatum.

Minus hostis, cum hostis,

Quàm cum amicus.

Troia-

Troiani equi fraudes renouauit ;
 Nunquam magis impius ,
 Quàm cum Pius.

In foedi fragum ergo
 Conclamatum est bellum.

Insidiarum vltrix subitò
 Classis enata.

Intra centum dies totidem captæ
 Naues.

Quibus è vestigio deletur Tragugium,

Deuastatur Epidaurum,
 Illiusque in mœnibus erecta
 Cæsariana vexilla lacerantur.

At Pelasga Ars, Classsem
 Cum Principe Duce delusit.
 Arma, quæ hasta non valebat,
 Chalcide ad Euripum
 Astu superauit.

Fontes suo scelere facit fontes;
 Iubet vt medicato mors latice
 Latitet;

Vt dum siti cogente
 Venetus miles lætus bibit,

Lethum bibat.

Vidisses Triremes in ferales
Acherontis versas Carinas
Per mare ad Stygia vadere
Vada.

Hac miseranda lue
Tota Iustiniana est deleta Gens,
Vt etiam Venetiæ suis Fabijs
Superbirent.

Tot Patriæ soles
Qui occiderant Mari,
In Patrio littore emerferunt.
Ibi Nicolaus Iustinianus Monachus,
Vt mortuos viuis fuscitet,
Exequiales faces

*In Littore positū
Cœnobium Dni
Nicolai.*

Hymenæi tedis commutat.
D. Nicolaus, cuius in Asceterio
Militabat,
Se Pronubum præbet;
Pontifex Maximus Thalamum
Sacrat.

Quid mirum si ex tam sacro
Connubio

Ni-

Nicolai Iustiniani ;
 Et Annæ Michaeliæ
 Principis filiæ
 Tot Diuorum myriades,
 Heroumque agmina emanarunt.
 Ferales Classis reliquiæ,
 Animata cadauera
 Patriam appellunt,
 Vt in tumulum vertant.
 Urbem umbris, manibusque implent,
 Ciuibus spoliant.
 Peste Populum populata,
 Armatur hic in Principem,
 Qui vnus manu confossus
 Omnium manibus litauit.
 Publico furore in mœrorem conuerso,
 Ad D. Zachariæ funeratur ;
 Cum decem, & septem Annos Reipublicæ
 Præfuiſſet.



SEBASTIANI CIANI

Elogium XXXVIII.

Anno 1173.

Ciana Gens po-
 stea diſſa Zan-
 ex Julio Faraldo
 Hiſt. Venet. &
 Doglioſ. Hiſt.
 Venet. lib. 5.



Cum Reipublicæ moli
 Robustos supposuit humeros
SEBASTIANVS CIANVS
 Saxeos Oratores, Immanes Columnas
 Cc Imò

Imò teretes Alpēs
 Græcia gratulatum misit
 Venetias,
 Quæ in D. Marci foro positæ,
 Patres, Heroum metas
 Principem, Patriæ Columnam,
 Columenque declamarent,
 Hic Riualti fluctus sub immensi Pontis
 Iugum misit;
 Vt totum Mare
 Venetum disceret Imperium pati,
 Cuius compede in Riualti Ponte
 Ligabatur.
 Emmanuel Cæsar
 Venetæ inuidens gloriæ,
 Toto Orbe Reipublicæ hostem quærens,
 Anconitanos ab illius fædere
 Seiunxit.
 At Fortuna Urbis velificata
 Fælicitati,
 Roma cum Alexandro III. Pontifice
 Romani Maiestatem Imperij
 Traduxit Venetias.

De

De Federico Ænobarbo Pontificis hoste
A Sebastiano triumphatum.

Pace bello parta,
Cesaris diadema, ceu aureus Arcus
Victoris Pontificis calcatur sub pedibus.

Alexander cum in vno Ænobarbo
Totum debellasset Orbem,
Triumphii præmium Veneto
Imperij ornamenta dedit.

ARGENTEAS TVBAS,

Quibus victoriam Fama loqueretur.

AURATA VEXILLA,

Vt prætiosum bellum, pro se gestum,
Præliorumque nervos Aurum ostenderet.

CEREVM FVNALÉ,

Quo Reipublicę hostibus funera
Minaretur.

ANVLVM,

Quo Tetidi, Veneti Imperij
Desponderet Coniugium.

PLVMBEAS BVLLAS,

Vt Veneti Senatus grauitatem
In Diplommatibus prædicaret;

Principi quoque adiectæ
Phaleræ.

GLADIUS

Quo Daudis instar Gigantes
Prosterneret.

SEDES, ET VMBELLA,
Vt sub Pacis otia retur Umbra.
AVREA PULVINARIA,

Vt Veneto Senatui
Ceu Deorum Puluinaribus,
Pro Orbis Incolumitate,
Vota nuncuparentur.

Tanta Gloria SEBASTIANVS
Auctus

Principatus extremis respondit exordijs,
Quæ Aureo in Populum effuso congiario
Est auspicatus.

*Primus spargit
namos in Popu-
lū.*

Vt se Aristocraticum præberet Principem,
Potentię solem
In plura Magistratuum sydera
Est partitus.
Post sex Principatus Annos,
Terras linquens

Vt

Vt Patriæ Patrocinio insisterent
 D.D. Marcus, & Iulianus,
 Bonorum suorum hæredes nuncupavit.
 Ad D. Georgij Maiorem Ædem,
 Quam profusæ Pietatis largitate,
 Censibusque ditauerat,
 Vbi ante Obitum Cucullum induerat,
 Sepulchrali Saxo honoratur.



A V R I I M A R I P E T R I

Elogium XXXIX.

Anno 1178.



A V R I V S M A R I P E T R V S

Aureus Veneto Mari

Depluit Imber.

Vt inimicum suo Nomini amandaret ferrū,

Cum

Cum Ferrariensibus, Pisanis, Pannonibus
 Armorum inducias componit.

Cæsarem quoque Andronicum
 Sibi Amicum conciliat.

Sed statim, & sinè mora

Quartò rebellans Iadra bella concitauit,

Cum Pannonibus, ad quos defecerat,

Vrbe, & Arce pugnatum est.

Mox itur in Syriam.

Ptolemais secundò à Christianis obsessa,

Vt iterum vinceretur

Fatalia Reipublicæ Arma expectabat.

Speciosus de Saladino triumphus fuit;

Qui vt se Brutorum

Metuendum ducem ostenderet,

Serpentes suo Exercitui centuriauerat.

Nescias cum hominibus, an cum belluis

Cruentius bellum fuerit.

Certè Saladinus Salo fugatus;

Eius Classis lacerata.

Aquis præfocata monstra.

Subactæ Ptolemaidis

Ad Venetos

Sabell. dc. 1. lib. 8
Doglion. lib. 3.

Prima Iura rediere.
 Ne Vrbs foris triumphans domi seruiret,
 A Sapiente Principe in sex Classes distributa,
 Totidem dati Consiliarij,
 Qui suis Tribubus consulerent.
 His quadriennio Ducatus gestis,
 Terrenum abiecit sceptrum,
 Crucis apprehendit, & ad Sanctam Crucem
 Monachus concessit;
 Ibi superos petenti datę Inferiæ.



HENRICI DANDVLI

Elogium XL.

Anno 1192.



En Veneti Imperij Iuuenta
Præliorum, triumphorumque plena;

In qua

HENRICO DANDVLO DVCE
Orbi

Orbi Terrarum par esse cępit.
 Iam Istris, Liburnisque
 Sępę rebellantibus, tandem domitis,
 Transmarina trophęa agitabat.

*Paul. Amit.
 Lib. 6.
 Tuncell. Lib. 8.*

Innocentij III. hortatu
 In ruentem Orientis Thronum
 Totum vrget Occidentem.

Mare velis operit,
 Et Gallię, Belgij, Allobrogum,
 Burgundię, Italięque robora
 Pelasgo littori exponit.

Gręci Imperij Fata
 Alexij Tyranni facta
 Properarunt;

Hic Isaaci Nepotis
 Solium inuaserat;

Indę eum Venetus gladio deturbat
 Legitimumque Cęsarem restituit.

At breui Cęsariana Laurus
 Mortis petita fulmine exaruit.

*A Myrtillo Ve-
 neno sublatns.*

Bizantij Vitta
 Baldouino Victima cadit.
 Quam in frustra discerptam

Ro-

Romano annuente Pontifice

Commilitonibus partitur.

Dandulus Cæsari Collega

Constantinopoli Sedem figit;

Vt ab Oriente Orbis auspicaretur Imperium.

Iam illi Fortuna allaborans

In Adrianopolim, Gallipolim,

Epirum, Eubæam, Spartam,

Cycladas, Zacinton, Cefalenen

Compluresque Regionēs

Venetias effuderat.

Cretam Auro, à Ferrati Montis Domino

Princeps mercatur.

Ab Auro transitur ad Ferrum,

Quo rebellans domatur Epidaurum.

Vt Patriam non Terræ tantum;

Sed & Cœli Thesauris ditaret,

Mirabili Cruore,

Quo Christi effigies Berythi manauerat

Sacrauit.

Qui nemini cesserat Fatis cedens,

Constantinopoli ad Sophiæ Ædem

Mausolæo conditur, Sextū Annū imperans.

PE-

Sabell. de. 1. lib. 8
Gaufrid. Villar-
duini in Commē.
Ighiesca 1. par.
lib. 5. cap. 33.
Tarcag 2. par.
lib. 13.
Tursell. Lib. 8.

Athanasii, &
Niceni Conc.
testimonio robo-
ratum.

P E T R I C I A N I

Elogium XXXXI.

Anno 1205.



Quid solidum inter Mortales?
 Veneta Fortuna
 Cum Dandulo funerata videbatur,
 Nisi sub

PE-

P E T R O C I A N O

Sebastiani prole reuixisset ;

At feralibus bellis, cladibusque comitata.

Prima principis Cura,
Constantinopolis Prætozem
Marinum Zenum cum Patribus destinat :

Hic quatuor Equos æreos
Transmittens Venetias,
Visus per mare æneam quadrigam agitare.

Athenę, & Achaia
Vt cum illis scientię, opesque

Vrbem commigrarent,
Se Patrum fascibus submisere.

Robertus Constantinopolis Augustus,
Imperij Collegam charissimum
Venetum Ducem nuncupauit.

Turfell. Lib. 8.

Quam breues Fortunę blanditię?
Repente ex Creta præliorum nimbus erupit.
Minotaurus visus humanam cædem,
Vt fatiaretur reposcere.

Plus negotij cum vna Insula,
Quàm cum ceteris Regionibus fuit.
Bellorū Rebellionumq; Lernam appellares.

Dd

Vix

Vix vnus defectionis incendium obrutum,
Cū ex Infideli cinere alterius faces recalebant.

Vt disceret Fidem colere,
Ciuium, Patrumque eò deductæ Colonia.
Cretense dictamum ferrū non expungebat
Sed prouocabat.

Nunc Epirotam, nunc Ligurem
Defectionum Auxilia petere;
Interim Pisana & Ianuensis classis,
Ad Nicopolitanum Epiri sinum,
Ab Alexandro Bondumerio,
Mirabili virtute laceratur.

Tandem Ligustico, Venetoque sanguine
Gnossicum est extinctum incendium.

Vix spiritum fatigatæ Acies
Sumebant,

Cum Patauini bino Agmine irrumpunt.
Fortè vt Creticę Palmę Italo solo adolescerēt.
Bis Castris exuti, Pacem vix impetrant.

Martis ablegatis facibus,
Himenæi Tede in Principis Aula splēduerūt,
Tancredi Sicilia Regis
Filię nubit.

Dum

Dum Coniugiū colit, Virginū Ædem erigit.

At solium petitem bellis perosus

Otia in Diui Georgij Cænobio quæsiuit .

*Ducale Cænobiū
Monialium .
Virginum appel-
latum excitat .*

Monachus ibi feriatur & funeratur,

Ducis persona in Mundi fabula ;

Viginti Annos egregiè peracta .



IACOBI THEVPOLI

Elogium XXXII,

Anno 1229.



Incitatissimæ prælijs ætati
IACOBVS THEVPOLVS
 Ardens datus est Princeps.
 Vniuersum penè Orbem

In

In ferrum

Creta degenerans afflauerat.

Hanc Ioannes Vatacinus,

Mytilenes Dominus

Descitam classe propugnauit.

At in eius Agmina Elementa pugnauerunt.

Terra Prætoris Copijs,

Mari Ventis, fluctibusque

Ceu maritimo bello profligatur.

Ad Cretam Domitus, adhuc contumax,

Formidolosius cum Esagorato Rege

Prælium conflat Vatacinus.

Terrestri, maritimaque obsidione

Bizantium quatit.

At

Leonardo Quirino, Marco Gussono

Ducibus

Fusi, debellati.

Prostratus Vatacinus, surgit audacior,

Grauiori apparatu Urbem aggreditur

Vt à Ioanne Michaelio

Constantinopolis Prætoře,

Etiam tertiò vinceretur.

Dd

3

Mox

Mox Gregorio Pontifice receptui canente,
 Cum Liguribus rixarum auctoribus,
 Pactæ Induciæ.

Verum Ezelini Tyranni & Federici Cæsaris
 Ex Patauino latere tempestas detonuit.
 Hæc Myoparonum celeritate fracta
 Euanuit.

Nec data mora,
 Prò fœderatis Liguribus in Pisanos
 Andreas Ducis filius Imperator mouet.
 Rebellem Polam igni distringit.
 Ranerius quintò Refugam
 Iadram domat.

Cui vt ad Pannones claudatur Ostium;
 Princeps à Rege Bela
 Omnia in Iadram Iura mercatur;
 Inde Taruisini, & Ferrarienses
 Ferrum exacuunt.

At illorum Acies à Veneti gladij acie
 Obtunduntur.

Vt non Legionibus modò,
 Sed & legibus Urbem Princeps tuèretur,
 Iuribus Iura dedit.

Feciales, quos Quinqueuiros ad Pacē appellāt,
 Petitionis Magistratum,
 Urbis scilicet Prætorem instituit.
 Hinc DD. Ioanni, & Paulo
 Velut Venetis Castoribus
 Maximum Templum ponit.
 Ibi se humandum iussit,
 Cum quatuor lustra
 Curiam Maiestate impleuisset.



MARINI MAVROCENI

Elogium XLIII.

Anno 1249.



Non temporum interualla,
 At facinorum magnitudo,
 Principum metitur ætates.
 MARINVS MAVROCE NVS
 Qua-

Quatuor tantum in Throno Annos exegit,
 At operum mole plurimos.
 Septuaginta quinque Patrum, Ciuiumque
 Colonijs, Feudi Iure
 Cretæ dilargitus est solum,
 Vt ad Venetū Solium tot fidei vinculis ligaret.
 Cydonæ Romulus,
 Quam Ædificiorum, Ciuiumque frequentia
 Visus à fundamentis erexisse.
 Ezelino Tyranno eiecto
 Patauina Vrbem asseruit.
 Patres Patriæ sydera ad Ciuium salutem
 Nocte voluit vigilare;
 Ideo Duumuiros, quasi duos
 Nocte aperuit oculos.
 D. Marci Primicerio,
 Vt Ducale Templum Augusto Mysta
 Resplenderet,
 Pontificias phaleras impetrauit.
 Cum ex Curia morte decessit,
 Ad D. Marci vestibulum secessit.
 Huius stēma primū Senatus Consulto iussū
 Æternū Delubri pariete pendere.
 R.A.

R A N E R I I Z E N I

Elogium XLIV.

Anno 1252.



Romana Virtus transmissa ad Venetos,
 Emulam, & Bellatricem
 Ianuæ est nacta Cartaginem.
 Multos illic Annibales,
 Plures

Plures hîc inueneris Scipiones.

Quorum vnus

RANERIVS ZENVVS.

Hoc Principe Martis sydere
Ptolemaidi , in D. Sabæ Fano,

Inter vtramque Gentem
Furialis , & plusquam belli
Accensæ sunt faces.

Hæ in omni Equoris sinu ,
Portu , Promontorio exarxere.

RANERIVS vt hostem feriat,
Cum Manfredo Sicilia Rege fædus ferit.

Tum in ipso Ptolemaidis Portu,
Aquis ignibusque Ligusticam Classem
Lacerandam tradit.

*Dum D. Sabæ
Templum eiusque
forum Venetus ,
& Ianuensis sibi
Vendicare con-
tendunt in Ptole-
maidis diuisione,
ex rixa bellum
oritur.*

*Venetus Ligusti-
cam Classem in
Ptolemaidis Por-
tu incendit.*

Quæ , vt iterum vincatur , emergit.

Denuò ad Tirum pugnat ,
Vt illius Murices suo sanguine
Satiet.

Non diu Veneta stetit Victoria.
Michaeli Paleologo iungitur Ligur ,
Et Bizantino è Solio
Baldouinum , Venetumque deturbat .

Pari

Pari sydere agitatae Tessalonico sinu
Reipublicae Triremes discerpuntur.

Vices alternante Fortuna

Venetus Eubœa potitur,

Et Ianuensi Cruore Propontis erubuit.

Hinc Adriatico freto Reipublicae Naues

Ianuensis intercipit.

Iacobo Dandulo, Marco Gradenico

Vltio demandatur.

Hi siculo mari hosticam aggressi Classẽm,

Bino, cruentoque prælio,

Ligurũ cadaueribus Scillẽam rabiẽ expleuere.

Ea bellantium clades,

Vt Victor Victo simillimus foret.

Ad Ptolemaidam, vnde exierant

Ligurum rediere Fata;

Iisdem Urbis faucibus iterum

Infelix Classis incensa.

Dum foris hostis pugnat,

DomiCiuis parricidali ferro in Senatũ exurgit.

At prius est oppressa, quàm nata seditio.

Princeps post decẽ, & septem Imperij Annos

Cœlos petit, non appetit.

LAV-

LAVRENTII THEVPOLI

Elogium XLV.

Anno 1268.



De Cœlo tactam laurum non conflagrare,

Pugnacibus folijs

Ignea arma excutientem non miror;

At saxeus essem, nisi in saxum rigerem

Ee

Dum

Dum specto
LAVRENTIVM THEVPOLVM

Qui hominum, Deorum, Nature
 Fulminibus petitus,

Inviictæ mentis robur non perdidit.

Laurum emulatus,

Lauro se

Dignum præbuit.

Primum in illum telum Tellus misit

Quæ inanibus camporum manipulis,

Ceu Campalibus manipulis,

Urbem Quatiebat.

Ad Annone caritatem,

Humana sublata Charitate,

Siciliæ, Italiæque horrea

Frumenta denegabant.

Cum famis fulgure,

Terra, Marique bella tonuerunt.

Quà Ianuenses, Quà Bononienses

Infestis Naubus, Agminibusque ruunt.

Eodem tempore trino cum hoste

Princeps luctatur.

Hinc cum Liguribus, quos ad Tirum

Impe-

Imperator debellauerat,
 Clementis Quarti Pontificis,
 Galliae, Siciliaeque Regum studiis
 Belli Inducias componit.

Tum ad Padum Bononiensium arma,
 Et Venetorum Fata Principem vocant;
 Vt funesta ibi accepta clade,
 Heliadum oculis defleretur.

At altera pugna se Ducem, Militemq; gerens,
 Caesæ aciei dedecus hostium sanguine
 Deleuit.

Istri, qui Laurentio bellis distracto
 Ab Imperio descuerant,
 Ob Bononienses profligatos
 Animo fracti

Ad excussum rediere iugum.
 Ceruia vltro se Patribus subdit.

Princeps septem Annos
 Cum Fatis luctatus,
 Ab iisdem abreptus

Ad DD. Ioannem, & Paulum tumultatur

IACOBI CONTARENI

Elogium XLVI.

Anno 1275.



Nunc truci, nunc blando
 Fortuna Vultu
 Aspexit, despexit
 IACOBVM CONTARENVM
 Vix

Vix auro illius fuerant implicita tempora,
 Cum sui Principatus Tempora
 Ferro sensit implicari.

Extinctum Iaruenſe recaluiſſet bellum;
 Niſi mari exortum in mare demerſiſſet;
 Præda, quam Ligures abſtulerant petita,
 Et reddita.

Inde Principis haſta, & Fortunæ Æſtus
 Urbium Aggera ad Imperij littus congeſſere.
 Pegutium, Montonam, Iuſtinopolim.

Bononienses poſt tot acceptas,
 Vnica Venetis illata clade tumidos,
 Egeſto per vulnera ſanguine
 Detumeſcere, pacemque petere coegit.
 Taruiſinis, Patauiniſque ſupplicibus ignouit.
 Conſpirationum monſtra ferro iugulauit.

Ne Venetæ Purpuræ ſplendor
 Spurio ſanguine denigreſceret,
 Illegitimo natos Toro
 Magiſtratibus, Senatuque interdixit.
 Demum poſt Imperium abdicatum,
 Supremum obijt diem
 Et ad minores elatus eſt Fratres.

Ee 5 IOAN-

IOANNIS DANDVLI

Elogium XLVII.

Anno 1280.



Quot Numinum Minæ Urbem terruerunt,
IOANNIS DANDVLI.

Inauspicatis Imperij in Auspicijs?
Liquidis Cataclysmi machinis,

Mar-

Marmorea penè est euulsa Ciuitas,

Et tremendo Telluris tremore

Excussæ moles corruere.

Hi gemini Feciales bella indixere.

Repentè Iulium Carnicum, & Aquileia

Pro rebellantibus Istris

Signa contulere.

Diù incerto Marte pugnatum,

Tandem Piranum subactum:

Interim Nicolaus Pontifex

Idumæas Palmas vt nobili sanguine

Rigent,

Christi Principes hortatur.

Romanum in Asiam mittit Equitatum,

Cum quo & Veneto peditæ, Nauibusque

Dum Iacobus Theupòlus,

Obsessam lento gradu petit Ptolemaidam,

Hæc properatis excidijs petitur.

Babylon in Cœlum rebellis

Suo Sultano Christo insultat,

Et è Ptolemaide deturbat.

*Dum Christiana
auxilia moran-
tur, Sultanus
Babylonie Ptole-
maidam debel-
lat.*

Dum Syriæ Christiana Res nutat,

Princeps, vt Urbem reddat inconcusam,

Lasci-

Lasciuam morum licentiam
 Seueris, grauibusque legibus coercet.
 Primus, Aurum cudendum, iubet.
 Nescio Aureum, an ferreum sæculum
 Pallenti, scilicet Pestilenti metallo
 Prouocauerit.

Decem Annos Reipublicæ tractatis habenis
 Defecit,

Et

Ad DD. Ioannem, & Paulum sepultus est.]



PETRI GRADONICI

Elogium XLVIII.

Anno 1288.



Sublimem in Thronum
Ad Principum spectaculum elato
PETRO GRADONICO,
Andreas Pannonum Rex

Ste-

Stephani

Ex Tomafina Maurocena filius,
Venetum est ingressus Theatrum.

Gladiatorij loco muneris,
Ligusticum secundum datum est Bellum;
Cruenta Naumachia celebratum.
Graduum diceres Gradonicum,
Nunc domestico, nunc externo certamine
Gradientem.

Ad Euxinum Pontum,
Prima praeliorum signa cecinere:
Rogerius Maurocenus classis Imperator
Peram Bizantio, vicinam rapit,
Martique Victimam cremat,
Pharim excindit.

Ioannes Superantius
Thraciam debellat Cassam:
Verum ad Corcyram melæam;
Ligurum Armis, Bellonæ Aris
Totus Venetus adoletur Exercitus.
Ibi Carolum, & Andream Dandulos Duces
Amisimus.

Ad thracium Bosphorum,

Mar-

Marco Basilio

Mutato Duce, non est mutata Fortuna.

Victorię Alis elatus hostis

Cretam peruolat, Cydona potitur.

A Creta Patauium nauigat bellum,

Cum hoc fælicius decertatum est.

A Patauio ad Creticum remeat fretum;

Ibi Paleogogi classem

Benedictus Iustinianus demergit,

Eubæam Græco cruore commaculat,

Maritimas oras incendijs perflat.

Paleologus, vt Venetum liget ferrum,

Quod mutuum acceperat soluit Aurum.

Externo sedato bello,

Formidolosius Domi grassatur.

Plebeia Boconis in Senatum exurgit seditio.

At cum Auctore repentè opprimitur.

Patritia succedit atrocior,

Vltimum illum diem habitura Respublica,

Nisi Cœlum in Parricidam

Ventorum, Imbriumque Armis depugnasset.

Hoc vnum deerat Urbis malis,

Vt sextò quoque deficeret Iadra.

Hanc

Conditio ad Senatus Parricidium die, Imbrium, ventorumque coortis, seditiosis infestis.

Hanc Benedicti Iustiniani
Arma domuerunt.

Tunc primùm Decemviralis Dignitas
Patriæ munimentum est posita.
Tantis duodecim per Annos
Motibus concussus Princeps,
Muriani ad D. Cipriani Ædem
Quiescit.



MARINI GEORGI

153

Elogium XXXIX.

Anno 1313.



O quantis tempestatibus agitatum mare
MARINVS GEORGIVS.

In huius procellis Veneta Fortuna

Pene est visa naufragari.

Ff

Pon-

Pontificis Maximi petitus telo;
 Quasi Cœli fidere percussus,
 Nullos Throni serenos aspexit Soles;
 Satis se felicem ratus

Si ad nullam trepidaret noxam:

Hinc Vulgi Aura

Sancti Nomen adeptus est.

Sed en iterum Iadra rebellat, & vincit,

Quia auro bellat.

Terra, Marique circumfusa nil trepidat,
 Docta in Castris plus aurū valere quàm ferrū.
 Dum ænea tormenta illius mœnia quatiunt,

Ipsa de equitatu, Tribunoque Hispano

Aureis machinis triumphat.

At transfuge scelus si non Marino,

Mari saltem ultori pœnas dedit,

Cuius procellis, Auro,

Et penè Vitæ Aura mulctatus est

Princeps; qui Terris

Aduerso Marte pugnaverat;

Coelum felici bello adoritur.

D. Dominico prælia gerenda tradit,

Cui in Sacra erecta Æde Arcem

Asse-

Afseclarum in Statione
 Castra ponit.
 Vt benè dimicet ,
 Censu, Prouentusque stipendia soluit.
 Decem Annos
 Patriæ fastigio sublimis
 Cadens ad sepulchri Saxum
 Ad DD. Ioannis, & Pauli alliditur.



IOANNIS SVPERANTII

Elogium L.

Anno 1323.



Fortunæ, Hominum, Elementorum bella
 Quæ in Rempublicam conspirauerant
 IOANNES SVPERANTIVS
 Superavit.

Fe-

Ferocia in Feracitatem mutata;

Coelum, Tellusque

Clementiam Principis sunt imitata.

Amaltheæ Cornu visus capite gestare Ioānes,

Ex quo

Bonorum omnium Vbertatem

In Urbem effudit.

Per Franciscum Dandulum Oratorem

Ferrea, qua se vinxit catena

Pontificis Diras religauit.

*Dandulus catena
tus ad Pontificis
pedes deuolutus,
& in Rempublicam
eā Cenjurā
absoluitur.*

Tum insolita quadam felicitate vsus,

Urbium Greces,

Iadram, Spalatum, Tragugium,

Sebenicum, Enonam,

Qui ab Imperio desciuerāt, ad Imperiū reduxit.

Pari sorte potitur Eubœa.

Vt Ciues doceret Maritimis asuescere bellis,

Ludicras instituit Naumachias.

Per Iustinianum Iustinianum

In omni Maris sinu, recessu, littore

Ianuenes aggressus est hostes.

Urbis Armamentarium

Vltoris Martis Arcem ponit.


Ff 3

Hic

Hic Arma, tormenta, terroresque
 In hostes irrupturos,
 Claustris immanibus includit.

Hic cusa fulmina,
 Ad Euxinum Pontum, in Ligures
 Fæda strage Iaculatur;
 Petentibus data Pax:
 Tum in Mastinum Scaligerum
 Bellum recrudit.

Hoc eiecto,
 Patauinos in libertatem vendicauit.
 Sexdecim Annos
 Ad Reipublicæ Clauum sedens occubuit,
 Et
 Ad D. Marci Sacrarium conditus est.



FRANCISCI DANDVLI

Elogium LI.

Anno 1328.



Non Veneto Solio
 FRANCISCVM DANDVLVM;
 Sed Pythiam Tripodi infedisse dicas,
 Terrarum Orbe responsa expectante.
 Ne

Ne sibi in suis Delphis, & Colophone
 Græcia placeat,
 Eodem momento sexaginta Principum
 Et Rerum publicarum Legati
 Vnius ab ore ligati Oracula petebant.
 Benè Canis vsus est Agnomine Princeps;
 Vt hostes Domi Consilijs allatraret,
 Foris Armorum dente laceraret.

Ioannis XXII. sociali bello
 Non frustrà laceSSIUIT Lunam:
 Hanc proprio sanguine rubere,
 Et inter fluctus deliquia pati
 In Syriaco Ponto docuit per Petrum Zenum.
 Hinc in Mastinum Scaligerum agmen vertit,
 Illumque è Scalę culmine euertit,
 Ad quod per victoriarum gradus ascenderat.

*Sabell. dec. 2.
 Lib. 1.
 Iuliesc. 2. par.
 Lib. 6. cap. 3.
 Tarcag. 2. p. lib.
 16.*

*Mastinus Pacis
 pretium Venetis
 Marcam Tar-
 nisinam largitur,
 ceteris federatis
 Principibus alia
 Oppida.*

*Sabell. dec. 2.
 lib. 3.
 Tarcagn. 2. par.
 lib. 16.*

Expulso Mastino,
 Carrariensem Patauij regnare iubet.
 Scaligeri Imperiū Principib⁹ in frustra partitur.
 Gestorū magnitudine Imortalitatē allequut⁹
 A mortalibus discessit;
 Ad Minores fratres conditorio illatus.
 Vndecim Annos Dux.

BAR

BARTHOLOMÆI GRADONICI

Elogium LII.

Anno 1339.



BARTHOLOMÆO GRADONICO

Optimo Principi pessima contigit Ætas.
Tres anni dubium, an tres anus Erynnis,

Illius Imperium lacerarunt.

Mirror

Miror facilitate morum,
 Largitionum munificentia,
 Oris maiestate Orphei lyra suauiore
 Eumenides non flexisse.
 Prima Dirarum Cretensis defectio furit.

*Ad saltum se re-
 cipiunt Rebelles.*

Hec saltu dumisque implicita
 Querenda fuit, ut opprimeretur
 Per Nicolaum Faletrum,
 Et Iustinianum Iustinianum.

*Aquarum Inun-
 datio.*

Secunda Aqueis, ceu Castrensibus Copijs
 Urbem quatit,
 Nisi Dei interuenisset miseratio
 Euersura.

*Acataclysmo
 per DD. Marcum,
 Georgium, &
 Nicolaum Urbs
 eripitur.*

Postrema malorum omnium
 Infamis desæuijt Fames,
 Quæ Ieiuna ieiunis cadaueribus
 Pascebatur.

Inferos ad Terras translatos horrens
 Princeps

Loculum in D. Marci vestibulo
 Quæsiuit.

ANDREÆ DANDVLI

Elogium LIII.

Anno 1343.



Philosophum cuius sceptro
Respublica bearetur, habuisti Plato
ANDREAM DANDVLVM.

Iam illo Principe

Ab

*Legum Doctor,
et Publicus Pa-
trij Professor.*

Ab Attica

Petendæ non fuerunt leges,
Quas in Triumphi argumentum
Laureatas in capite gestabat;
Vt adorata Syriæ nemora
Venetis fragrant in Æstuarijs,
Et Erythræi Maris grandine
Patrium littus alberet.

Pontifice consulto,

Ab Ægypti Sultano

Mercium commercia impetrauit.
Calami aciem ferro, ferri, calamo exacuit.
Pannonici belli septimam facem
Ab Iadra transfuga accensam
Illius funeri prælucere fecit.

Leuctricæ pugnæ gloriam
Ad Venetos transtulit Pannonicus,
Dum centum millium illius Acies
Ab Andrea Mauroceno, & Simeone Dādulo
Ducibus fusæ

Ignobili fuga se in Pannoniam recepere.
Profligata Iadra, Victoris iram precibus vicit.
Tantum triumphum inuida Fata funestarūt.

Vt

Vt Trophæa ab Vrbe excutiant,

Solum tremore concutiunt;

*Terræmotus in-
gens.*

Turres, moles, & Tempia deiiciunt.

Tum inanibus horreis in Ciues armatis,

Gravis Fames.

Vrbem inanem reddunt.

Demum pestilentibus auris Cœlum afflant;

Pestilētia atrox.

Lethalem spiritum viuentes hauriunt,

Vitalem exhalant.

Mors suis displosis tormentis

Ferali glande cunctos ferit.

Ne Feretrio iuideat Ioui, feretra spolijs opimat,

Cæca certos collimat ictus,

Gaudet se orbam, vt omnes orbet.

Quia neminem videt, omnibus inuidet.

Omnes metit, quia nullum metuit.

Hæ tres sceleratæ Præficæ

Bellorum noua funera indicunt.

Quorum primum Iustinopoli celebratum;

Rebellē Vrbē funerat Brancatius Iustinianus.

Ad Euxinum Pontum altera Ligustici belli

Tempesta detonuit.

Huc Eubœæ, Illyrici, Cretæq; viribus cōuolat

Marcus Ruzinus.

Gg

Hostes

Hostes ingenti clade cædit.
 Imperatorem viuum capit;
 Propontis quoque eorum sanguine
 Purpurascere visus.
 At breui Ligur cæsorum militum Manibus
 Eubœæ rogum accendit.
 Græcæ, Aragoniæ, Venetæque Classis
 Ruina perlitat.
 Victoriæ tamen Ducis capite,
 Maximaque strage emisse pœnituit.
 His cladibus nondum Partium iræ,
 Nondum Parcæ fatiatæ.
 Ad Calarim Sardinia bellum recaluit:
 Ibi prælio in rabiem, furoremque verso,
 Ab Aragonia, Venetaque Classe
 Tota hostici belli profligata moles.
 Vt vno certamine totam Ianuam
 In mare mergeret Venetus;
 Quadraginta Triremes, ingentis apparatus
 Reliquias,
 Viuumque militem voluit naufragio perire.
 Ad Sardiniam tumultatum bellum
 Freto Adriatico reuixit.

Hic

Hic Venetæ depredantur Naues,
 Istriæ orę aris adolentur,
 Et Ianuensium vmbreis
 Parentij excidio parentatur.
 Duodecim annos
 Tot bellis fessus Princeps
 D. Marci
 Ad lustralis Fontis lene murmur,
 Dormit.

)?(



MARINI PHALETRI

Elogium LIV.

Anno 1354.

Quam crudelia hominum Fata.
Ad sublimia trahunt,
Vt sub ima detrahant.
Vittam tribuunt, vt Vitam adimant.
Quàm

Quàm speciosum supplicium

Aulæ supercilium,

Honores, dicas verius horrores.

MARINVS PHALETRVS

Marina nauis,

Animi, Corporisque gazis diues,

Per patria Æquora nulli allisa scopulo,

Populi, Patrumque aura

Octoginta annos felix Solio velificata;

Tandem Principatus portum ingressa

Naufragio perijt.

Ibi in eius collum vibrata securi,

Vbi Magistratus fuerant collatę

Secures .

Quàm crudelia Hominum Fata.



IOANNIS GRADONICI

Elogium LV.

Anno 1355.



Ne rubigine Veneta obducerentur
Arma,

Prælijs Fortuna acuebat,
Vix Ligustico sedato turbine,

Pa-

Pacis solem aspexerat
IOANNES GRADONICVS,

Cùm inter Septentrionis niues

Belli conflatum est fulmen.

Ludouicus Pannonum Rex

Tota Regni sui mole in Liburnos ruit,

Eodemque momento Iadram, Sebenicum,

Spalatum, Tragugium, Enonam

Obsidionali indagine cingit :

Italiam Armorum torrente inundaturus,

Austriaci, Aquileiensis, Carrariensis

Viribus irrumpit ;

Tarvisij Castella rapit, ac diripit.

His Bellonæ facibus

Ducis inferiæ celebratæ.

Vix Annum in Throno egressus.

Mausoleo conditur.

Ad Minores Fratres.



IOAN-

IOANNIS DELPHINI

Elogium LVI.

Anno 1356.



A Bello ad Pacem ,
 Ab obsidione ad triumphale Solium
 Vocatur
 IOANNES DELPHINVS.
 Qui

Qui vt se fulmen ostenderet,
 Taruisij ferrea Pannonum nube
 Circumfusus ,

Ex illa irrumpit equitatu,
 Æquitatem Patriæ allaturus.

*Taruisina obsē-
 dione negatum
 aditum ferro, &
 equis sibi aperit.*

Præliorum tempestates
 DELPHINVS elusit.

Dalmatię dum Titulo cedit, hostis recedit.
 Ne Rempublicam , quam Hostium arma
 Nequiuerant,

Ciuium luxus conficeret,
 Legum seueritate compescuit.

Quinquennio in Aula exacto,
 Illius vitæ stamen à Parca reciditur;
 Ad DD. Ioannē, & Paulū Tumulo honoratur.



L A V R E N T I I C E L S I

Elogium LVII.

Anno 1361.



Supero mari dum Classe præest,
 Ligustici cruore muricis tingit chlamydem,
 Et Diadematis vniones
 Fortuna expiscatur

LAV-

L A V R E N T I O C E L S O .

Illius triumphos è Pelago vectos,
 Vrbe canente,
 Cyprio Rege, Austriaco Duce
 Epinicia spectantibus,
 Ex Cretæ montibus ferrea tempestas
 Effunditur.

Plebeia, Patritiaque Colonia

Ad arma concurrerant.

Vt à MICHAELE

Qui Cœlo seditionem prostrauerat,
 Desertores disceret perdomare,
 In hos mittitur

D O M I N I C V S M I C H A E L I V S .

Hic non maritima Classe,
 Sed Cœlestibus copijs in Coniuratorum
 Visus iugula descendisse.

Huic Comes Luchinus de Verme,
 Vermis instar fugituios erosit.

Seditioso difflato turbine,
 Regni Serenitas oborta est.

Hunc Fortunæ lusum
 In D. Marci foro ludicro certamine

Lu-

Lufere Patritij.
 Dum v̄mbratili ludunt bello Reges
 Vera praelia meditantur.
 Cypri Rex , festiuo Venetijs
 Hastiludio peracto,
 Reipublicæ Classe Alexandriam
 Bello infestat.
 Post quatuor annos è celso Reipublicæ
 Culmine
 Morte CELSVS ruit,
 Et ad D. Marię Cœlestis
 Tumulatur.



MARCI CORNELII

Elogium LVIII.

Anno 1361.



MARCVS CORNELIVS

Regum propago,

Qui Togatus D. Marci Patrocinium

Exercuerat,

Hh

Pa-

D. M. Procurator
et legum Doy
Ror.
Eques.

*Per Constanti-
num Augustum,
cuius Nepos,
Marco Cornelio
Cypria Regina ge-
nitori nupsit.
Vscum Casani
Persarum Regis,
Nicolai Crispi
Egei Ducis, &
Coloiānis Trape-
zuntij Imperat.
affinis.
Vide Sansouinū
de Principib. Pa-
leologis pa. 1453.*

Patriæ causam defendit armatus.
Ex Equite transiit in Principem,
Vt rebellionum desultorios equos
Ferreo fræno compesceret,
Contumaces feliciter domuit,
Anthei in morem vix prostrata
Cretensis seditio exurgebat audacior.
Diceres ex funerato Dracone
Cadmi segetem pullulare.
Hanc primùm
Principis
Falx messuit, fax demum torruit:
In hanc Pontificis quoque diras concitauit;
Vt in monstra ex cæde renascentia
Humanæ, Diuinæque Acies pugnarent.
Tandem quieta Creta,
Princeps quieuit,
Biennio Paludatus
Ad D. Ioannem, & Paulum
Regio elatus funere.

) ? (

AN

ANDREÆ CONTARENI

Elogium LIX,

Anno 1367.



Sæpe mens præscia mali

Ominosa expauescit loca;

ANDREAS CONTARENS

Fatidico impetu se Cassandram præbens,

Hh 2

Quòd,

Quod se Principe aiebat desolandum,
 Patriæ Solium exhorrebat,
 Tandem qui inuitus sedit,
 Inuictus pugnavit.
 Fata quæ in illum conspirauere,
 Illius factis aspirauere.
 Quò nitidius Venetum ferrū splendesceret,
 Versatum est.
 Quot bellorum fulmina
 Huic scopulo allisa.
 Ad Tergestum ter gestum dicas prælium;
 Cum Vrbe deficiente,
 Foro Iulio assidente,
 Austriaco protegente,
 Fractis auxilijs defecit defectio;
 Ab his positum ferrum Carrariensis assumit;
 Venetos prouocat, Pannonios aduocat,
 Qui ex Alpibus ruunt, vt allidantur.
 Taruifina arua
 Barbara vastant arma,
 Et ferreus, igneusque Torrens
 Omnia torret.
 Bassani ad Medoaci aquas subsistit.
 Ibi

Ibi Barbaro, Patauinoque
 Epoto sanguine Amnis intumuit.
 Imperatores Castris, Castra Ducibus,
 Omnes libertate exuti.

Bino pulso hoste tertius insurgit.
 In Taruisij campos Austriacus turbo
 Desecuit.

Messes simul, hominesque metit,
 Ad Bellunum sedet ad Bellum;
 Sed statim surgit ad fugam.
 Hosti Venetus feretrum Feltri parat;
 Et Arma quiescunt.

Iterum hostile Clasicum exauditur.
 Aquileienses, Carrarienses, Pannonij,
 Et Ligures

Vt simul ruant, simul ruunt.

Ad Romanam Plagam

Primas Ligur plagas accepit.

Suis collibus elata Roma

Crudelem spectauit Naumachiam;

Victore Pisano Imperatore,

Pantaleone Barbo, Ludouico Lauredano
 Legatis.

Hh 3 Na-

Nauali ludo victus
 Ludouicus Fliscus Imperator
 Viuus venit in manus;
 Mortuos vt nuncient tres tantum
 Fugiunt triremes.
 Triumphans Classis Vngaros quoque
 Spoliauit Ascriuio.
 Ianuensis ad Polam mutato polo,
 Luciano Auria Duce
 Vicit Victorem Pisanum.
 At Lucis Aureę citò occidit splendor;
 Triumphum vita mercatus, & sanguine.
 PETRVS AVRIA vltor exurgit;
 Diceret è Balearica funda
 Hanc Petram in Rempubicam vibratam.
 Tota secum Pelago superfusa Ianua furit:
 Venetias petit vt oppetat.
 Quacumque incedit incendit.
 Clodiam cladibus implet.
 Vicino armorum terrore Urbem concutit;
 Ciuis deflet, Senatus nutat.
 Iam Venetum Ligur Imperium liguriuerat,
 Nisi æmulatus Annibalem
 Victo-

Victoriā Virtute partam
 Nimia fiducia perdidisset.
 Profuit Hostium insolentia!
 Pro Republica Cœlum, Elementa,
 Et, si fari licet, ipsi Inferi pugnauerunt.
 Auerni in Officinis conflatum fulmen
 In hostes est vibratum.
 Tunc primùm Italo Cœlo
 Bellica tormenta tonuerunt.
 Nil mirum, fulgure ictum Imperatorem,
 Cum ardua montium Cœli telo feriantur.
 In illius cede suam agnouit
 Infelicitatem Liguria.
 Versata Sortis Vrna;
 Ab obsessis Obsidentes obsessi.
 O felicem Veneto nomini diem;
 Ab Inferis redeuntis Imperij
 Anno MCCCXXX.
 Principis ductu effusæ Venetiæ
 Liguriam Clodiæ deleuere.
 Per dirutam Ianuam tam ingens Triumphus
 Urbem intrauit.
 Templis, Armamentarijs, Ædibus
 Tan-

*Iannensium Im-
 perator primus
 Bombarda illu
 extiactus.*

Tanquam Cariatides, carie consumenda
Arma sunt affixa.

Hinc bellum stetit ; at Fata
Non steterē.

Ex Ligurum rogo Tergesti, & Iustinopolis
Defectiones caluerunt.

Qui pace noluerunt adolescere, face adolētur.

Tandem Venetijs, & Ianuę
Iani Ianuę clausę.

Qui in aduersis
Patrię se filios præstiterant,

Inter Patres adscripti.

Princeps quartodecimo Fascium anno

Sub Trophæorum strue magis,

Quàm saxea mole

Ad D. Stephani est conditus.



MICHAELIS MAVROCENI

Elogium LX.

Anno 1381.



Acerrimi patrati belli
 Furialis satelles pestilentia,
 Quasi foedere cum Ligure inito,
 Quod illi negatum fuerat ferro,
 Ipsa

Ipsa feretro Urbem funestat.
 Atrata per fora furit mors,
 Thalamos vertit in tumulos,
 Et ferales Ferias inducit Imperijs.
 Cadauerum populo solitudinem frequentē,
 Urbem Ciuibus solitariam reddit.
 Tam funestum Principatum
MICHAEL MAVROCENVS

Agit.

Tamen inter Patriæ Mausolea
 Erigit Trophæa.

Tenedos Insulam Imperio,
 Imperium legibus subdit.

Vt luem exarmaret,

Illius telum

Suo pectori confregit.

Miror à Principis sapientia,
 Et Maiestatis plena canitie
 Non territam improbam.

Quadrimestris Princeps
 Multos annos æquauit.

Ad DD. Iacobi, & Pauli
 Sarcophago clauditur.

Veste moritur :

AN-

ANTONII VENERII

187

Elogium LXI.

Anno 1381.



Brutus, Manliusque
Romanæ seueritatis exempla;
Liberorum pro libertate Patrię
Parricidę

In

In
ANTONIO VENERIO
Reuixere.

Hunc in Porphyriten crediderim
Obriguissè,
Qui paterni amoris spicula
Aut non sensit, aut elusit.
Totius Domus, quæ vnici filij
Capite nitebatur,
Ruinam sicco spectauit oculo.
Natum adolescentem, qui in Matronæ
Famam
Se iniurium præbuerat,
Vinculis mancipatum
Publico pudori
Victimam adoleuit.
Miraris tam rigidum legum vindicem?
Ex Creta, vbi Præfecturam gesserat
Minos Iustitiam asportauit.
In Iouis Pàtria
Fulmina quoque didicit iaculari.
Hæc in Vicecomitem Colubrum
Cruento hiatu Vrbes sorbentem

In-

Intorfit;

Quibus à Mantuanæ Urbis obsidione
Excussit.

Clausum ab illo Carrariensi
Patauium

Ferrea claue patefecit.

Serpente contrito serpere cessauere
Bella.

Pro Emmanuele Cæsare,

Qui Nomine Christum gerebat ;

In Turcas amborum hostes arma tulit.

Pannonico Regi fœderis lege

Suis legionibus fauit.

Corcyra Alcinoi hortos quærens

Venetijs,

Se illius Æstuarijs subiecit.

Antonius Reipublicæ mole

Decem & octo annos baiulata,

Occubuit.

Marmoreus homo marmore

Clauditur

Ad DD. Ioann. & Pauli.

*Sigismundū Re-
gem à Turcis vi-
ctum per Dalma-
tiam traductū ad
Regnum.*

Doglion. Lib. 6.

*Tarcagn. 2. par.
Lib. 17.*

MICHAELIS STENI

Elogium LXII.

Anno 1400.



Quàm facundè , cum volunt

Fata fantur :

MICHAELIS STENI

Futuros triumphos

In-

Integro anno festiuis ignium linguis
Sunt loquuta.

Totus Orbis cum Cæsare, & Augusta
Epinicia spectatum venit;
Tum Carolus Zenus

Cum Ligusticis litasset hostijs,
Victorias est auspicatus.

Imperium, quod fatali palude circumscriptū
Adhuc solum non senferat,
Fortunę alis ad Continentem peruolauit.

Primò dedita vltro Vicetia

Suo nomine vincendum promisit.

Hinc nouellus Carrariensis

In Scaligeros parricidio,

Tyrannide in Populos,

In Venetos ingrato animo

Cum Verona patefecit Patauium.

In quàm diuersa mortalium vota

Rapiuntur;

Carrariensis Domus,

Quæ Venetos triumphos agitabat,

Ipsa mox triumphata

Debellati fastus pulchrum spectaculum

Nicolaus Mac.
chian. Lib. 1.
Sabell. dec. 2.
Lib. 8.

Venetijs exhibuit.

Hinc Feltri, Belluni, Bassanique

Est sequuta seditio.

Hostium quoque socios

Triumphum moles oppressit.

Albertus Atestinus,

Ne Carrariensium, quibus fauerat,

Ruina traheretur,

Supplex veniam petijt.

His tunc gestis, D. Marci Turris conflagrauit;

Quæ magnificentius instaurata,

È Cladibus viuidius exurgentis Imperij

Symbolum præbuit.

Iadra, quæ Veneto ferro nunquam,

Illius tandem auro cefsit.

Vt flores suo Tumulo spargendos

STENVVS colligeret,

Florentinos ferro metit.

Bello confecto, pace fruiturus

Ad minores Fratres

Sepulchro conditur,

Tredecim annos Ducis diademate

Refulgens,

THO.

THOMÆ MOCENICI

Elogium LXIII.

Anno 1413.



Tantis disiuncta Regionibus
 Magnetem rapit Cynosura.
 Quid mirum, si Patriæ fidus

THOMAS MOCENICVS

Ii 3 Vel

Vel absens ad se Thronum,

Magnatumque studia pertraxit;

Vt totum quoque raperet Orbem,

Sua solertia

In mundi centrum Patria versa,

Ad Vniuersi peripheriam

Nauium lineis collineatis,

Regnorum, Regionumque opes hauriebat.

Vt bella otiantur, ex Vrbe otia proscripsit;

Extorres artes Laribus restituit.

Vtinum Pannonicis inuictum armis

Veneta pace expugnauit:

Iulij Forum D. Marci Foro obedire docuit,

In Insu-bres belli flammam immisit;

Ne rigidum niuibus Cœlum

Tepentes Florentiæ flores exureret,

Liburnis, qui descuerant reuocatis,

Ipse ad Superos euocatur.

Cum decem annos Ius dixisset,

Tacet

Ad DD. Ioannis, & Pauli.

Sabell. dec. 2,

Lib. 9.

Tarcagn. 2. par.

Lib. 17.

*Mouet in Insu-
bres pro Florenti-
nis.*

)?(

FRAN-

FRANCISCI FVSCARI

Elogium LXIV.

Anno 1423.



Si Venetam Urbem
 Principibus tuendis
 Munitissimam arcem,
 Senatum

Re-

Regum Senatum dixero :

Quæso ne palleas inuidia ;
Palæologus Cæsar intrans Curiam,

Exorauit

FRANCISCVM FVSCARVM.

Vt fuscam Thraciam redderet Lunam,
Quæ Orientis Imperio minabatur Occasum.

Rasciæ Despotæ auri, ferrique tela
Ineandem Dianam Regnorum venatricem
Contorquenda impetrauit.

Philippus Insuorum Dux

*Philippus Maria
Vicecomes do-
mus sue rixas Pa-
tribus componen-
das tradidit.*

Dissidiorum facem suis tectis conflagentem

In falsis Venetorum aquis extinxit.

Dacum Princeps vt Regiæ Maiestati
Decus adijceret,

Inter Patres conscribi

Per Oratorem flagitauit ;

Qui mox per Venetias Occidentis portentū.

Hierosolymam Orientis miraculum

Adiuit.

Ab hoc Orbis armamentario

Vrbes, Principes, Reges,

Auxilia petebant.

Princi-

Principis virtuti velificata felicitas
Thessalonicam, Scodram, Dulichium

Non militis domat casside,
Sed Fortunæ cassibus expiscatur.

Peloponnesiace Patræ
Hereditario iure Patrum Imperij fines
Protulerunt.

Hinc Princeps Bergomum, Brixiamque
E Vicecomitis anguis faucibus

Rapuit, ut eriperet.

*Guicciard. Hist.
Italia Lib. 5.
Sabell. dec. 2.
Lib. 10.*

At illius toxica Eridani sensit in undis,
Quibus validissima Classis Veneta periit.

*Macchiavell.
Hist. Florent. Lib.
4 cap. 6.
Blond. Hist. Ita-
lia Lib. 23.
Igliesca. p. 2.
Lib. 6. cap. 13.*

Ligures Vicecomitis comites
In hoc amne alterius belli faces accendunt.

Hos suo mari Petrus Lauredanus

Aggressus,

Eorum Classem tam fœdè cæcidit,
Ut cladis reliquias viuum Imperatorem,

Cum Prætoria triremi Venetias miserit.

Vicecomes fociorum fortunæ sociatur;

E Tellina Valle, ne ibi Cuniculos agat;

Expellitur:

Camunum Alpibus, Oppidisque exuitur.

Inte-

Interim Marsilius Carrariensis.

E feralibus Parentum funalibus

Calens fauilla emicuit ;

*ibi illius caput
eulsam.*

Qui dum Patauij Diadema fronti quærit,

Caput amittit Venetijs.

Vicecomiti monstro iterum insurgenti

Illud Venetę virtutis obiectum prodigium ;

Per acerbos tumulos, Alpiumque iuga

Terrestris nauigat Classis:

*Triremes per ar-
dua montium ad
Benacum trāsue-
buntur.*

Diceres Naues versas in milites

Maritimo bello per montes equitare,

Et per sylvas excisa nemora volare.

Benacum per abrupta appulsę rates

Hostes terruere.

Hæ Veronam, Brixiamque ab aduersarijs

Raptas

Cum Diuguntorum Foro, Mantuano Agro,

Glarea Abduæ, Rauennaque subacta,

Ad Imperium visæ remulcare.

Tantis perfossus telis Insubrum anguis

Non frangitur ;

Vt Veneta arma, quorum

Suo periculo foris periculum fecerat.

*Venetis Exerci-
tus Mediolanum
irrupit.*

In

In ipsa Vrbe sua dimicantia spectaret.

Tantam virtutem Laus Pompeia,

Placentiaque admiratæ,

Ne cum victo deficerent,

Ad Victores defecere.

Vicecomes cladium cruorem

Sesitijs aquis diluturus,

Ad amnis ripam Castra ponit.

Nouam ibi, fusa acie, maculam

Contrahit.

At vnicus Turcæ de Bizantio triumphus,

Omnes prostrauit victorias.

Cum Dux Urbem molibus,

Imperium Regionibus auxisset,

Trigesimo sexto Principatus anno,

Sub Palmarum ymbra quieuit.

Ad Minores iacet Fratres.



PASCHALIS MARIPETRI

Elogium LXV.

Anno 1457.



Desæuiere tandem præliorum iræ,

Cum Iris purpurea affulsit,

PASCHALIS MARI PETRVS,

Vel Numam, vel Augustum dicas,

Gemi-

*Paschalis Purpu-
ram semper in-
duit.*

Geminum qui clausit Ianum.

Vtrumque se præbuit;

A belli inferijs Urbē ad pacis ferias traduxit.

Sub Religioso Principe

Irreligiosum fuisse Religio fuit.

Premiorum, & suppliciorum discordia

Patriæ concordiam temperavit.

Æternitatis puerperium,

Artis monstrum,

Inter papyri fascias,

Et præli cunabula gemebundum;

Quod atramenti lacte epoto

Dum typo premitur,

Prototypum exprimit,

Germano è Polo ad patrium solum

Euocavit.

Quatuor annos Principis cultu

Cultus,

Vrbe, Imperioque pacato,

Ab Orbe excessit.

Ad DD. Ioannis, & Pauli.

*Primus Typogra-
phicam Artem
ex Germania Ve-
netias innoxio.*

(?)

Kk

CHRI-

CHRISTOPHORI MORI

Elogium LXVI,

Anno 1461,



Desipit Politicorum sapientia,
 Cum irata Fata nimis sapiunt,
 Difficillimo tempore obiecit
 Senatus

CHRI-

CHRISTOPHORVM MORVM,

Qui prudentiæ, quam pectore claudebat,

Symbolum præferebat agnomine;

At armato sago toga celsit inermis.

Infideli culta ferro, fideli rigata sanguine

Morus erubuit.

Quò Turcica pharetra feretra non inuexit?

Bizantium domuit, oppressit Achaiam,

Vastauit Eubœam,

Epirum diripuit.

Vbique cum Thrace fera

Venetus congressus Leo

Cæde madefactus abiuit.

Quid mirum à cataphracto

Fractum, lorica exutum?

Fœderatorum scuta illius è manu

Aduersa Fortuna rapiebat.

PIVS Pontifex Impium agmen

Dum sociali bello Cruci adolere destinat,

Suo ductu initurus certamen

Anconæ expirat, & fœdus moritur;

Omni maris sinu Veneto sanguine infecto.

Tergesti quoq; obsidio illius arma cruentauit.

Kk 2 EPe-

*Sabell. dec. 3.
Lib. 8. 9. 10.*

*Igliesca 2. part.
Lib. 6. c. 16. vsq;
ad 18.
Tartagn. 2. part.
Lib. 20.*

E Pelago ad continentem remeat bellum.

Infubres , Aragonios , Florentinos ,
Æmiliæ , Bononiæque campis metit .

A terra in aquam progressæ pugna ,
Nicolaus Canalis Imperator

Thraciæ Oppida incendit ;

At funeris Eubœæ funalia accendit .

Hæc trecentis nauibus ,

Centum viginti millibus armatorum obsessa ;

Ab hostico acinace deleta est .

Aliquod arbitror Numen

In remoram versum

Venetam classem illis vadis affixit .

Infelix Vrbs fortissimè pugnans

Dum feralibus flammis micat ,

Crudele spectaculum Dux spectat ,

Nec dimicat .

Princeps vt se cautum ,

Dirisque in se allisis caudem exhibuisse

Ostenderet ,

D. Iobo Fortunæ scopulo Templum facrat .

Ibi eum occubuit , decubuit

Decem annos in Curia iactatus .

NI.

NICOLAI THRONI

Elogium LXVII.

Anno 1471.



Nullus Chiron Venetijs

Ad Regna imbuit Heroum animos;
 Omnes Solijs capefendis nascūtur instructi,
 Regnis dandi, ad Regna acciti.

Kk 3 NI.

NICOLAUS THRONVS

Vt Thronos distribueret Orbi,

Maximam Heroïnam

CATHARINAM CORNELIAM

Iacobi Regis thalamo destinatam

In Cyprum misit.

Indignata est Venus

Sedibus suis externam Venerem imperare ;

Forma æqualem , pudicitia non æquandam .

Mox Princeps Principum arbiter

Hercule , & Nicolao Atestinis

Intestinis dissidijs de Imperio rixantibus ,

Herculem regnare iussit armatus .

Ne Othomani manus

Patrium euerteret Thronum ,

Hunc fœderis vinculo cum Persarum Rege

Vincit .

Afsyrium acinacem Thracis opponit sagittis ;

Vt barbarus hostis

Ad barbarum allisus amicum

Sua barbarie frangeretur .

In Dei perduelles sacra Pontificis

Arma concitauit ,

Qui

Quibus Deus ipse sibi miles
 Proprijs pugnaret in Castris.
 Per Petrum Mocenicum Imperatorem
 Cycladas peruagatus,
 Manubias de hostibus retulit.
 Ad Pamphiliū Mare
 Cum Attalię detonuisset,
 Ionio Ponto in Smyrneam urbem
 Tempestatem effudit.
 Argenteum nummum
 Suo Throni cognomine percussit;
 Vt aureus Princeps
 Argenteo in Throno radiaret.
 Biennio nedum in Curia exacto
 Ad Minores Fratres funeratur.



NICOLAI MARCELLI

Elogium LXVIII.

Anno 1473.



Sic citò Cypri
 A Regis thalamo ad Regis tumulum;
 A tumulo ad arma descitum
 Ne mireris Lector.

Eadem

Eadem Cypria Dea, quæ Thoro Venus,
 Sepulchris Libitina præest,
 Et Martis amplexibus plerumque implicita.

Hæc Venetam Palladem
 Suo Imperio dum abdicare conatur,
 Coniuratorum iubet arma coire.
 Sacer homo sacri facinoris autor
 Noctu in aulam seditioso ferro irrumpit;
 Intempestis umbris scelera condit,
 Et Marte comite Venerem adit.

Impudicum Numen
 Iacobi Cyprij, Ferdinandi Neapolis Regis
 Natam, natumque spurios
 Ad solium impellebat,
 Vt in Veneris patria adulteria regnarent.

At

NICOLAI MARCELLI Principis
 Auspicijs,

Petri Mocenici Imperatoris ductu
 De Cypria seditione triumphatum.

A domestico bello
 Ad externum Princeps conuertitur.

In Scodram Epiri caput

Tota

Tota belli mole Turca ruente
 Subsidio Mocenicum mittit,
 Qui Illyricis , Pannonicisque copijs
 Hostem propulsat.
 Quindecim menses
 Rerum potitus Marcellus
 Arcem Coeli pietate , innocentiaque ,
 Quas semper coluerat,
 Comitatus adit.
 Ad D. Marinæ splendido tumulo
 Fulget,



PETRI MOCENICI

Elogium LXIX.

Anno 1474.



Ætate, Tropæisque grauis
Solio confedit

PETRVS MOCENICVS.

Hic togatus de Ciuibus

Arma-

*Coriolan. Cepio
Relation. de re-
busgestis à Petro
Mocenico.
Thrace deieffo to-
tam Caramaniā
Caramano resti-
tuit.*

Armatus de hostibus triumphauit.
 Maria Classibus, Prouincias exercitib. terruit;

*Cypri seditionem
 oppressit.*

Cypri Regnum inuenit
 cum perdidit coniuratos;
 Domuit Venerē, quia se Martem exhibuit.

*Constantinopoli
 per Antonium Si-
 culum Nauticū
 penam combussit.*

*Asiatica, & Eu-
 ropea Castella
 igne, ferroque de-
 uastat.*

Turcarum incendit oppida
 Vt superstitione arderet.
 Totum Epirum in vna Scodra
 Regionis capite asserens
 Pyrrhi gloriam exequauit.
 Vt ex Naupacti obsidione
 Triumphalem sibi laurum decerperet,
 Antonium Lauredanum Imperatorem
 Vt illam ab hostium syluis cæderet, misit;
 Lemni Turcarum copijs circumfufos,
 Quasi Steropi fulmina cudenda
 Tradidisset,
 E Vulcani Insula
 Barbaros excussit.
 Hinc Miram debellat,
 Vssum Cassanum Persarum Regem
 Validissimis viribus iuuat;
 Liciam diripit.

Æter-

Æternitatis circulo sua gesta

Impressurus

Ex suo cognomine Mocenicum numisma

Cudi iussit.

Diceres quasi congiarium triumphorū testem

Populo largiturus.

Pannoniæ Regina , Aragonio purpurato

Magnificentissimè exceptis,

Imperij anno secundo decessit;

Sub marmorea mole conditus

Ad DD. Ioannis , & Pauli.



ANDREÆ VENDRAMENI

Elogium LXX.

Anno 1476.



Martio Mense

Martium exacturus annum

Principis chlamydem induit

ANDREAS VENDRAMENVS.

Feli-

Felicitatem domi reliquit,

Diras in Solio inuenit,

Priuatus quietus, Princeps quietè priuatus.

Liberorum felix, patrię infelix pater;

In Senatu facundus,

In thoro fœcundus,

In Throno abortiuit.

Si venustatem iuuentæ,

Senectæ maiestatem,

Magistratus in Curia,

Opes in Laribus,

Connubia filiorum aspexeris,

Fortunæ simulachrum appellabis.

Serenos dies turbida exceptit nox;

Dum Eribœam Thracia concutiunt arma,

Subsidio missus exercitus trucidatur.

Ad Licinifum saltum

Hostium insidijs legiones deletæ

Tyleuemptum amnem cruentarunt.

Hoc gemino Reipublicę vulnere

Confossus Princeps interiit.

Ad Seruorū Ædem Regio tumulo conditur

Ducatus anno primo.

Ll 2 IOAN.

IOANNIS MOCENICI

Elogium LXXI.

Anno 1477.



Furiali per urbem grassante lue,
 Et inter Ciuium funera
 Rogali flamma in regali
 Principis aula micante,
 Impe-

Imperio inauguratus est
IOANNES MÖCENICVS.

Vrbis exequiæ Orbis excidia,
 Et ferales incensi ignes
 Per Curiam debacchati
 Palatina ferè Comitia peruadentes,
 Bellorum faces Patribus inferendas
 Comminati sunt.

Eriboë Ciues annum ferro,
 Et obsidionali fame cruciati,
 Suis mœnibus hostium manibus
 Tumulati,

Victori Ottomano
 Sepulchra potius,
 Et Vrbis vmbram patefecere,
 Quam urbem,
 Ex Eribæa in Scodram
 Thracij belli tempestas effusa.

Cum inuictam constaret,
 Quam tormentis Turca non valuit,
 Pace expugnauit.
 Sed diuturnius, atrociusque
 In Italia pugnatum est.

*Sequuta Pax
 Pacis lege
 Traditur.*

Quasi Turcica feritas
 Christiana immanitate vinceretur;
 Pro Florentinis in Aragonios
 Pontifici foedere iunctos
 Insuadentibus, Ferrariensibus
 Mantuanis commilitonibus motum est.
 Mutuis cladibus Etruscum,
 Romanumque solum erubuit.
 Partium furor plus sanguine
 Quàm pace extinctus est.
 Tum in Rhodios Turca irrumpit;
 Candidam Crucem Christiano cruore
 Commaculat;
 Inde Christiani sanguinis hirudo
 Hidruntum expugnat.
 Tandem Ottomana fera expirauit;
 Et cum Veneto vniuersus Orbis
 Respirauit.
 Mox Ferrariensis belli rabies
 Totam Italiam peruagata est.
 Terra, Mari, Fluminibus, Paludibus
 Decertatum est.
 Incensa oppida, dirutæ Vrbes,
 Et

Et ipsa belli caput
 Penè capta Ferraria.
 Demum Pontificis diris,
 Principum studijs,
 Orbe plaudente sedata dissidia.
 Republica Rhodigio, Polisinio,
 Et Vetsa Illyrici Insula aucta.
 Tot præliorum patrator Princeps
 Septimo à suscepto Imperio sublatus anno
 Ad DD. Ioannis & Pauli elatus est.



MARCI BARBARICI

Elogium LXXII.

Anno 1485.



Quam humanus barbarus
 MARCVS BARBARICVS;
 Qui delati Principatus
 Vel barbaros Turcas

Per

Per Oratorem habuit gratulatores;
 Illo Duce omnia urbana in vrbe.
 Nil barbaricum præter Palatinam
 Molem,

Principibus erectam Regiam.
 Numidicæ Alpes Veneto innatabant
 Mari,

Dædali cælo in Cœlum vertendæ.
 Huic primo Curix sublimi gradibus
 Ducale Diadema collatum,
 Vt Patriæ supremum se conscendisse
 Gradum

Populo plaudente lætaretur;
 Nullum bellum nisi in bellum gessit;
 Non alia quàm Astrææ arma
 In perditos Ciues,

In pestem Ciues perdentem
 Triumviratus tria spicula contorsit.
 Nouimestri Magistratus spatio emenso,
 Ad Charitatis Ædem
 Sepulchrali Vrna exceptus est.

AUGUSTINI BARBARICI

Elogium LXXIII.

Anno 1485.



MARCO BARBARICO
AVGVSTINVS BARBARICVS

Suffectus est ;

Frater fratri, idem sibi.

Respu-

Respublica Principem non mutauit;
Sed nomen.

At Fortuna scenam ex pacifica
In belligeram commutauit.

Roboreti ferri fodinæ
Totius Germaniæ arma conflarunt;
Dum has non iure, sed iniuria petunt
Principes,

Captium ferrum è terræ latebris,
Et sepultum Martem vindicare visi:

At dum ferrum quærunt

A ferro perduntur.

Germanico sedato bello

Imperio prospectum.

Ne femina viro, natoque viduata

Regno quoque orbaretur,

Cypri Regina

Ad Patriæ Lares reuocatur.

Virili Patrum fortitudini

Regni fræna traduntur;

Tum è Gallicis Alpibus

In subiectam Italiam

Caroli Octaui

In-

Intortum est fulmen :
 Hoc violenta flamma
 Florentinum decoxit Ærarium ,
 Senenses terrore concussit.
 A Romæ collibus , an collo
 Caput excussit ,
 Cum Pontificem vrbe deiecit.
 Neapolitanum Regnum
 Prius vicit quàm vidit.

At Principum omnium conspiratione
 Ultra Alpes pulsus,
 Fulguris breui felicitate
 Vfus est Carolus.

Ferdinandus Neapolis Rex
 Suis iuribus , Venetis viribus
 In Solio confedit ;

Præstitæ opis, opumque in bellum effusarum
 Obsides

Tranum, Hydruntum, Brundisium
 Tradit Reipublicæ.
 Ex supero ad inferum Mare
 Pro Pisanis
 In Florentinos, Insubresque

Bel-

*Ad Tarum Res-
 publica illum se-
 de cecidit; Regia
 tentoria, & E-
 xercitus impedi-
 menta diripuit.
 Ighl sca 2 p. Lib.
 5, cap. 21.
 Mariana tom. 2.
 Lib. 26, cap. 9.
 Guicciard. Lib.
 26, cap. 9.
 Guicciard. Lib 3.
 Ighl sca 2, part.
 Lib. 6, cap. 21.
 & 53.
 Fargagn. part. 2.
 Lib. 21.*

Bellum traductum est ;
 Huius impetu Cremona ,
 Abduæque Glarea subactæ.
 Interim cruenta Mahometi luna
 Terra exercituum ,
 Mari è velorum nubibus detonuit .
 Dum Veneta Classis per æquora
 Intempestiuis prælijs vagatur ,
 Hostis Naupactum diruit ,
 Methonem excindit ,
 Domat Alesam .
 Inter tot vrbium funera
 Cephalene Veneto Imperio
 Reuixit ex flammis ,
 A Benedicto Pisauro Imperatore ,
 Hispanisque nauibus in Insulam
 vibratis .
 Princeps quindecim annos
 Throno sublimis cecidit ,
 Et ad Delubrum Charitatis
 Iacet .

Doglion. Lib. 10.
Tarcagn. 3. part.
Lib. 21. & 22.

LEONARDI LAVRETANI

Elogium LXXIV.

Anno 1501.



Adoratum victoriæ Idolum

Ex lauro sibi Roma

Excidebat;

Suos Triumphos

Ex

Ex Laureto

LEONARDI LAVRETANI

Sibi Respublica decerpfit .

Flammis iubatus hic Leo arsisse

Inter bella visus ;

Romanam lupam

Veneta vel æquavit fera , vel vicit .

Non Carthagini , sed Cameraci

In illius parricidium

Orbis Principes consensere ,

Illi Feretrum , manubias Feretrio

Spondentes .

Vndique in Principem

Germanica , Gallica , Belgica , Italica

Arma tonuerunt ; at non terruerunt .

O adamantinam fortitudinem ;

Turcico fessus bello ,

Omnis externæ opis inops ,

Solus tamen par omnibus fuit ,

Vt calamitatis magnitudine

Maiestatis magnitudo augeretur .

Quod Romanis Cannæ ,

Hoc Venetis Glarea Abdux .

Mm 2

Ibi

*In Exercitu Ve-
neto Milites trās
fugæ in illū
pugnant.*

Ibi Gallorum armis, insidijsque
Militum fraude
Maximus Exercitus
Totius Imperij vires, trucidatus,
Imperator, Legatique debellati, fugati.
Hoc vltimum Reipublicæ vulnus fuisset,
Nisi Numina solidassent:
Per nudatum milite latus
Ad vrbium excidia sibi hostis
Ostium aperit;
Illi Brixia, Bergomum, Cremona
Mœnibus, non manibus propugnata
Cedunt.
Piscaria diu oppugnata
Tandem expugnata.
Mediolani dum Triumphos
Gallus cantat,
Ex gelido Germaniæ Polo
Ardens Vrba prodijt.
Huius ferreis vnguibus
Istriæ, Forique Iulij laceratę Vrbes.
Patauium quoque, Vicetia, Verona
Cæsarianis non Legibus,
Sed

*Imperator in Ve-
netos.*

*Pontifex Rauen-
nam obsidet; mu-
nimenta diripit.*

Sed legionibus se dedere.

Aemiliae arces Pontificis gladio

Victimæ cadunt.

Ferrariensis de Veneta classe

Triumphat ad Padum.

Hoste foris cladibus saturato

Domi famescebat Ærarium,

Conscribendis militum manibus

Nerui deerant.

Fractis rebus, infractus Princeps

Opes ad Patriæ opem

In medium vt proferrent

Suo exemplo Patres, Ciuesque

Prouocauit.

Imperaturæ vrbis Fata

Belli aleam euertunt.

Priuatum aurum publicum mutatur

In ferrum;

Et centuriatis cohortibus

Primum Patauium

Andreæ Gritti Ducis virtute aperitur.

Reliquæ Vrbes aut hasta, aut astu

Iterum Principis iugo subduntur.

*Guicciard Lib.
8. vsque ad 12.
Igliesca 2. part.
Lib. 6. cap. 23.
§. 2.*

Mm 3 Ne-

Nescias hostis citius Victor venerit ,
 An Victus redierit.

Pontifex non vincitur ;
 Sed fæderis vinculo vincitur.
 Tum Riualti conflagrauit Incendium.

Vt eodem tempore ,
 Et perduellium triumphus ,
 Et Principis funus arderet .
 Qui cum liberos , opes , spiritus
 Pro patria profudisset ,
 Spiritum in hostes efflauit .
 Viginti annos cum fatis
 In Throno obluçtans
 Ad DD. Ioannis , & Pauli
 Principe digna sub mole
 Iacet.



ANTONII GRIMANI

Elogium LXXV.

Anno 1521.



En Venetum Alcibiadem,

Cui Fortuna

Se Matrem præbuit, & Nouercam,

ANTONIVM GRIMANVM.

Hunc

*Andreas Mau-
rocen. Hist. Ve-
net. Lib. I. part.
3.*

Hunc tanquam vteri sui monstrum,

Adhuc puerum

Per Syriam, Ægyptum, Africam

Spectandum circumtulit.

Virili sumpta toga,

Magistratibus Magistrum,

Classibus Imperatorem dedit.

Suis Armis Mare concussit,

Solum domuit.

Monopolim tormentis,

Polignanum, Molam,

Brundisium, Hydruntum

Solo nomine expugnauit.

En Fortune insolentia,

In Baiazetē numerosa classe cum mouisset,

Minus felicem reddidit;

Nec erubuit,

Cum Imperatoria chlamyde rubentem

Seruili compede vinctum

Ciuium oculis obiecit.

Verum supplicijs

Non deformata Maiestas

Ignominias decorauit.

Su-

*Pueritiam per
has Plagas egit.
Paulus Iouius in
illius Elogio.*

*Ob Monopolis
cacidium territz
Vrbes se dedere.*

*Ad Methonem,
& Prodonum
infelicitate actū,
Naupactum per-
ditum.*

*Andreas Mau-
roc. Lib. 1. part.
3.*

Super ferrea pondera ,
 Quasi super virtutis Tropæa pedes fixit ;
 Quæ dum Curie gradus ascenderet,
 (Diceres ad Principatum)
 Vt veneranda Cardinalis filius
 Purpurea manu sustinebat ;
 Hunc dignitatibus exutum,
 Omnium diris deuotum , extorem,
 Mox omnium votis, lætitia, plausu
 D. Marci fascibus restitutum
 Patriæ fastigio collocavit.
 Dignus planè,
 Qui siue interfuit, siue abfuit,
 Patriæ semper profuit.
 Ab illa multatus pro illa multus fuit.
 Qui semper se Ciuem gesserat,
 In Imperio ciuilem se præbuit ;
 In prælijs semper fortis, non semper felix .
 Republica Triennium optimè gesta ,
 Completo ludo discessit.
 Qui se viuentem saxum Fortunæ obiecerat,
 Mortuus sepulchri lapidem in illam iecit
 Ad DD. Ioannis, & Pauli .

*Roma exul pro
 Republica totus
 erat .*

*In Rhodi exci-
 dio Christianam
 rem funeratam,
 candidam Crucē
 pullatam defle-
 uit .*

*And. Maurocen.
 Hist. Lib. I. p. 24 .*

AN-

ANDREÆ GRITTI

Elogium LXXVI.

Anno 1523.



Bellorum patratores maximos,
 Orbis Principes maximos
 Vna protulit Ætas,
 Carolum Austriacum,

Soly-

Solimanum Ottomanum,

Franciscum Valesium,

ANDREAM GRITTVM.

Vtri eorum alterum prætuleris

Nescias;

Omnes Annibales dicas, vel Cæsares.

Certè Andreas in Castris

Adoleuit;

Tum quietus, cum inquietus;

Illius culcitre tomenta

Bellica fuere tormenta.

Sitim hostium sanguine,

Aut bellico sudore sedabat.

Venetum Imperium

Omnium Principum prostratum

Viribus

Armata manu erexit,

Inermi capite rexit.

Ad Abduę Glaream galeam induit,

Qua Fortune frangeret tela.

Brixiam asserens

Cum vrbe vincitur à Fosseio.

Placuit pro libera Patria

Esse

Esse captivum;
Mox de Gallo foederis nexu obstricto
Triumphavit.

Per tot armatos exercitus

Quibus praefuit,

Velut per ferreos gradus

Aureum folium ascendit.

In Gallum pro Cæsariana Aquila,

In Aquilam pro Gallo certavit;

Ab illius vnguibus

Cremonæ prædam detraxit.

Urbium, Principumque funera

Ex Veneta specula spectavit.

Orbis sacrarium

Militari insolentia violatum,

Pontificem, Galliæque Regem

Carceris squalore obsitos,

Pannoniæ Regem, cum exercitu suo

Thracijs coopertum sagittis

Non sine lachrymis aspexit;

Ne Cæsarianæ laurus umbra

Totum denigraret Orbem,

Gallum Neapolitanum Regnum quatientē

Ma-

*Romæ Cæsaria-
nae copiae populā-
ent.*

Maritimis, terrestribusque copijs adiuuit;

Tum ne Italia feriretur

Cum Cæsare foedus ferijt;

Thraciam feram ex Corcyra excussit,

Scardonam solo æquauit,

Ostrouicum diripuit.

Cydoniam, Rethymum, Iadram

Propugnauit.

Maritimas oras, arcesque communiuit.

Sociali Classe Illyricum, Castrum nouum,

Geminasque arces debellauit.

Demum post sexdecim Imperij annos

Hostium terror, Ciuium amor

Interrijt.

D. Francisci ad Vineam

Ferali pompa condecoratur.



P E T R I L A N D I

Elogium LXXVII.

Anno 1538.



Bifrontem Fortunam

Armatam domuit, togatam coluit

P E T R V S L A N D V S.

Solimanum, solum, salumque

Fer-

Ferrea manu euerentem
 Maritimis, terrestribusq; arcibus coercuit;
 Ænobarbum barbarum illius Legatum
 Ad Nauplium Thraciæ obtruiuit;
 Ad Ascriuium illius acinacem hebetauit;
 Apuliam domuit, Urbibus spoliauit.

Vt se omnes eloquentia,
 Et martia fortitudine superare ostenderet;
 Neapolim Sirenum domū obsidione terruit.

Quasi parum esset Fatis
 In Rempublicam foris aduerso Marte sequere,
 Domi Ciues Cereris grauitate opprimebāt;

At Principis pectus
 Vtraque spicula excussit.

Vt Turcicam tempestatem

Maria perflantem diffaret,

Stephanum Theupolum Imperatorem;
 Qui contra Ænobarbum Corcyræ vindicem

Se præstiterat,
 Ferreum scopulum obiecit.

Vscoccos ex saltibus

Ad Maria exilientes prædabundos

Ne ad nemora resilirent

Nn 2

Pa-

*Igliesca 2. part.
 Lib. 6. cap. 27.
 Mambrinus Ro.
 seu 3. p. Lib. 3.*

Patibulis affixit.
 Ottomani belli sedata hyeme
 Vt Domi otia retur,
 Portum (Patrię fauces)
 Minacibus munimentis communiuit,
 Quę ad pacis somnos vigilarent.
 Cum bello illius proles esuries
 Exulauit.
 Cæsare , Galloque digladiantibus,
 Ab utroque ut in arenam descenderet
 Exoratus,
 Ad nullius studia deflexit.
 Vt Astræa in foro
 Ciuium dissidia facilius audiret;
 Nouissimos adiecit Auditores.
 Nouem annos Ducali Syrmate fulgens
 Ad D. Antonij tumultatur.



FRANCISCI DONATI

Elogium LXXVIII.

Anno 1545.



Victrici lauro,
 Et Triumphali Palma
 Venetis in Æstuarijs plantatis,
 Sub earum vmbra

Nn 3

Pa-

*Tanta diuinarū,
 humanarumque
 rerum sapientia
 excelluit, ut vi-
 gintiquatuor vi-
 cibus suum Sena-
 tus dixerit sapiē-
 tem.*

Pacificus refedit
FRANCISCVS DONATVS.

*Toto penè Orbe
dimicante pace
fruitur.*

Bellorum Patratorum
Quasi Epinicia spectaret,
Funebres Germaniæ,
Galliæ, Italiæque ludos
Gladiatorias Turcarum Pyrrhicas;
Ab iisdem in Africa sanguineis fluctibus
Celebratas Naumachias
Ex Reipublicæ Podio prospexit.
Dum externis in Regnis
Templa, Arasque prælia euertunt,
Innocua superstitione Venetijs
Numinibus Ædes pax suscitatur.
Principis Palatina moles
Marmoreo vertice pulsat sydera;
Astrææ delubrum
Iuridico in Foro superbit.
Pluto Ærarij,
Palladi Athenæi
Pelasgo lapide Fana sunt posita.
Vndique infesto mari
Marmoreæ, splendidæque

*Ducis Palatium
absoluit.*

*Tribunalia com-
plet*

*Ærarium, & Bi-
bliothecam con-
struit.*

A Ci-

A Ciuibus iactę moles,
 Vt Deorum, non hominum
 Tecta viderentur.

Dum pacis in gremio Princeps quiescit,
 Bellonam territurus,
 Venetis agminibus

Guidum Vbaldum Vrbinatum Ducem
 Imperatorem dicit,

Cui, vt se Dei bella gessurum
 Intelligeret,

In D. Marci Templo
 Imperij tradit vexillum.

Hinc tactę de Cœlo Turres
 In Thracij Pirate sceleratum caput

A Christophoro Canali

Intorquenda tela prædixere.

Hispaniam, Galliam, Britanniam

Legationum Maieftate impleuit;

Leonem X. Clementem VIII.

Orator

In fui, Patrięque amorem pellexit.

Vel in barbaros humanus,

Turcis tertio pacem poscentibus

Eius

*Turcani latroci-
 niis Mare turban-
 tem debellat Ca-
 nalis.*

Doglion. Lib. 3.

*Marcellus in eius
 gestis.*

Eius consilio concessa ;
 Forum Iulium à proscriptorum
 Peste expiauit.

Princeps octauo a Securibus susceptis

Anno extinctus,

Ad Seruorum Ædem

Nobili Mausoleo sepelitur.



MARCI ANTONII TRIVISANI.

Elogium LXXIX.

Anno 1553.



Religionis, & Pietatis
Venerare Simulachrum Lector
M. ANTONIVM TRIVISANVM.
Quam dispar tuo

Ve-

Venetūs ANTONIVS Roma;
 Ille inuita vrbe Orbis Imperium
 Fortunę è manu extorquere
 Nixusest;

Hunc reluctantem torquent Patres,
 Dum vt imperet, imperant.
 Alter cum Regina Sardanapalus
 Lasciuijt, liguriuit;
 Hic in Regia Xenocrates
 Austerus, ieiunus.

Vnus in alios, alter sæuijt in seipsum.
 Ille inter Cupidines, cupediaſque, gemmas;
 Hic in egenorum cibos
 Suas gazas decoxit.
 Arma euirauit vnus,
 Vitia virilia fecit;
 Alter virtutes viriles reddidit,
 Scelera euirauit.

Hic alijs mitis, ſibi carnifex,
 Sacerdotis magnum ſacrificium ſpectans,
 Flagrorum tempeſtate cæſus
 Ante Aram

Victima pœnitentiæ Chriſto cadit.

Ibi

Ibi vt recta via Coelum petat,
Spiritus exhalat.

Pacem, quam infantem in Aula inuenerat,
Adultam

Nec Gallico, nec Germanico proco
Adulteratam liquit.

Annum Princeps,
Qui vina abhorruit
Ad Fanum Vineæ sepelitur.



FRANCISCI VENERII

Elogium LXXX.

Anno 1554.



Faustum Veneris sidus
 Blando aspectu
 Venetum prospexit Imperium,
 Cum Ducali Paludamento fulsit
 FRAN-

ERANCISCVS VENERIVS

Marte ab Vrbe proscripto
 Apud Belgas, Germanos, Italos
 Peruagante,

Venus arbitrata Mercurium
 Suadelæ, Pacisque Numen Venereum esse,
 Illi nupsit.

Multa Princeps bella confecit
 Quia nulla bella fecit,
 Pietatem semel Aulæ illatam
 Solij fociam semper adhibuit;
 Infantibus se placidum

Veneris Astrum,
 Sontibus austeram exhibuit Astream.

Pannoniæ Reginae
 Perinde exequiarum Principis
 Venetias Præfica aduentasset,
 Vix discessit, cum ille excessit.

Biennio Republica gesta
 Ad Saluatoris Templum
 Splendida mole refulget.

LAVRENTII PRIOLI

Elogium LXXXI.

Anno 1556.



Horrida bina tela,

Esuriem, luem

In

LAVRENTIVM PRIOLVM

Nu-

Numen contorsit;
 Alterum Petri à Musto sollicitudine,
 Alterum Agrarijs legibus confractum est.
 Bellantia arua dumorum telis
 Colonorum arma exarmant,
 Et pro spinarum, spicarum segetem
 Reddere iubent.
 Princeps sapiens Astris imperat
 Vt rastris allaborent;
 Hinc horrea rupturę
 Ingentes messes erumpunt.
 Gemina Dirarum excussa tragula
 Tertiam belli facem
 Italię imminentem extinxit.
 Pontificem, Cæsaremque dissidentes,
 Et cum eis concussum Orbem
 Composuit.
 Generi humano indicto iustitio,
 Carolo V. Augusto,
 Sorori eius Britannorum Reginae,
 Catholicę Religioni in Anglia funerate,
 Henrico Gallorum Regi ludicro certamine
 Extincto

Lachrymis parentauit.
 Principatus triennio
 Ob trinum domitum monstrum,
 Luem, Famem, Bellum,
 Triumphaturus Cœlos adit,
 Ad Saluatoris Ædem
 Illius exuijs illatis.



HIERONYMI PRIOLI

Elogium LXXXII.

Anno 1559.



Gemina Reipublicæ sidera,

Laurentius

Et

HIERONYMVS PRIOLVS

Oo 3

Ve.

Veneto Cœlo Castores
 Orbis tempestatibus sedandis refulsere.
 Nunquam funestius in Christi nauem
 Acherontis procella desæuijt,
 Vel ex Aquilone nimbi tonuerunt,
 Quàm cum Tridenti
 Catholicæ Fidei,
 Et vniuersi Orbis Fata commissa sunt.
 Tunc fortissimum Theologorum,
 Pontificumque agmen
 Contra Infernas acies,
 Potentissimaque eloquentiæ fulmina
 Pius Princeps obiecit;
 Pij Quarti
 Ad Christianæ Reipublicæ speculam elati
 Sibi studia deuinxit.
 Quia Imperium Religione,
 Religionem, Imperiumque
 Armis tutanda nouerat,
 Sfortiam Pallauicinum Patrię copijs præfecit,
 Sublimi Patriæ honore
 Octo annos decoratus
 Ad D. Saluatoris Sepulchro est illatus.

PETRI LAVRETANI

Elogium LXXXIII.

Anno 1567.



Cum Solimano Thracia bellua
 Bella quoque expirasse visa; at crudelia facta
 Crudelia instare Fata nunciarunt;
 Dum

PE-

P E T R V S L A V R E T A N V S

Rerum potiretur.

Primæ Orbis Diræ Selimus

Malo Patri pessimus suffectus est filius.

Hinc Martis Regia,

Vrbis armamentarium

Maximo incendio conflagrauit;

Diceres Vulcanum

Incestuosum in Martem faces euibrasse

Coniugis stupra igne expiaturum.

Flammis vndique cinctus

Horrifico fragore mugiebat

Torrefactus Deus;

Terræ tremor Numinis timor erat.

Martis bustum Venetijs ambustum

Cypri reuixit;

Infelix in Regnum

Totas Thracia Diana depluit sagittas;

Illuc Selimus improuisa classe bellum effudit.

Dum Cypri Turca furit,

In Vrbe fames ciues ferit.

Tâtas clades ne Princeps videret, clausit oculos

Quartum annum imperans.

ALOY-

*Armamentarij
incensum.*

ALOYSII MOCENICI

Elogium LXXXIV.

Anno 1570.



Asiatico Mari
 Bellum exardebat,
 Thraciaque agmina
 Cypri Vrbes quatiebant,
 Cum

3
Cum afflictę Reipublicę datus
ALOYSIVS MOCENICVS.

Antagonistę Fortunę
Fortis oppositus est Mirmillo.

At precipitantibus Fatis,
Turcico acinace amputatum
Regni caput cecidit Nicosia,
Et Famagusta

(Augusta quidem, sed tristis fama
Marci Antonij Bragadeni supplicio)
Cessit.

Hunc immanis Mustapha
Dum pelle spoliat,
Triumphali chlamyde induit;
Quia impavidum non potuit cor,
Corium detraxit.

Hic serpens non interit, sed innouatur,
Cum exuias linquens deglubitur.

Proprijs membranis
Cruoris minio, Tyranni stylo
Sua exaruit gesta Bragadenus..

Hinc Regnum euertit
Opes euerrit, Principes iugulat,
Omnia

Omnia funeribus implet Ottomanus.

In ultionem exurgens Respublica,
Pontificia, Hispanicaque sociata classe,

Pro vna Cypri direpta insula
Asiam, Africamque Pelago superfusas

Innumeris vectatas Insulis deleuit.

Marco Antonio Columna, Ioāne Austriaco,

Sebastiano Venerio Imperatoribus,
Septimum Octobris felicissimum diem

Christianus Orbis,

Et Venetum Imperium

In Turcarum nocte pullata Luna

Aspexit.

Immensæ classis, cladisque analecta

Naufragijs operto mari

Asiæ, Africæque littora ditarunt;

Viginti quatuor insuper supra ducetas naues,

Cum mancipiorum populo domum

Vectæ.

Tanto è naufragio pax emerfit.

Domi Galliarum Rex

Henricus Secundus

Magnificentissimè hospitatur.

Ob

Ob populum lue creptum
 Seruatori positum Templum.
 Hinc Curia penè tota conflagrauit,
 Vt Patrum aurea Consilia
 Igne purgata prædicaret.
 Princeps post septimum Diadematis annum
 Ad DD. Ioannis, & Pauli tumultatur.



SEBASTIANI VENERII

Elogium LXXXV.

Anno 1577.



Omniū votis, vocibusque,
 Ceu classico celeusmate
 E triumphato Salo ad triumphale Solium
 Accersitur

Pp

SE.

SEBASTIANVS VENERIVS.

Principum solem
 Thracia Luna confessa est,
 Cum illius pedibus festiuis osculis
 Calcandam se præbuit;
 Lætata cladium suarum auctorem
 Maximum Principem extitisse;
 Non puduit se à Venerio,
 Verè Nereo maris Numine victam,
 Cuius nauticis artibus
 Fluctus, ventosque militare
 Suo exitio senferat.
 Hic ab oculis flammæ,
 Ore tonitrua, manibus fulminâ
 Est iaculatus,
 Cum ad Echinadas insulas
 Imperatorem egit.
 D. Sebastianum
 Cœlo descendisse,
 Et Sebastiani Commilitonem
 Tunc se præbuisse creditum,
 Qui telorum segetem
 A Christi hostibus suo corpore fatam
 In

*Electo Principi
 Turcæ, qui ade-
 rant, præ lætitia
 pedes osculantur.*

In Christi perduelles intorquebat.
 Qui foris deleuerat Martem
 Domi grassantem Mortem extinxit.
 Hinc Redemptori Orbis
 Pro redempta Vrbe
 Vota nuncupauit,
 Publicèque supplicatum est;
 Ne leges vagarentur exleges
 Quinque Viros in illas
 Cenfores dixit.
 Ne fœneratorum fitis
 Populi famem pareret,
 Cereales Ædiles instituti,
 Quorum cura
 Mercibus prætia, & pondera darentur.
 Ærario quoque dati Triumuii,
 Ne Princeps Populusque egerent.
 Tantum Principem Rosa dignum
 Pontifex Maximus per Nuntium
 Annibalem Capuanum
 Rosa non Pæsti, sed inter pestis funera
 Nata
 SEBASTIANVM donat.

Visus est Pœnus Annibal
 Ex sua Capua
 Rosam florum principem
 Principum flori,
 Et Veneris purpuram
 Purpurato Venerio obtulisse.
 Sed heu Rosa non diu vernat;
 Ex Acherunte furiales tædę
 In Regiam immissę,
 Quę omnia incendio populatę,
 Vbi ad Paradisum peruenere
 Se infernas confessę constitere.
 Curia non interitura
 Non incuria, aut casu
 Cremata est,
 Sed vt in Rogo fœnix reuiuisceret.
 Vix annum Princeps Cornu gessit,
 Et moritur.
 Vt se dirutum quoque
 Patrię murum ostenderet,
 Muriani ad Angelorum Ædem
 Cum illis pro Republica excubiturus
 Se tumultandum præcepit.

*Ad Aulę caput
 Paradisum depi-
 ctum.*

NI

NICOLAI A PONTE

Elogium LXXXVI.

Anno 1578.



Quis erecto Ponte
 Irati Ponti
 Tutus naufragia non spectet?
 Quid mirum, si

Pp 3

NI-

NICOLAO A PONTE DVCE

Bellorum tempestates
 Secura Respublica prospexit ?
 Infra hunc PONTEM
 Pontificis Pij V. sæuere iræ;
 A pace Veneta cum Turca inita
 Illius animis excitatos fluctus
 Hic Orator leni oris aura sedauit.

Tridenti

In Christiani Orbis conuentu
 Ab illis Alpibus visus NICOLAUS
 Reipublicæ Legatus
 Eloquentiæ torrens ruere.
 Turcarum, Persarumque certamina
 Ex hoc PONTE
 Vrbs pacifica spectauit.
 Ex Capellia Gente Etrurię Principes dati,
 Cum magno Duci Blanca Heroïna
 Connubio iuncta est.
 Magnos animi partus
 Magnus Princeps montes effudit;
 Marmoreis, sublimibusque ædibus
 Velut iugibus iugis

D.Mar-

D. Marci Forum vndique cinxit.
 Iaponiæ Principes
 Miraculorum compendium,
 Et alterum in Vrbe Orbem inspecturi,
 Ex vltima mundi plaga
 Venetias venerunt.
 Princeps septem annos in Aula
 Pacificus
 Æternum quieturus decubuit
 Ad Charitatis Ædem.



PASCHALIS CICONIÆ

Elogium LXXXVII.

Anno 1585.



Augustus mensis Augustam mentem,
 Dominicus dies, dium dominium,
 Templum in quo orans
 Princeps renuntiatus est,

San-

Sanctissimum promifere Ducem
PASCHALEM CICONIAM.

Omnia omina probauit euentus;
 Qui in Fano inuenit Imperium,
 Studuit ne à profanis Imperium
 Perderetur.

In principatu Ædilem gessit,
 Sacras, publicasque Ædes
 Vel restituit, vel erexit.

Supplicia quoque reddidit speciosa,
 Sontibus custodiendis
 Marmorea, magnificaque claustra
 Excitauit;

Diceres delicta tam illustri hospitio
 Superbire.

Sapientissimus Princeps
 Hominibus scelerum immanitate
 In feras commutatis,
 Ceu bestijs

Anphiteatrum posuit.

Riualti vndas

Sublicio tantum Ponte coercitas
 Marmoreas Alpes baiulare iussit.

Mon-

Montes, vt Venetæ Maieſtati
 Superbos fleſterent humeros,
 Riualtum raptandos præcepit,
 Qui curuato ad obſequium pectore,
 Immanem Pontem excitarunt.

Triumphalẽ dicas à Principe erectũ Arcum,
 Vt quotidie per illum ſcandens Venetus
 Triumpharet.

Ne ipſoſterũ rigeas ad pẽſiles Babilonis hortos
 Cum hic ingentes pendeant Apennini.

Molibus vndique iactis Colofſis excitatis,

(Dignus planè cui Colofſi
 Sicut Cydonę in foro
 Ciuium amor poſuit)

Ponerentur,

Tabulis de arte naturaſque triumphantibus,

Ad pacis luxum Vrbe exornata,

Ad bella quoque animum intendit.

Vt externo Marti patriam,

Auſoniamque redderet imperuiam,

Ad Forum Iulij Italiæ Fauces,

Quà Barbari irrumpunt,

Maximi munimenti fundamenta iecit.

Pal-

Quod Palmæ nomine insigniuit
 Vt de hostibus
 Palmata veste triumpharet.
 Insulam quoque Cephalem
 Validissima arce communiuit.
 Ne quâ data rima prælia irrumperent,
 Iacobo Foscareno Imperatori
 Ad Turcicos iussit excubare apparatus.
 Securibus decem annos innoxie gestis,
 Non sine Orbis mœrore defecit.
 Ad Iesuitarum Templum
 Vbi solium tenuit, tumulo tenetur.



MARINI GRIMANI
Elogium LXXXVIII.

Anno 1595.



Cum
MARINO GRIMANO
Reipublicæ felicitas
Solio refedit,

Po-

Populi, Patrum Urbium,
 Principumque lætitiæ
 Lætissimo Imperio respondit;
 Qui priuatus Principem,
 Princeps se priuatum gessit;
 In Throno Cerealem, Ædilemque se præstitit.
 Horrea Cereris copiis
 In esuriem armauit;
 Structuris Urbem decorauit,
 Ratus Rempublicam ferream, æreamque
 Fore,
 Si aurea foret;
 Opes in Ærarium ad belli opem congeffit;
 Ne aqueis armis ferro durioribus
 Flumina ceu fulmina Urbem quaterent,
 Fractis eorum cornibus coercuit.
 Pacis assertor,
 Nec Pelago, nec terra
 Passus est consistere Martem;
 In Vscoccos mari prædabundos
 Benedictum Morum Imperatorem misit;
 Hic vnico prælio domitos
 In suos saltus

Belluas, bellumque reduxit.
 Cisalpinis Gallis,
 Ceu Mirmillonibus in arenam
 Descendentibus,
 Rhætos cum quibus foedus icit
 Retiarios opposuit;
 Palmæ inchoatum munimentum absoluit:
 Geminæ Imperij lustro
 Cum Rempublicam florentem reddidisset,
 Ipse exaruit,
 Ad D. Ioseph faxea mole operitur,
 Et tempus vt refloreat opperitur,



LEONARDI DONATI

Elogium LXXXIX.

Anno 1606.



Eodem LEONIS ex ore
 Et fulmina, & mellis flumina ruere
 Obstupuit,

Qui declamantem audiuit

Qq 2 LEO-

*Petrus Marcellus
in eius Vita.*

LEONARDVM DONATVM.

Pro Reipublicæ foribus oculis semper apertis

Excubuit hic LEO,

Plura inermis quàm armatus bella gessit

Alieno Sago, sua Toga usus.

De Thracia Fera

Hispano ferro triumphauit,

Cum Madriti Orator

Austriacæ Aquilæ fulmina

In Turcas concitauit.

Armorum nimbos Italiæ imminentes

Oris sui spiritu difflauit.

Ruens Galliæ Regnum

Apud Sixtum Pontificem Legatus sistit,

Et cum Henrico Quarto

Catholico Solio deuinxit.

Rodulphum Cæsarem,

Germanosque Principes

A Republica ferè auersos

Suis ad illam studijs conuertit.

Mahometi Tertij

Brutali ferocia cicurata,

Venetam pacem baiulare docuit.

In

*Jacobus Cana-
cius in calce sui
Musi.*

In grauiſſimo Patriæ discrimine,
 Apoſtolicæ Sedis obſequium
 Cum Reipublicæ amore
 Mirificè temperauit.

Prouincias munimentis,
 Munimenta commeatu, milite,
 Tormentisque communiuit.

Epirotarum myoparonibus
 Ab Vſcocchis ſclerata maria
 Ipſorum ſanguine expiauit.

Quos vt penitus debellaret,
 Ioannis Bembi Imperatoris
 In illos manus armauit.

Imperij Sol

Apud hunc LEONEM ardens ſex annos,
 Viſus Eclipſim pati cum interijt.

Ad maiorem D. Giorgij Ædem
 Sublimem ſe tumultandum iuſſit;

Vt è Regiæ poſitus regione
 Curiam ſpectaret,

Patrum conſilijſ adeſſet,

Et ad Patriæ amorem gelidum cadauer
 Tepidos inflammaret.

Qq 3 MAR-

*Andreas Mau-
 rocenus Hiſt. Ve-
 neta.*

*D. Georgij Fa-
 num Comitiorū
 Aula reſpondet.*

MARCI ANTONII MEMMII

Elogium XC.

Anno 1612.



Per Magistratuum phaleratos gradus ;
 Et sublimes D. Marci Fasces
 Reipublicæ speculam ascendit
MARC. ANTONIVS MEMMIVS.
 Ex

Ex illius summitate
 Italię vidit nimbos imminere ;
 Hinc subalpinis ex niuibus
 Subiti fulmen belli detonuit.

*Sabaudia Dux,
 mortuo Gonzaga
 exurgit in
 Mantuam.*

Ex Francisci Gonzagę
 Mantuani Ducis rogo
 Fulguri mutuati ignes,
 Qui in Durię, Mincijque fluctibus
 Conflagrarunt.

Ne ex annium rixa
 Torrens Aufoniam vastaturus erumpereť,

Hanc Mantuę asserturus
 Ferreum se aggerem
 Dux Venetiarum obiecit.

*Pro Italia tran-
 quillitate Man-
 tuano Venetus
 auxiliatur.*

Vterque tamen fluuius
 Cladium sanguine rubuit.
 Demum MEMMI, Principumque
 Studijs

Partium bellatrix hasta
 Astę posita.

*Astę Pacis le-
 ges conduntur.*

Mars his plagis eiećtus
 Ad Forum Iulij, Istriamque
 Suas plagas asportauit.

Ibi

Ibi Vscocchi
 Piratica rabie in bellum versa,
 Inter Ferdinandum Austriæ Archiducem;
 Rempublicamque,
 Certaminum faces in aquis accendere;
 Hæ dum ferali fulgore
 Per Regiones exardescunt,
 Princeps extinguitur.
 Hic tres annos, totidemque menses
 Republica præclarè gesta,
 Gestorum suorum duratura monimenta
 Marmoreo in monumento posuit
 Ad D. Georgij Maiorem Ædem.



IONNIS BEMBI

Elogium XCI.

Anno 1615.



IOANNEM BEMBVM

BELLVM potius appello,

In cuius agnomine

Tormentorum BOMBI mugiebant.

Hic

Hic mare, terrasque certaminibus impleuit;
 Prius triumphali pede Salum calcauit,
 Quàm solum.

Nondum tertio expleto lustro
 Adriaticum fretum, Ægeumque Pontum
 Sub Antonio Canali gloria inundavit;
 Hinc Sebastiano Venerio Imperatore
 Suppoti arcem munitissimam
 In Epiro euertit.

Ad Leucadem Venetum vindicauit pudorẽ,
 A turcarum Classe raptam Triremem
 Per glandium tempestatem remulcans;
 Ad Echinadas Insulas
 Martem, Vulcanumque
 Illi militare igne, ferroque dixisses.

Qui toties Imperator Pontum domuerat,
 Terras quoque Princeps triumphauit.

In Hispanos ob uiolatas pacis leges

Altæ fixas

Hastam cum Allobroge intorsit.

In Ferdinandum Austriacum pugnans,

Obsidione Gradiscam quatijt,

Illius copias compescuit.

Dum

*Cum Sabaudia
 Duce in Hyspa-
 nos pugnat.*

Dum Pedemontano, Foroiulensi,
 Istrioque bello distrahitur,
 Ab Ossunensium Duce
 Vulnus in æquore accepit.
 Prælijs feruentibus,
 Miratus est Orbis
 Ab huius Martis capite
 Oleatam Palladem emerfisse.
 Cuius studijs Matriti
 Allobrogicum, & Foroiulense
 Bellum sedatum est.
 Pace in Terris parta vt in Cœlo frueretur,
 Illuc properauit
 Principatus anno secundo, mense tertio.
 Interim extinctus
 DD. Ioannis, & Pauli contubernio
 Exceptus est.



NICOLAI DONATI

Elogium XCII.

Anno 1618.



Præcelso Reipublicæ Pharo
 Accensa flamma
 Vt nocturnis tempestatibus præluceret,
 Quàm citò evanuit

NI-

NICOLAUS DONATVS:

Quia humana exceſſerat facta

Humanis Fatis exceſſit;

Cum priuatus omnia peregiſſet,

In Solio nil inuenit patrandum;

Tamen ne triginta dies deſidioſus

Sederet,

Seditionem periculi plenam oppreſſit;

Fulgur viſus in aula,

Vno momento venit, coniuratos percuſſit,

Absceſſit.

Qui Iſtros, Liburnos, Vicetinos,

Cenomanos Præfecturis beauerat,

Forum Iulij Pæſti reddidit Imperium;

Patriam à fame, quæ Ciues

Ieiunio vorabat, eripuit.

Magnis facinoribus clarus

Ad D. Claræ Muriani iacet.



ANTONII PRIOLI

Elogium XCIII.

Anno 1618.



Hareo Sagumne, Togamue
 Augustius pro Patria induerit
ANTONIVS PRIOLVS.
 Certè Romana Rostra stupuere,
 Cum

Cum ad Summum Pontificem Legatus,
 Orbem, Cœlosque ligantem
 Eloquentiæ catenulis vinciuit;
 D. Marci Trabea fulgens
 Omnium oculos perstrinxit;
 Eques

In acie fortiter pugnavit;
 Imperator
 Pelago, Terrisque formidatus vicit;
 Princeps

De bello, paceque triumphauit.
 Cum adhuc infans Matriti vagiret pax,
 Ossunensium Dux tormentorum boatu
 Infesto mari mugiebat,

Hunc, eius direpta Classe perdomuit;
 Istriæ fretum nauibus insedit;
 Vt ex Hispania in Italiam nauigantem
 Multis allisam Syrtibus exciperet pacem;

*Istria superatis
 obicibus cū Ar-
 ciducalibus Ma-
 triti pacem fir-
 mat.*

Cum hac tandem laureata puppi
 Domum remeavit.

Imperio per lustrum tranquillissimè gesto,
 Vt extinctus quoque triumpharet,
 Sub D. Laurentij lauro sepeliendum se iussit.

Rr 2 FRAN

FRANCISCI CONTARENI

Elogium XCIV.

Anno 1623.



Magnitudinis
FRANCISCI CONTARENI

Hoc argumentum cape.

De vniuersa Europa triumphauit;

Quia

Quia Europeos omnes Principes
Non semel Orator ore debellauit.
Orbem quoque subiecisse dicas,

Cum ad Orbis caput
Paulum V. Pontificem Legatus
Feruidos illius animos

Diuina eloquentia composuit.
A Deipara ad Ducalem Thronum
Elatum est;

Cuius natalitio festo
Semper illi fasto,
Quo & vitæ primas,
Et Aulæ omnes hauserat auras,
Principis Corona est redimitus.

Abissinorum Regis filius
In Æthiopia sua

Diei facem cominus contemplari assuetus,
Quasi exoleuisset Sol,

Alterum clariorem extra Orbem quæsiturus,
FRANCISCVM CONTARENVM
Venetias spectatum venit.

Domi Princeps dum pace otatur,
Apud Belgas Bredæ obsidio feruebat.

Rr 3 At

*Natali Virgi-
nis die ortus, di-
gnitatis omnes,
& Principatum
in eodem adeptus
est.*

At tonitru quod Tellina in Valle
Remugijt,

*Ad Tellinam
Vallem bellis
prolusum.*

Illius, Italiæque serenitatem
Mox turbandam, comminatum est.
Antequam belli tempestas effunderetur,
Excessit.

Fascibus annum ynum, menses tres
Pacificè gestis,
Ad D. Francisci tumultatur.



IOANNIS CORNELII

Elogium XCV.

Anno 1625.



Venetijs quoque nascitur Rhinoceros
 Naso, Cornuque Potens.
 Quis talem ibit inficias
 IOANNEM CORNELIVM?
 Quem

Quem vel prudentia, vel animi robore
Nemo vicit.

Nullum timuit venenum;
Quia amuletum capite gesta bat;
Vt Martis, Palladisque studijs addictum
Scires,

Bellicosæ Brixiae, doctique Patauij
Fræna moderatus est.

*Verona, ubi est
Amphitheatrum
Præfecturâ ges-
sit.*

In Veronensi Amphitheatro
Toti Orbi

Gloriæ edidit spectacula.

Per Franciscum Maurocenum
Cretæ Proconsulem,

*Antea insalubri
aque haustu mi-
les peribat.*

Qui ad Urbis splendorem, & incolumitatem
Fontanam molem excitauit
(Diceres Iouis fulmina flumine extincturum)

Georgium Fratellum
Tyrannidis face Regnum depopulantem
Diuina prouidentia oppressit.

Quantò altius Thronum corpore ascendit,
Tantò inferius animo descendit;

*Diadema Ducale
in Senatu depo-
suisse, nisi Pa-
tres obstitissent.*

Regalem fasciam
Non adeò capite strinxit,

Vt

Quin facili negotio soluere non posset;
 Animi decora, quæ in solio
 Reliquit,
 Filius inuenit.

Quinque annos suprema fulgens
 Maiestate,
 Ad sepulchri tenebras
 Traductus est.

Adhuc tamen in Mausoleo micat;
 Radios enim, licet occidat,
 Non deponit Sol.

Ad Theatinorum Templum
 Magnificè hospitatur.



NICOLAI CONTARENI

Elogium XCVI.

Anno 1630.



*Post bellum cum
Archiducalibus
Imperij terminos
figens, illos am-
plavit.*

Debellato Foroiulensi bello,
Productis ad Tyrolum
Veneti Imperij finibus,
Pace cum Austriaco Archiduce fixa,
Di

Datis ditioni, prælijsque limitibus,
Domum triumphans redierat,

Vt Legati Virgam

Cum Principis Sceptro commutaret

NICOLAUS CONTARENVS.

Cum Viennæ reclusum Iani templum

Detonuit,

*Mantuanū eru-
pit bellum.*

Cimbricum, Theutonicum, Tigurinumque
Bellum

In Italiam recruidisse dixisses;

Eò atrocius, quòd nullus vindex

Inuentus est Marius.

Ferdinandus Cæsar II.

In vnā Mantuam totā vrget Germaniā;

Illius iræ extinguendis fulminibus,

Nec Vrbi circumfusus Mincius,

Nec Veneta Æstuaria,

Nec Romanus Tiberis,

Nec Gallus Rhodanus

Suffecere.

*Principis arm-
pro Mantua.*

Fumauit tandem nouæ Carthaginis

Bustum,

Et cum eo penè vniuersa Italia

Est

Est funerata.

Post bellum lues

Bellonæ crudum puerperium,

Per vrbes atra pestilentia

Grassabatur;

Aufonię decus metebat,

Et Venetę venustatis floribus

Ferales tumulos cumulabat;

Princeps vt validius, & sanctius

Quàm Consulari Clauo

Figeret luem,

Dium Puluinaribus

Pro Urbis salute vota nuncupauit;

Dei Matri,

Quæ Lauretana in Æde adoratur,

Pensilem lychnum

Quinquaginta auri pondo donum facrat;

Eidem Sospitatri

Templum Venetijs molitur.

*Salutis Phœnum
pro sedata peste
Votum.*

Extemplò Saltus, & Nemora,

Ex montium culminibus

Ad Urbis descendunt Æstuaria;

Medijs fluctibus montes baiulant,

Et Deiparæ excelsa mole

Su-

Superbiunt.
 Tantas Scenæ mutationes
 Cum quatuordecim menses
 Princeps spectasset in aula,
 Abiuit ;
 Et ad D. Mariæ nouum Fanum
 Tumulatus
 Noua siderum se regna colere
 Exclamat.



FRANCISCI ERICII

Elogium XCVII.

Anno 1633.



Fera vndique telis horrens,
 Viuum armamentarium

In
 FRANCISCI ERICII
 Fa-

Fatali agnomine pugnat;

Vt scias hostibus ad illius capitis pilos

Tanquam ad bellica pila trepidatum.

Patria suum confessa est Cæsarem,

Et Iulium fore dixit,

Cum ad Forum Iulium Legatum misit;

Palmæ arcem Consul adiit,

Vt triumphorum palmas inde auspicaretur;

Hinc Gradiscam obsidione quatit,

Diuguntorum Forum asseruit;

Crēmam desēdit.

In Tellinam Vallem ruentem armorum

*Tellinensi bello
pro Rhatis.*

Sustinuit torrentem.

Mantuano bello Germaniæ Aquilæ

Illius scuto fulmina repressa;

*Mantuanis præ-
lijs fortiter pu-
gnat.*

In Castrorum spolijs Ducale Paludamentū

*Dux renunciatur
in Castris.*

Inuenit ;

Per Marinum Capellium

Prædatricem Lunam ad Apollinis Urbem

*Ad Apolloniam
Africa Piratas
debellauit.*

Iugulauit ;

Ab Italiæ Principibus exoratus

Pro Parmæ Duce parmatus ad bella

Prodiit .

Sedatis Ausoniæ prælijs,

Sf

2

Re-

*Cydoniam, Bethy-
mumque rapit
Turca.*

Derepentè Ottomana procella
In Cretæ Regnum defæuijt;
In hanc Ericius suis telis armatur;
Ad Propontidē bis Turcarū classes dilacerat;
Ad Illyricum cædit exercitus.

Bella foris gladio,
Domi consilio patrabat;
Non amplius auspicijs tantum,
Sed & suo ductu prælia commissurus

Ducali Diademati
Maritimi Iuuperatoris
Sceptrum copulauit;
Si in Sago Cæsarem,
In Toga iure dixeris Catonem;
Quem Senatus Liburnorum primum,
Tum Patriæ Censorem designauit.

Decemuirale ferrum
Nonnisi inuitus in vitam alienam
Strinxit:

Ita in vtraque sapientia se gefsit,
Vt septem Græcię adiiciendum diceres
Octauum.

Ferdinandum II. Cæsarem.

In

*Et Continentis,
& magnus Sena-
tus Sapiens.*

In quem gladio pugnauerat,
 Legatus amica lingua expugnauit;
 Urbanum VIII. quem adiit Orator
 In sui admirationem adduxit.

Qui caput consilijs,
 Manus armis Patriæ litauerat,
 Cor adolendum mortuus præcepit;
 Hoc D. Marci Aris utpote Victimam
 Iussit sepeliri,
 Reliquas exuias ad D. Martini
 Marmore claudi voluit,
 Ut propè armamentarium
 Cum Martino milite
 Pro Ciuibus pugnaret.

*D. Martins Æ.
 des iuxta arma-
 mentarium.*



FRANCISCI MOLINI

Elogium XCVIII.

Anno 1646.



Quantam Reipublicæ molem
IN FRANCISCO MOLINO

Fortuna molita est!

• Montem posuisse dicas,

In

In quo bellorum procelle
Alliderentur.

Hic vertice proximus Cœlo
Deum pro Patria consulebat.

Quàm blandè per hunc montem
Eloquentiæ amnes murmurabant;
Pauperes auri, argentique fodinas,
Ferreas hostes in illo inuenere;

Ventosi honorum nimbi
Inconcussas illius perflauere cautes;
Cum totus esset marmoreus,
A Creta sibi statuam erigi

Despexit;
Magnum sibi visus posuisse Colossum,
Si nullus sibi Colossus poneretur.

In Veneris Domo Martes nasci
Dalmatia mirata est,

Cum illum suis Castris
Imperantem vidit.


Cum Ægeo mari Thracium bellum
Detonauisset,

Hostium furori hanc molem
Licet senescentem Senatus obiecit,

Cum

*Classis Imperator
Podagra correptus
domum reuertitur, & Dux
eligitur.*

Cum in perduelles curreret,
Podagra pedem fixit,
Vt facilius Solium ascenderet.
Nouigradum à Turcis raptum
Denuò ab illorum manibus eripuit;
Per Leonardum Fuscum
De fortissimo Clissæ munimento
Triumphauit;
Ad Hellesponti fauces
Per Ioannem Capellum,
Ioannem Baptistam Grimanum
Imperatores
Classes absorpsit Ottomanas;
Vt Throni Apollinem intelligeres,
Imperij annos Musarum numero
Æquauit.



CAROLI CONTARENI

Elogium XCIX.

Anno 1656.



Ducalis Maiestas
 In penitissimis domus latebris
 Patrię thesaurum
CAROLVM CONTARENVM
 In-

*Dum domi late-
 bat, Princeps re-
 nunciatur.*

Inuenit ;

Cum ad aulam traduxit,

Nihil illi Principis addidit

Nisi nomen ;

Priuatum illius aurum

Publicum fecit.

In Reipubl. culmine positus CAROLVS

Vicinum Cœlum,

Vt de Terra triumpharet,

Aureis , argenteisque tormentis

Pauperum humeris baiulatis

Adortus est .

Blasphemantium fulmina in Deum vibrata

Ipforum in sanguine extinxit ;

Brixiam ferreis procellis ,

Ciuicoque cruore vndantem Pontum

Aura lenissima sedauit.

Verona , quę sub illius Imperio

Vernauit ,

Amphitheatro suo perenniozem

Circum maximum

In litteris (æternitatis circulo)

Erexit.

*adlectatum mu-
nimentis amorē
suum, & Caroli
gesta Verona cō-
signauit.*

Mor-

*Sollicitudine sua
à peste Urbem
seruauit.*

Mortis falcem,
 Quę Italiam demessuerat,
 Suę mentis acie hebetauit;
 Dormientium Deam vigilijs debellauit.
 Sarmaticum egit triumphum,
 Quia Orator de Regis corde triumphauit.
 Alexander Septimus
 Vt suum erga Carolum testaretur amorem,
 Diuorū effigies ab illo mox Cœlis spectādas
 Dono misit.
 Hinc ad Empyreum euolauit
 Principatus sui anno..



FRANCISCI CORNELII

Elogium C.

Anno 1656.



Aulæ auram
 Quam semper lethalem animis duxit,
 Corpori quoque exitiosam sensit
 FRANCISCVS CORNELIVS
 A Do.

A domo ad thronum,
 Velut à salubri ad pestilens cœlum
 Traductus,
 Breui mora interiit.
 Inuitum, & penè vi pertractum
 Ad Solium,
 Tam parum durasse nil mirum.
 Pauci imperij dies
 Dialem Principem ostenderunt;
 Vt semper Regē extitisse Fata prædicarent,
 Supremam vitam suprema vitta
 Decorarunt;
 Qui licet armata non debellauerit agmina,
 Bellicosum tamen se præbuit,
 Cum de Martis vrbe
 In Brixiana Prætura triumphauit;
 Ferreos, pugnacesque viros
 Aurea clementia perdomuit.
 Superiorum Principum
 Innocentiam, religionem, pietatem
 Inculpatissimis moribus expressit;
 Centum Ducum compendium dicas,
 Quorum centesimus clausit agmen.
 Tt De-

Decem & octo dies in Aula moratus
 Seculares ludos celebratum
 Abijt ad cœlos.

Felix Princeps,
 Qui Reges atauos,
 Patrem Principem,
 Filios Reipublicæ decora
 Suscepit.

Ad Theatinorum templum
 Magnificè tumultatur.



BERTVCCII VALERII

Elogium CI.

Anno 1657.



Purpuratum aureo Solio fessurum
 BERTVCCIVM VALERIVM,
 Purpurata, auroque paludata
 Gentilitia Aquila promisit.

*Aquila supernè
 aurea, infernè pur
 purea Valerioris
 Stemma.*

Tt 2

Hæc.

Hæc BERTVCCII labijs
 Sua fulmina aptauit,
 Quæ vt ciues in Senatu,
 Hostes in acie vincerent, ruebant.

Foro Iulio, Bergomoque
 Præfectus Iouis ales
 Saturni tempora adduxit;
 Florum patria acerbis consilijs
 Iactata,

Dum Principes in pacis, bellicue biuio
 Hærerent,
 Maturum BERTVCCII aspexit
 Autumnum.

Insuorum in arce
 Cum purpurata Hispaniæ Aquila
 Fulgeret,

VALERIAM Aquilam Deorum Nunciã
 Patres ad illam adlegarunt;
 Cœlo diceres inter auri procellas,
 Et eloquentiæ fulmina descendisse;
 Bis Romam ingressus, bis de Roma
 Triumphauit.

Pontifice, purpureoque Senatu

Fa-

*In Principum,
 consensu Floren-
 tiã pro Republi-
 ca petit.*

*Ad Cardinalem
 Infantem Lega-
 tus Mediolanum
 missus.*

Facundiæ loro religatis,

Innocentius X. Alexander VII.

Dum illorum ad pedes osculabundus

Procideret,

Illius capitis pondera sensere;

Triumphale Romæ solum,

Triumphale Patriæ solium spopondit.

Supremum Orbis Thronum veneratus,

Supremo in Urbis Throno venerandus

Redit.

Cererem ne Venetijs aufugeret

Horreis inclusit;

Victorię alas sui capitis vitta

Religauit;

Ipsius auspicijs

Laurentius Marcellus Imperator,

Non Syracusas,

Sed totum Byzantium in mari expugnauit;

Hellespontum, quo Xerxi non licuit,

Nauium, tormentorum, cadauerum aggere

Victoriæ pontem excitauit.

Ægeo triumphato,

Cycladum corona

Tt 3

In

In torquem Principis collo elaborata.
 Tenedos Insulam subegit,
 Ut in illa Constantinopolim obsideret.
 Alexandro VII. summis studiis agente,
 CAROLO CARAFA eius Nuntio
 Reipublicæ acceptissimo
 Maxima solertia rem gerente,
 Quod reliquis Pontificibus, Principibusque
 Ex voto non cesserat,
 Societatem Iesu amplexus est.
 Per Lazarum Mocenicum Imperatorem
 Ottomanas classes demersit;
 Arces euertit.
 Post triumphos, nondum expleto biennio,
 De illo mors triumphauit;
 At VALERIA Aquila
 Ad veri Iouis arces euolauit.
 Interim ad D. Iobi Templum
 Commoratur.

Hoc Elogiū exo-
 ratu mutauit
 Bertulij vita An
 tri imprimen-
 dum quod absque
 meo nomine pro-
 dūit.

)?(

IOAN-

IOANNIS PISAVRI

Elogium CII.

Anno 1658.



Victoriarum omen
 Laurea ferta
 Tuis postibus affigo
 A nemine vincenda Respublica,
 Tt 4 Quæ

Quæ Principem tibi elegisti,
 Cuius fatale nomen
 A triumphali voce Iō triumphos auspicatur.

IO ANNOS AVREOS
 IOANNES PISAVRVS

In ferrea Ætate reuocabit;
 Hoc Numinis arcana spondere;
 Cum illum infantem ex naufragijs

*E domus fastigio
 infans in Riuum
 prolapsus, non
 submergitur.*

Raptum,
 Mosis instar,
 Ab aquæ vortice
 Ad Aulæ verticem destinarunt.
 Pluribus regendis Orbibus parem
 Patria confessa est,
 Cum validam eius ceruicem

*Sex Magistrati-
 bus eodem tem-
 pore præest.*

Eodem momento
 Multis fascibus oneravit.
 Veneti Cœli Intelligentiam dixit,
 Cum quatuor supra viginti orbitas

*Citra exemplum
 24 vicibus Sa-
 pientie Magi-
 stratum gerit.*

Senatus Orbem
 Illius sapientiæ
 Circumuoluendum tradidit.
 Dodoneas Columbas

Illius

Illius pectori confedisſe creditum,
 Cum attonitis Principibus
 Reſponſa redderet
 Pluſquam humana,
 Hæc cum tota Gallia
 Purpuratus Richelius;
 Hæc Principum Maximus
 Urbanus IIX.

Cum ſua Roma ſtupuere,
 Suis conſilijs, alieno ferro
 Ingentia prælia patrauit;
 Ne per Tellinam Vallem
 In Italiam bella irrumperent,
 Allobrogicas obiecit Alpes,
 Gallicis agminibus, Venetiſque viribus
 Circumſepſit;
 Tantum Gallica, Sabaudaque Legatione
 Molitus eſt.

Magnos Principes,
 Velore, vel ære tonanti expugnauit;
 Ad Britannos Orator
 Orbe diuiſam regionem cum ſuo Rege
 Patriæ iunxit.

Huius

*Ad Urb. viij.
 Pontif. Maxim.
 Orator.*

*Ludovic. XIII.
 Gallie Regem,
 Carolum Eman-
 uelem Sabaudie
 Ducem pro Tell-
 na Valle Legatus
 cum Patria iun-
 git.*

*Anglia ad Regē
 Orator.*

Huius Regna domi sedens asseruit,
Urbis littora

Vt in hostium monumenta verteret,
In robustissima munimenta

Consuluit erigenda;

Cum in perduelles manu, & ferro
Nequiret,

Lingua, auroque decertauit:

Hoc pro Republica sanguinis vice
Largissimè effudit;

Marti litandum duxit,

Vt Pacis Templum poneretur.

Liceat vaticinari,

Thracios triumphos breui

Suis in Theatris

Venetiae cantabunt;

Tantum ominor

Ex Senatus sanctitate,

Principis Iustitia, & Religione.

Heu quam brevis diadematis,

Fortunæque coruscatio.

Dum HISPANIÆ GALLIÆQVE
Monarchæ maximi

Atto.

*In publicum
Ærarium auri
vim concessit.*

*Contra Turcas
bellum consilio
prosequendum.*

Attonito orbe Iani fores claudere meditatur,
 Et ex semper sperata, sēperq; desperata pace
 De Turcis Trophæa Princeps præstolatur,
 Feretrum, & pollinctores sibi cernit paratos;

At animis non deiectis,

(Cum Principem stantem mori deceat)

Morti obuiam iuit ;

Catholicæ Religionis Ægide loricatus ,

Vt illam ter prosterneret.

Ter

A IACOBO ALTOVITO,

Cæli, Terræque Arbitri sapientissimo Nuntio
 Noxarū obliterationē A. P. M. ALEX. VII.

Sibi impetrandam efflagitauit;

Hæcque sibi supremas Inferias exorauit,

Quæ Regibus tantum soluuntur ;

Vt scilicet sacris aris, Inferis tremēda victima

Deo pro illius Manibus

Summus Pontifex potenti dextera litaret

Sic dies maiestate actos pietate clausit ,

Et terreni Imperij annū, sexq; menses potitus

Æternū cum Christo regnaturus abscessit,

Regiæ moli ad Minores fratres inferendus.

DO-

DOMINICI CONTARENI

Elogium CIII.

Anno 1659.



Solium esse cometen
 Lethali flamma radiantem docuit
DOMINICVS CONTARENVS;
 Qui ne hoc pestilenti sydere afflaretur,
 Dum

Dum alij de diademate certarent,
 Atestini secessus otia quæsiuit;
 Ibi à rure Imperij sibi fasces germinatos
 Miratus est.

*Dum Atesti mo-
 ratur Princeps
 eligitur.*

Non semper cæca Fortuna est,
 Videt quandoque fortem Heroa,
 Quem ad regni fastigium euehat;
 In DOMINICO dominium legit
 Fatorum manibus impressum,
 Dignum duxit Imperio,
 Quia Imperium; renuebat;
 Nouerat ad Reipub. tutelam natum
 Qui Franciscum atauum
 In vna Asulana arce

*Hic Cæsaris Ma-
 ximiliani obsi-
 dionem distulit.*

Totius Italię assertorem habuit;
 Urbanos omnes virtus in Dominicum
 Magistratus congersit,
 Vt per Sapientiæ, Cōsiliijq; purpuratos gradus
 Throni gradus ascendere compelleret.
 Omnia corporis animique decora in illo
 De primatu contendunt;
 Tanta dicendi vi Principe digna pollet,
 Vt Suadam vno puerperio

*Sapiens, & cō-
 siliarius quæques*

Ipsam

Ipsum, Angelumque fratrem,
 Equitem, Diuiq; Marci paludamento insignē
 Effudisse putes;
 Hunc Europæ Aulis caduceatorem
 Octo vicibus obiecit;
 Illum principibus responsa redditurum
 In Patria reseruauit.
 Benè contra hostes ex Throno pugnaturum
 Sperat, qui nouit
 Ab illo DOMINICO hunc genus ducere,
 Qui Heluetios ad Marignanum profligauit,
 Forum Iulij, Longobardasque Vrbes
 Veneto Imperio restituit;
 Franciscum primum Gallorum Regem
 Ab exitio eripuit,
 Cuius aurea Lilia
 Gratitude monimentum
 In illius gentilitio Stemmata exclamant.
 Felix Princeps,
 Qui vix Solium ascendit,
 Cum bella corruere.
 Vidit in Hispaniæ, Galliæque Monarchis
 Compositis

Quie-

Quietum Orbem,
 Pacisq; amicū nomen per christianas oras
 Felici tuba reboare;
 Hinc Turcicas pugnas iugulatas cerno.
 Diu Princeps optime regna,
 Vt iustitiæ, sanctitatis,
 Et religionis fines
 Tua cum ætate producantur.



The first of these is the
 fact that the system is
 not a simple one, but a
 complex one, involving
 many different factors.
 The second is the fact
 that the system is not
 static, but dynamic, and
 is constantly changing.
 The third is the fact
 that the system is not
 uniform, but varies from
 place to place, and from
 time to time.



Luxus rosarum, disparesque
 Nectareos lacrymetur imbres.
 Quo Flora cultu prata comantia
 Flammis rosarum inscribit, & aureo
 Pallore pingit liliorum
 Exuuias, niuibusque crines?
 Hic Ascræ vatum, hic nobile Pieris
 Apis laborat nectar, & asperi
 Tactu leones mansuescunt
 Illicio famulantis auræ.
 Quàm sæpe ad huius verticis otia
 Leo superbi nobilis Adriæ
 Regnator armati cruentum
 Exuit ingenium leonis?
 Vt è cruenta cede ferocior
 Per decorem sanguine Bosphorum
 Inuisa iussit contumaces
 Fræna pati, dominumq; Thracas.
 Seu bellicosæ finibus Africæ
 Turrita classis Pergama, & arbitras
 Ponti triumphati triremes
 Intulerit, Nomadumque Regum
 Ad transtra, sæuam & vincla superbiam

Victor citarit; nec furor asperat
 Frontem, aut saginat efferatas
 Cæde ferox, & acerbat iras;
 Has Orbis (an me ludit amabilis
 Infania?) has olim auguror, auguror
 Glebas adoret, fulguretque
 Nobilium Cynosura vatum
 Gentile sidus. Te simul igneis
 Inscribat astris emeritum decus,
 Ignesque sphærarum MATINI
 Sidera multiplicent LEONIS.



327

SERENISSIMÆ REIPVB.
VRBISQVE VENETÆ

Elogium.

VRBS VENETA

Sola in Salo,

Sola sub Sole spectabilis,

Inuisa tantum inuidiæ;

Medio in mari nihil marinum habet

Præter salem.

Sedem in aquis stabiliuit suam,

Vt in fluxa vnda inuiolabilem perdurare

Obstupefcas,

Fundamenta gloriæ suæ in mobili solo iacta

Immobiliter consistunt.

Quot Duces, tot luces Reipublicæ dedit,

Soles dicas gentilitio in Leone efferuescentes.

Nunquam deplorata,

Semper implorata.

Quid prius miraberis,

Ciuitatis miracula

An Senatus Oracula?

V u 2 Pudi-

Pudibundam lauda Virginem
 Externi thalami non vltam tedis;
 Inclyta tamen grauidam sobole;
 Quam non vt Iupiter fracto,
 Sed sano peperit capite,
 Coronatam Orbis miratus est natam.
 Canuit in pubertate, quia exorta cū senibus;
 Pubescit in senio, quia lac fugit ex cano capite
 Ciuium, cum omnes sint Reges, nemo Rex.
 Purpuram hostili sanguine sibi tinxit;
 In sago Cēsaes, in toga nō desūt illi Catones.
 Thraciæ Lunæ cornua didicit frangere cornu;
 Solis volucrem, Iouisque fulminantem alitem
 Non horrescit.
 Nemeçam habet belluam vnguibus armatā,
 Quam ex æthere acciuit ad æquora,
 Vt inter aquas
 Fulminum derideret ignes.
 Infidijs imperuia ex cubitore non in diget,
 Lumine dormit aperto;
 Vrbemne an Orbem dixeris nescias
 Istam, cuius insignia
 Fatum mihi cudit in nomine Amoris ara.

VENETORVM. PATRV M

Prenfatio, fiue ambitus

In

D. M A R C I F O R O.

Elogium.

Hofpes

Adfpice VENETÆ REIP. APICES;

Apes dicas

Huc magno agmine aduolantes,

Pacifico murmure

Imperij mella fudantes.

Septem iactauit Græcia Sapientes;

En hic fapientum turmas

Porticibus deambulantes;

Ex oris Maieftate

Diceret toto ex Orbe Venetijs cōgregatos Reges

In hoc Forum confluxiffe,

Vt de regnandi iure,

Omnibusque nationibus fcribendi leges

Inter fe confulant.

Hæc pacis, bellicque officina;

Hinc erumpunt vel fulmina,

Vu

3

Vel

Vel flumina praeliorum incendia
Extinctura.

HOS VENETOS appella PENATES,
Penè natos iam ad regna imbutos,
Ac

Patriæ destinatos Patres.

Hostica littora

Horum magis pacifica ora,
Quàm bellica expauescunt æra.

Plus ad inermes horum pileos,

Quam ad armata trepidant pila,

VENETVM CONSILIVM
DEORVM CONCILIVM

Vocitantes.

Magistratum femina in hoc Foro iacta
In aurea Comitiorum aula maturantur.
Vide spectator vt inter hos nudus discurrit

Amor,

Salute data, & accepta,

Amplexu, & osculo

Paludamentum, quo induatur exposcens;

Nunquam ex hac REP. auolaturus,

Cum proprias alas illius dederit Leoni.

Hinc

Hinc odia exulant, vel si interesse audent,
Tanquam proscripta
Amoris incedunt larua personata;
Vt discas
RESPUBLICAS AMORE
Adolescere, odijs interire.



VICTORIÆ DE TVRCARVM PIRATIS
A VENETA CLASSE

Nuper ad Apolloniam reportatæ

ELOGIVM.

Oraë maritimæ
Ora lacrymarum vnda perfusæ
Oculos exiccate,
Iam remex Turcicus
Sui potius sanguinis, quàm vestri maris
Fluctus fecat.

At Elogiorum Oceano
VENETAM excipite CLASSEM;
Hæc Piratis Pyras medijs extruxit in aquis,
Impiorum puppes ipsorum vertit in feretra,
Et

Iusta iusto fulmine celebrauit.
Cædibus, rapinisque oneratę naues
Scelerum magis ponderibus,
Quam VENETORVM tormentis
In luctus, fluctusque pelagus
Demersę sunt.

VE-

V E N E T V S

Infames triremes castigauit aquis,

Vt extingueret Christiani orbis

Incendium,

Quod illæ Pelugi per sinum vehere audebant.

Turca venenato ferro pennas aptauerat,

Vt ad Christianas plagas

Plagis oneratam mortem,

Licet præcipitem volare compelleret;

Hinc velorum alis auolans

VENETI LEONIS

Alas nequiuit euadere;

Iam illius vngue iugulata

Exanguis Turcica pallet Luna,

Præter morem proprio decremento

Piscibus incrementa ministrans.

Hæc

LAVRETANÆ VIRGINIS

Pede contundi orbem suum dolens,

Illius delubro ferebat faces,

Nescia LAVRETVM Iouis ignes,

Nedum lunæ missilia aspernari.

ÆTERNVS SOL

AVE

IN

IN VIRGINIS DOMO
LEONEM IN SAGITTARIUM

Armauit.

Orbis, qui CHRISTVM adoras,
ADRIATICÆ REGINÆ

Felicia exopta sæcula,
Vt Turcarum animas corpore,
Fidelium corpora ferris exoluat.



D V C A L E

D. MARCI TEMPLVM.

Elogium.

Nihil hic mortale spectabis,

Vbi

D. MARCVS

Ænea, quam in fronte adspicis, quadriga

In Cœlum aurigat;

Ipse huic triūphali Venetę pietatis carpento,

Ne per insuetas fatiscant vias

Æneos submisit equos;

Qui tibi hinnire videntur,

Inhiare scito ad gloriam,

Ad cuius metā suspensos semper habēt pedes;

Ex Solis curru mutuatos crederem,

Ni Bizantino excidio aduectos scirem;

Vt hic Fatorum expectent tempora,

Donec Bizantio

VENETIAS ORIENTIS ASPORTENT IMPERIVM.

Æneæ delubri fores duraturum Templum

Supra Capitolium clamant.

Hæ

Hæ claudunt Olympum,

Cum
DEI SANGVINEM,

Et

Coelitem exuuias celent;

Astra ibi mirare,

Quæ in igneis calculis exardescunt;

Ex æthere diceris illa Venetum detraxisse.

Tessellatū nitēti saxo pavementū, ac parietes

Industri iurares penicillo coloratos;

Discolor lapis ī minutissima fragmēta cōcīsus,

Et pertinacis labore magistri discriminatus

Discrimen parit inter oculos, mentemque,

Saxane an colores viuant,

Nouo picturandi genere Apelle superato.

Quo nomine tot diuites

Dium effigies appellabis?

Nisi Democriti sectator haberer,

Dicerem, quot ibi effictæ imagines,

Tot mundos picturarum

Lapideis creatos atomis.

)?(

Na-

NAVALE ARMAMENTVM

Victoriæ Naualis Monumentum.

ELOGIVM.

Eiulatus ede ferales ferox Turca,
Venetijs mortis Ædem tibi extructā mirare.

Lacrymis adsperge
MONIMENTVM,

Quo tua tumulata est gloria;
Ad singula Tropea ex tuis relata cladibus
Singultus, & suspiria emittito;

Tuorum militum cadauera

In moenium lapides transiere;

Attritæ hastæ, perfossæ cassides,

Obtruncata capita,

Laceratæ classes

In fundamenta sunt iacta;

Immanes tuorum Ducum manes;

Nec sub vmbri securi

Ad Secures pallefcunt Venetas;

In caput tuum Vulcanus conspirauit

Ætnam perosus

X

Adria-

Adriaticos adiuit Ioues;
 Inter ipforum imbres
 Fulmina conflaturus, & tonitrua.
 Ad lamentabiles incudū gemitus ingemisce,
 Mille Brontes, mille Steropes
 Gemino armati oculo
 Ad tua excubant funera;
 Debellata vexilla tua vix illa sunt,
 Timor attriuit, non ætas.

Regina maris
 Inuita Thetide, Bellonam præfecit aquis,
 Syluas traducit ad vndas,

Et

IACVLATRICEM LVNAM

Inter marinos saltus

Sæpè venatur.

Malos suos hostibus malos

Neptuni crederes arces,

Ad inimicas fundendas Classes excitatas;

Suum dedit illis Fortuna velum;

Imò

MVLIEBRES FORTVNAS

Ad eorum consuenda vela

Trans-

Transmittit.

Hoc ARMAMENTARIVM

Iani Templum dicas,

Ex quo armata erumpunt bella.

Ibi subacta tormenta hostium;

Hostiæ Marti dicatæ

Humi deiecta iacent.

Hic longos intorquet Venetus rudentes,

Vt remotos etiam vinciat perduelles.

Arma licet inter otia splendescunt,

Vt negotiosa dicas,

Fulmina crederes iā in hostes intorta emicare,

Et cataphractus ad bella prodire.

Veneno medicata tela non horret Venetus;

Vnicornis quod aquis celat cornu

Illa comminuit.

*In puteo hic vni-
cornus cornu.*

In hoc armorum orbe

Ad hostica excidia mors oritur;

Hic quotidie immaniolem se fieri

Miratur.

) (

SE-

SERENISSIMI DVCIS REGIA.

ELOGIVM.

Quæ Pergama aduecta mari?
Æquorei hæc Numinis Regia,

An Capitolini Iouis arx?

Vtrumque dicas;

Iam assuetæ seruitio vnde

MARIS REGINAM

Tergo baiulant.

Ne credas hominis cælo marmoreas

Huius molis

Cælatas frontes;

Coelum quod Venetum incoleret Numen

Coelites fas erat habuisse cælatores.

Mille, quos miraris in atrio

Ex Corinthio marmore arcus,

Non tam immanis structuræ,

Quam Patrum grauitate,

CONSILIORVMQ; PONIDERE

Curuatos scito.

*Aula Comitiorū,
siue ut appellant
Magnum consi-
lium super loca-
tum est.*

Fōrensem porticus portant Iustitiam;
Ne timeas casuram inflexibili innixā lapidi.

Area puteos ærea corona cingit,

Vt ære perennius dicas,

Aquarum Reginæ Imperium.

Quàm pius Venetus in parentes;

Primos enim Mundi extinctos primordijs

Viuos educit ex marmore,

*Adamus, &
Eua spectantur
mirabili artificio
fabrefacti.*

Fecitque vt qui primum in luto

Sunt figulum experti Deum,

In saxo sculptorē plusquā hominē fortirentur.

Summis parietibus marmoreum caput

Excubantes exerunt Leones;

Solidi enim capitis

Adriaticus Leo parit liberos.

Vt Curiā adeas, Giganteos ascendis gradus;

Venet⁹ enī superbos pede proculcat Gigātes.

*Scala qua itur in
Curiam ex colof-
sis qui illam or-
nant, Gigantea
dicitur.*

Plures auratæ tibi occurrunt aulæ;

Plurimi namque per illas ingrediuntur Reges.

Sacro Delubro PRINCIPIS adhærēt tecta,

Vt ecclesiæ coniunctum, ac necessarium

VENETVM SENATVM

Credas.

Yy

SV-

SVBACTÆ CLISSÆ LESSVS.
ETHOPOEIA.

Amicum Numen LVNA
Roscidam solue super oculos meos nubem.
Impenetrabilia latera mea
VENETO milite perfossa
Ottomanno Imperio vulnera aperuerunt.
Fatidica Cassandra veros casus cano;
Iam Turcicæ potentia Fata vel inuident,
Vel fastidiunt.
Ne amplius me Clissam clepsydræ dicas,
Qua lacrymarum guttis
Mahumeticæ Monarchiæ mensurantur horæ.
Ab Arce Dalmata amatas arcent
Superi Turcarum victorias;
Iam cerno ex his alpibus BYZANTII
Glorias præcipites.
Vah infelices humanæ superbiæ vicēs;
Ego olim Turcarum formidabile
Munimentum,
Nunc flebile monumentum fio;
Agnosco pyramidem cui insideo,
Tu.

Tumulum esse Regum.

Leuctricam pugnam Leonardus Fuscolus,
Venetus Epaminondas oculis subiecit meis;
Parua manu ducum meorum fudit acies,

Reuinxit manus.

Nesciebam Venetis vadis alatos emergere
Leones,

Ad editorum montium arces auolatuos;
Hinc venisse, & vicisse idem fuit.

Vix Bombardarum rugitus edidere,
Cum militum vngue discerpta sum.
Christianus orbis lamentabiles ridebit

Eiulatus meos;

Orientis Imperator in me vna prostrata
Sui Imperij occidentem agnoscit,
Opportunè intortis linteis male sanum
Ligat caput;

Piè illius vertici à Luna sunt posita,
Vt regijs fascijs futuris cladibus medeatur.
Dum felicia VENETVM Vexilla collo

Infixa meo

Insultibus me petunt, dolore conficior,
Et vox hæret faucibus.

RI-

RIVALTIVS PONS.

ELOGIVM.

Distrahor, arcuatum montem, an pontem
Hanc portentosam marmoris molem dicā.

Montem potius appellabo;
Qui enim semiorbis urbem humeris baiularet?
Vel videns mentior tam immania saxa
Marinos inter fluctus librari.

Nec Neptunus, perfossis Tridente rupibus,
Tritone ministro tanta prodigia excitasset.
Dixissem arcum hunc ab Ioue fabricatum,
Cuius archetypum

Adhuc in aere picturatum ostentat; ○

At non nouit Venetus

Externa emendicare auxilia, ○

Solus didicit montes in pontes flectere,
Et æquoreos inter vortices vertices alpiū calcare.

Vt MARIS DOMINIVM venerere, ✓

Ponto pontem portandum dedit; ✓

RIVVM existimat ALTVM;

Hinc faxeo illius coronauit arcu tempora,

Hoc vt ARCV tempora iaculetur.

PRIN-

P R I N C I P V M NOMENCLATURA:

| | |
|---|---|
| P Auluccij Anafesti primi Venetiarum Ducis Elogiū 1. Anno 697. num. 1 | Obelerij Antenorei El. 8. Ann. 804. n. 22 |
| Marcelli Tegalliani Elogium 2. Anno 717. num. 4 | Angeli Participatij Elogiū 9. Anno 809. num. 26 |
| Vrsi Ipatij Elogium 3 Anno 726. num. 6 | Iustiniani Participatij Elog. 10. Anno 828. num. 30 |
| Ducalis dignitas abro- gata Anno 737. num. 9 | Ioannis Participatij I. Elogiū 11. Anno 829. num. 33 |
| Ducalis maiestas resti- tuta Anno 724. n. 12 | Petri Gradonici El. 12. Anno 837. num. 37 |
| Gallæ Elogium 5 Anno 755. num. 15 | Vrsi Participatij Elog. 13. Anno 864. n. 41 |
| Dominici Monegarij Elogiū 6. Anno 756. num. 17 | Ioannis Participatij II. Elogiū 14. Anno 881. num. 44 |
| Mauritij Galbaj Elog. 7. Anno 764. n. 19 | Petri Candiani I. Elog. 15. anno 887. n. 46 |
| | Petri Tribuni Elog. 16. |

§ anno

| | | | |
|-------------------------|-----|------------------------|----|
| anno 888. n. | 49 | Othonis Vrseoli Elo- | |
| Vrse Badoarij II. Elog. | | gium 26. anno 1009. | |
| 17. anno 912. n. | 52 | num. | 79 |
| Petri Candiani II. Elo- | | Petri Centranici Elo- | |
| gium 18. Anno | 932 | gium 27. anno 1026. | |
| num. | 55 | num. | 82 |
| Petri Badoarij Elog. | 19. | Dominici Flabanici | |
| anno 939. num. | 58 | Elogiũ 28. anno 1032. | |
| Petri Candiani III. | | num. | 85 |
| Elogiũ 20. anno 942. | | Dominici Contareni | |
| num. | 60 | Elogiũ 29. anno 1043 | |
| Petri Candiani IV. | | num. | 87 |
| Elogiũ 21. anno 959. | | Dominici Siluij Elo- | |
| num. | 63 | gium 30. anno 1070. | |
| Petri Vrseoli I. Elogiũ | | num. | 90 |
| 22. Anno 976. n. 66. | | Vitalis Phaletri Elo- | |
| Vitalis Candiani Elo- | | gium 31. anno 1084. | |
| gium 23. anno 977. | | num. | 93 |
| num. | 70 | Vitalis Michaelij Elo- | |
| Tribuni Memmij Elo- | | gium 32. anno 1096. | |
| gium 24. anno 979. | | num. | |
| num. | 72 | Ordelaphi Phaleu. | |
| Petri Vrseoli II. Elog. | | Elogiũ 33. anno 1102. | |
| 25. Anno 991. n. 75 | | num. | 99 |

Dominici Michaelij
Elogiū 34. anno 1117
num. 102

Petri Polani Elo-
gium 35. anno 1130.
num. 106

Dominici Mauroceni
Elog. 36. anno 1148.
num. 109

Vitalis Michaelij II.
Elog. 37. anno 1156.
num. 112

Sebastiani Ciani Elo-
gium 38. anno 1173.
num. 117

Aurij Maripetri Elo-
gium 39. Anno 1178.
num. 122

Henrici Danduli Elo-
gium 40. anno 1192.
num. 125

Petri Ciani Elo-
gium 41. anno 1205.
num. 128

Iacobi Theupoli Elo-
gium 42. anno 1229.
num. 132

Marini Mauroceni
Elogiū 43. anno 1249
num. 136

Ranerij Zeni Elo-
gium 44. anno 1252.
num. 138

Laurëtij Theupoli Elo-
gium 45. anno 1268.
num. 141

Iacobi Contareni Elo-
gium 46. anno 1275.
num. 144

Ioannis Danduli Elo-
gium 47. anno 1280.
num. 146

Petri Gradonici Elo-
gium 48. anno 1288.
num. 149

Marini Georgij Elo-
gium 49. anno 1313.
num. 153

Ionnis

Ioannis Superantij Elo-
gium 50. Anno 1323.
num. 156

Francisci Danduli Elo-
gium 51. Anno 1328.
num. 159

Bartholomei Gradonici
Elogiū 52. anno 1339
num. 161

Andreae Danduli Elo-
gium 53. anno 1343.
num. 163

Marini Phaletri Elo-
gium 54. anno 1354.
num. 168

Ioannis Gradonici Elo-
gium 55. anno 1355.
num. 170

Ioannis Delphini Elo-
gium 56. anno 1356.
num. 172

Laurentij Celsi Elo-
gium 57. anno 1361.
num. 174

Marci Cornelij Elo-
gium 58. anno 1361.
num. 177

Andreae Contareni
Elogiū 59. anno 1367
num. 179

Michaelis Mauroceni
Elogiū 60. anno 1381
num. 185

Antonij Venerij Elo-
gium 61. anno 1381.
num. 187

Michaelis Steni Elo-
gium 62. anno 1400.
num. 190

Thomæ Mocenici Elo-
gium 63. anno 1413.
num. 193

Francisci Fuscari Elo-
gium 64. anno 1423.
num. 195

Paschalis Maripetri
Elogiū 65. anno 1457
num. 200

Chri-

Christophori Mori
Elogiū 66. anno 1461
num. 202

Nicolai Throni Elo-
gium 67. anno 1471.
num. 205

Nicolai Marcelli Elo-
gium 68. anno 1473.
num. 208

Petri Mocenici Elo-
gium 69. anno 1474.
num. 211

Andreæ Vendrameni
Elogiū 70. anno 1476
num. 214

Ioannis Mocenici Elo-
gium 71. anno 1477.
num. 216

Marci Barbarici Elo-
gium 72. anno 1485.
num. 220

Augustini Barbarici
Elog. 73. anno 1485.
num. 222

Leonardi Lauretani
Elog. 74. anno 1501.
num. 226

Antonij Grimani Elo-
gium 75. anno 1521.
num. 231

Andreæ Gritti Elo-
gium 76. anno 1523.
num. 234

Petri Landi Elogium
77. anno 1538. n. 238

Francisci Donati Elo-
gium 78. anno 1545.
num. 241

Marci Antonij Triuifa-
ni Elog. 79. anno 1553
num. 245

Francisci Venerij Elo-
gium 80. anno 1554.
num. 248

Laurentij Prioli Elo-
gium 81. anno 1556.
num. 250

Hieronymi Prioli Elo-
gium

gium 82. anno 1559
num. 253

Petri Lauretani Elo-
gium 83. anno 1567.
num. 255

Aloysij Mocenici Elo-
gium 84. anno 1570.
num. 257

Sebastiani Venerij Elo-
gium 85. anno 1577.
num. 261

Nicolai à Ponte Elo-
gium 86. anno 1578.
num. 265

Paschalis Ciconiæ Elo-
gium 87. anno 1585.
num. 268

Marini Grimani Elo-
gium 88. anno 1595
num. 272

Leonardi Donati Elo-
gium 89. anno 1606.
num. 275

Marci Antonij Mem-

mij Elogium 90. anno
1612 num. 278

Ioannis Bembi Elo-
gium 91. anno 1615.
num. 281

Nicolai Donati Elo-
gium 92. anno 1618.
num. 284

Antonij Prioli Elogium
93. anno 1618. n. 286

Francisci Contareni
Elogium 94. anno
1623. num. 288

Ioannis Cornelij Elo-
gium 95. anno 1625.
num. 291

Nicolai Contareni
Elog. 96. anno 1630.
num. 294

Francisci Ericij Elo-
gium 97. anno 1633.
num. 298

Francisci Molini Elo-
gium 98. anno 1646
num.

num. 302
Caroli Contareni Elo-
gium 99. anno 1656.

num. 305
Francisci Cornelij Elo-
gium 100. anno 1657.

num. 308
Bertucij Valerij Elo-

gium 101. anno 1657.

num. 311

Ioannis Pisauri Elo-
gium 102. anno 1658.

num. 315

Dominici Contareni
Elog. 103. anno 1659

num. 320

Menda

Pag. 2 & viribus
 Ibidem formidataque
 Pag. 6 tum omnibus
 numero 12. Anno 724
 num. 13. Imperio
 num. 21. Gallę nepotibus
 num. 108. Aquas pignant
 Ibidem. bello prosequi
 Ibidem fascium positus
 num. 114 captę naues.
 num. 157 Eubęę
 num. 160 gradus
 num. 164 adorata
 num. 186 inducit imperijs.
 num. 193 sequuta seditio
 num. 196 Rascię Despotę
 num. 285 reddidit imperium
 n. 337 Nauale Armamentum

Emenda

Et virilis.
 formidatamque
 Non omnibus.
 Anno 742.
 Impio.
 Galbę nepotibus
 Aquis pignant.
 bello persequi.
 fascium potitus.
 extractę naues.
 Eubęę.
 gradibus.
 odorata.
 Inducit Inferijs.
 Sequuta deditio.
 Rascię Despota.
 reddidit imperium.
 Nauale Armamentarium.

SPECIAL 89-B
folio 4969

